

LOS HECHOS

Jesús ĩgũ buedoregũ beyenerãrẽ: “Õãgũ dey-omarĩgũ aarĩgũkumi”, ãrĩ weredeã

(Lc 1.1-4)

¹ Opũ Teófilo, yũ mũrẽ gojadupiyudeã pũguere Jesús neõgorague irinũgãdeare, ĩgũ buedea ããrĩpererire gojabũ.

² ĩgũ ãmũgasigue mũrĩaburo dupiyuro Õãgũ dey-omarĩgũ turaro merã ĩgũ buedoregũ beyenerãrẽ: “Ãsũ irirãkoa”, ãrĩ weredeãdere gojabũ.

³ Jesús ĩgũ boa, masãdero pũrũ, ĩgũsãrẽ cuarenta nũrĩgora deyoayurũ. Irasirigũ ĩgũ dupaturi okarire ĩgũsãrẽ õãrõ masĩmakũ iriyurũ. Marĩpũ ĩgũyarãrẽ doreri kerere ĩgũsãrẽ wereyurũ.

⁴ Jesús ĩgũsã merã ããrĩgũ, ĩgũsãrẽ ãsũ ãrĩyurũ:

—Jerusalẽta dujaka dapa! Iripoegue Yũrũ: “Õãgũ deyomarĩgũrẽ mũsãrẽ iriugũra”, ãrĩdeare yũka! Irire weresiabũ.

⁵ Juan mũsãrẽ deko merã wãĩyedi ããrĩmĩ. Yũ gapũ mérõgã pũrũ mũsãrẽ Õãgũ deyomarĩgũ merã wãĩyegũkoa, ĩgũ mũsã merã ããrĩnĩkõãburo, ãrĩgũ, ãrĩyurũ.

Jesús ãmũgasigue mũrĩãdeã

⁶ Pũrũ ãtãũ Olivos wãĩkũdigue Jesús merã nerẽ, ĩgũrẽ sërẽñañurã:

—Gũã Opũ, ¿dapagorare gajigũ gũaya nikũmũrẽ gũare dorebure, opũ pĩgũkuri? ãrĩñurã.

⁷ Jesús ĩgũsãrẽ yũjũyurũ:

—Yurɸ sugɸta masĩmi. Īgũ irasũta waaburo, ãrĩmakũ irasũta waarokoa. Musãya meta ããrã i.

⁸ MÉRŌGĀ pɸɸ Yurɸ Ōāgũ deyomarĩgũrē iriugɸ, mɸsārē ĩgũ turarire opamakũ irigɸkumi. Īgũ irasirimakũ, mɸsã güiro marĩrŏ güñaturari merã masakare yaa kerere wererã waarãkoa. Jerusalén marārē, Judea nikũ marārē, Samaria nikũ marārē, ããrĩperero i nikũgue ããrĩrārē wererã waarãkoa, ãrĩyurɸ Jesús ĩgũ buedoregɸ beyenerārē.

⁹ Īgũ irasũ ãrĩ wereadero pɸɸ, Marĩpɸ ãmɸgasigue ĩgũrē ãimɸrĩãkŏãyurɸ. Īgũsã ĩgũrē ĩãmutɸyamakũ, su yebo ĩimikãyebo túbiakŏãyuro. Irasirirã ĩgũrē neŏ ĩãnemobiriñurã.

¹⁰ Īgũsã ĩãmutɸyaripoe güñaña marĩrŏ pērã ũma surí boreri sãñanerã ĩgũsã pɸro deyoa,

¹¹ ãsũ ãrĩñurã:

—Galilea marã, ¿nasirirã ãmɸgasire ĩãmunírĩ? Jesús ãmɸgasigue marĩaguta dupaturi i ãmɸguere aarigɸkumi doja. Musã ĩgũrē mɸrĩãmakũ ĩãrŏsũta aarimakũ ĩãrãkoa, ãrĩñurã.

Judare gorawayurã, Matías wãikɸgɸre beyedeã

¹² Irasiri, pɸɸ Jesús buedoregɸ beyenerã Olivos wãikɸdi ãtãũgue ããrãnerã dijãã, Jerusalēgue dujáakŏãñurã doja. Iri makã pɸrogã ããrĩyuro iri ãtãũ.

¹³ Dujaja, ĩgũsã kãrĩrĩ taribu ãmarŏma taribugue ñajãkŏãñurã. ĩsãkɸ ããrĩñurã: Pedro, Santiago, Juan, Andrés, Felipe, Tomás, Bartolomé, Mateo, Simón celote wãikɸri bumɸ, Santiago Alfeo magũ, Judas Santiago magũ ããrĩñurã.

14 Gajirãde İğüsã merã nerẽñurã: Jesús pagupũrã, Jesús pago María, gajirã nome ããrĩñurã. Ɛmũrikũ iri taribugue Marĩpũre sẽrẽmurã nerẽñañurã.

15 Sunũ İğüsã merã gajirã Jesũre buremurã ciento veinte gora nerẽñurã. Irasirigũ Pedro İğüsã watopegue wãgãñugã, İğüsãrẽ ãsũ ãrĩyupũ:

16-17 —Yaarã, gũ Judas merã pe mojøma pere su gubu peru pẽrẽbejarãgora ããrãdibũ. Jesús gũare beyederosũta İğũdere beyeadimi, gũ merã İğũya kerere weredoregũ. Judas gapũ Jesũre peregũe ñeãwãgãmurãrẽ İğũrẽ İmumi. Oãgũ dey-omarĩgũ Judas waaburire Davire iripoegue gojadorederosũta diayeta waabũ.

18 İgũ Jesũre oparãguere İmudea wajare İğüsãrẽ wia, makã ojarogue waa, dipuru gapũ merã meemejã, İğũya paru meé ooreakõã, gũramisĩ wirisiri kũmoakõãyupũ. Irasirirã oparã iri niyeru merã İgũ meemejãdea nikũrẽ wajariñurã.

19 Judas irasũ waadeare ããrĩpererã Jerusalén marã pẽperekõãñurã. Irasirirã, İgũ irasũ waaderore: “Aceldama” wãĩyeñurã. “Aceldama”, ãrĩrõ, İğüsã ya merã: “Dĩ beodero”, ãrĩduaro irikoa.

20 Iripoegue Salmos wãĩkũri pũgue ãsũ ãrĩ gojasũdero ããrĩbũ Judare:

İğũya wii ããrĩdero masaka marĩrõ dujaburo. Neõ sugũ İgũ ããrĩderore dupaturi ããrĩbirikõãburo, ãrĩ gojasũdero ããrĩbũ.✧

Ãsũ ãrĩ gojasũdero ããrĩbũ doja:

Gajigũ İğũya moãdeare gorawayuburo, ãrĩ gojasũdero ããrĩbũ.✧

21-22 'Irasirirã marĩrẽ sugũ Judas gorawayugũre beyero gããmea. Sugũ, gũa merã ããrĩdire, Juan marĩ Opũ Jesúre deko merã wãiyemakũ iãdire, ããrĩpereri Jesús irideare iãdire, Marĩpũ ĩgũrẽ ãmũgasigue ãĩmũrĩãmakũ iãdire beyero gããmea. Irasirigũ, Jesús boadigue masãdeare gũa merã weregũ waagũkumi, ãrĩyupũ Pedro.

23 ĩgũ irasũ ãrĩmakũ pé, pẽrãrẽ beyeñurã. Sugũ José wãĩkũyupũ. Gajirã ĩgũrẽta “Justo”, gajirã “Barsabás” wãiyenerã ããrĩmã. Gajigũ Matías wãĩkũyupũ.

24-25 Beye odo, ãsũ ãrĩ sẽrẽñurã Marĩpũre:

—Gũa Opũ, mũ ããrĩpererã masaka gũñarĩrẽ õãrõ masĩa. Judas ĩgũ dapagora ããrĩrõgue waagũ, mũya kere weredoredeare pirikõãmi. Sugũ ĩgũ gorawayubure beyesiabũ mũ. Irasirigũ mũ beyeadire ĩmuka gũare! ãrĩñurã.

26 Irasũ ãrĩ odo, peye ãtãyegãgue Matías, José wãĩrẽ goja, puuigãgue sã, suye ãĩĩãñurã. Matías wãĩ gojatúadeayere ãĩ bokañurã. Irasirirã Matĩare: “Gũa pe mojõma pere su gubu suru pẽrẽbejarã ããrãnerã merã Jesúya kerere weregũ waagũkoa”, ãrĩñurã ĩgũrẽ.

2

Õãgũ deyomarĩgũ Jesúre bũremurãrẽ ejadea

1 Pentecostés* wãĩkũrĩ bosenu ããrĩmakũ, ããrĩpererã Jesúre bũremurã ĩgũsã nerẽdea wiigueta nerẽñurã.

* **2:1** Pascua bosenu waadero pũũ, cincuenta nũrĩ pũũ, Pentecostés wãĩkũrĩ bosenu waayuro.

² Puro gũñaña marĩrõ ãmugasigue mirũ buro aarirõsũ, ãgũsã ããrĩrõguere buro busu dijiriyuro.

³ Irasũ waaripoe peame ãjũrĩ pũrã dijari, nediru irirosũ deyori masakakure dipu weka deyoayuro.

⁴ ããrĩpererã Õãgũ deyomarĩgũrẽ opatari, ãgũ iritamurĩ merã gaji masã ya ãgũsã dupiyuro werenĩbirideare werenĩngãñurã.

⁵ Iripoere wárã judío masaka ããrĩpereri nikũ marã Jerusalẽgue ejanerã ããrĩmã. ãgũsã buremurĩrẽ õãrõ tuyarimasã ããrĩñurã.

⁶ Irasũ busurire pérã, Jesúre buremurã pãroque nerẽwãgãñurã. Iroque masakaku ãgũsãya werenĩrĩ merã Jesúre buremurã werenĩmakũ péñurã. Irasũ waarire pémasĩbiriñurã.

⁷⁻⁸ Irasirirã ããgũka, ãsũ ãrĩ gãme werenĩñurã:

—¿Nasirirã ãgũsã Galilea marã ããrĩkererã, marĩ yare õãrõ werenĩrĩ? Marĩ deyoadea nikũ marã irirosũ werenĩma.

⁹ Marĩ gajiro marã ããrã. Partia marã, Media marã, Elam marã, Mesopotamia marã, Judea marã, Capadocia marã, Ponto marã, Asia marã,

¹⁰ Frigia marã, Panfilia marã, Egipto marã, Libia Cirene wãĩkuri nikũ turo marã ããrã. Marĩ Roma marãde õõguere naarĩmasã ããrã.

¹¹ Surãyeri judío masaka, gajirã judío masaka ããrĩbirikererã, judío masaka irirosũ buremurã õõguere ããrã. Creta marã, Arabia marãde marĩ merã ããrĩma. Irasirirã marĩ ããrĩpererã gajiro marã ããrĩkererã, marĩ ya merã ããsã õãrõ werenĩmakũ péa. ãgũsã Marĩpu õãrõ iridea kerere werenĩrã yãma, ãrĩñurã.

¹² Irasirirã ããrĩpererã pégũkakõãñurã.

—¿Nasiriro irasũ waari? ãrĩ gãme werenĩñurã.

¹³ Gajirã gapɯ:

—Mejãrã yáma, ãrĩ buridañurã.

Pedro masakare weredea

¹⁴ Īgũsã irasũ ãrĩmakũ péɯ, Pedro gajirã pe mojóma pere su gubu suru p̄er̄ebejarã Jesús buedoreɯ beyenerã merã wãgãɯgã, buro busuro wereniyuru:

—Musã ããrĩpererã judío masaka õõgue Jerusalẽgue ããrĩrã õãrõ péka yɯ wererire!

¹⁵ Musã gɯare: “Mejãrã yáma”, ãrĩ gũñarã, diaye gũñabea. Goeripoe dupiyuro ããrã dapa. Irasirirã gɯa mejãrã meta yáa.

¹⁶ Gɯa irasũ werenírĩrẽ Joel Marĩpɯya kerere weredupiyudi ãsũ ãrĩ gojadi ããrĩmĩ:

¹⁷⁻¹⁸ Marĩpɯ ãsũ ãrĩmĩ: “I ãmɯ pereburo dupiyuro Õãgũ deyomarĩgũrẽ iriugɯra, masaka ããrĩpereri buri marãrẽ. Irasirirã musã pũrã ãma, nomede yaa kerere wererãkuma. Maamarã k̄erõ irirosũ, mɯrã k̄erõgue yɯ ĩmurĩrẽ ĩãrãkuma. Yɯ dorerire irirãrẽ ãmarẽ, nomedere Õãgũ deyomarĩgũrẽ iriugɯra. Irasirirã, yaa kerere wererãkuma.

¹⁹ Yɯ ãmɯgasiguere gajirosũperi deyoamakũ irigɯra. I nikũdere dí, peame, ĩmĩkã deyoamakũ irigɯra.

²⁰ Abe ãmɯmɯ naĩtĩãgɯkumi. Abe ñamimɯ dí irirosũ deyogɯ waagɯkumi. Musã Opɯ i ãmɯguere dupaturi aariburo dupiyuro irasũ waarokoa. Īgũ aarirínɯ goerinɯ ããrĩrokoa. Ubu ããrĩrĩnɯ ããrĩbirikoa.

21 ‘Y_u Op_u, tauka y_ure!’ ā_rīg_unorē taug_ura”, ā_rīmi Marī_pu, ā_rī gojadi ā_ārīmī Joel.✠

22 ‘M_usā Israel bumarā y_u wererire ō_ārō péka! Marī_pu Jesúre Nazaretm_urē iriudi ā_ārīmī. Jesús m_usā p_urogue ā_ārīg_u, Marī_pu turari merā p_urīrikurā_rē tau, wātēa masakare ñajānerā_rē béowiu, boanerā_rē masūdi ā_ārīmī. Irasirig_u Jesús, Marī_pu iriudi ā_ārīsīā, īg_u turari merā irire iri īmudi ā_ārīmī. Irire m_usā ō_ārō masīa.

23 M_usā ñerā_rē īg_urē curusague pábiatú wējēdoremak_u, Marī_pu iripoegue Jesúre irasū waarokoa, ā_rīderosūta waab_u.

24 Irasū waakeremak_u, Marī_pu gap_u īg_u boadiguere masūkōādi ā_ārīmī. Boanerā ā_ārīrō_rē īg_urē wiudi ā_ārīmī. Irasirimak_u, boari Jesúre tarin_ugāmasībiridero ā_ārīb_u.

25 Iripoegue David āsū ā_rī gojadi ā_ārīmī, Jesús Marī_pu_re wereníburire:

Y_u Op_u, m_urē īānīkōāa. M_u y_u diaye gap_u, y_u merā ā_ārīnīkōāa. Irasirig_u y_u neō güibea.

26-27 Yaa y_ujp_urāgue b_uro _usuyari merā ā_ārā. Irasirig_u _usuyari merā werenía. Y_u boamak_u, boanerā ā_ārīrō_rgue béobirikoa. Y_u masāgobegue ā_ārīmak_u, yaa d_up_u neō boabirikoa. Y_ure dupaturi okamak_u irig_ukoa doja. Irasirig_u y_u güiro marīrō ā_ārīg_ukoa.

28 M_u, y_u dupaturi okaburire y_ure ō_ārō masīmak_u yāa. Irasirig_u y_u merā m_u ā_ārīmak_u, b_uro _usuyari merā ā_ārā, ā_rī gojadi ā_ārīmī David.✠

✠ 2:21 Jl 2.28-32 ✠ 2:28 Sal 16.8-11

29 'Yaaraã, yu musãrẽ diayeta weregura. Marĩ ñekũ David boadi ããrĩmĩ. Marĩ ñekũsãmarã ãgũrẽ yáanerã ããrĩmã. Ñgũya masãgobe i makãguere ããrã dapa.

30-31 Iripoegue Marĩpũ Davire ãsũ ãrĩ weredi ããrĩmĩ:

Yu murẽ diayeta werea: “Pũrũguere mu parãmi i nikũ marã Opũ ããrĩgũkumi. Yu murẽ píderosũta pígũkoa ãgũdere”, ãrĩdi ããrĩmĩ.

David Marĩpũya kerere weredupiyugũ ããrĩdi ããrĩmĩ. Irasirigũ Jesúre Marĩpũ píburire masĩsĩã, ãsũ ãrĩ weredi ããrĩmĩ ãgũ masãburire:

Ñgũ boadero pũrũ, boanerã ããrĩrõgue neõ béosũbirikumi. Ñgũya dupũ masãgobegue neõ boabirikoa, ãrĩ gojadi ããrĩmĩ.☆

32 Marĩpũ Jesúre boadiguere masũdi ããrĩmĩ. Ñgũrẽ masũadero pũrũ, gũã ããrĩpererã ãgũrẽ ããbũ. “Dupaturĩ okami”, ãrĩ masĩã.

33 Ñgũ Pagũ ãgũrẽ masũ, ãmũgasigue ãĩmurĩã, ãgũ diaye gapũ dobodi ããrĩmĩ. Ñgũ ãrĩderosũta Jesúre Õãgũ deyomarĩgũrẽ iriudi ããrĩmĩ. Irasirigũ Jesús gũare Õãgũ deyomarĩgũrẽ iriumi. Irasirirã musã, ãgũ gũaguere ejamakũ ããã. Ñgũ iritamurĩ merã gũã werenĩmakũ péã.

34-35 David† gapũ ãgũ boadero pũrũ, Jesús murĩaderosũ murĩabiridi ããrĩmĩ. Ñgũ boaburo dupiyuro ãsũ ãrĩ gojadi ããrĩmĩ, Marĩpũ Jesúre ãrĩdeare gojagũ:

☆ 2:30-31 Sal 132.11 † 2:34-35 David ãgũ boadero pũrũ, ãgũ dupũ merã ãmũgasigue murĩabiridi ããrĩmĩ. Irasirigũ Jesús murĩaderosũ murĩabiridi ããrĩmĩ.

Marĩpu yu Opure asũ arĩmi: “Õõ yu diaye gapu doaka, yu merã dorebu! Irasiriripoe mure ãaturirãre mu dorerire tarinũgãnemobirimakũ irigara”, arĩmi, arĩ gojadi aarĩmi.✧

³⁶ Irasirirã musã Israel bumarã aarĩpererã õarõ pemasĩka! Marĩpu Jesure, musã curusague pabiatú wẽjẽdire marĩ Opu aarĩmakũ iridi aarĩmi. Marĩpu ãgũrẽ iriudi aarĩmi, marĩrẽ tauburo, arĩgũ, arĩ wereyupu Pedro masakare.

³⁷ ãgũ irasũ arĩmakũ pãrã, ãgũsãya yujupũrãrĩgue buro bujawereri merã gũnariku, Pedrore, gajirã Jesús buedoregu beyenerãre asũ arĩ sãrẽñañurã:

—Guayarã, ¿nasirirãkuri gu?

³⁸ Pedro ãgũsãrẽ yujuyupu:

—Musã ñerõ irideare bujawere, musã gũnarĩrẽ gorawayuka! Irasirirã musã aarĩpererã Jesucristore buremua, arĩ, guare deko merã wãiyedoreka! Musã irasirimakũ, Marĩpu musã ñerõ irideare kãtigukumi. Õãgũ deyomarĩgũrẽ iriugukumi, musã merã aarĩnikõãburo, arĩgũ.

³⁹ Marĩpu arĩderosũta musãrẽ, musã pũrã aarĩturiarãrẽ, gajiro marãdere aarĩpererã ãgũ beyenerãrẽ Õãgũ deyomarĩgũrẽ iriugukumi, arĩyupu.

⁴⁰ Irire arĩ odo, gaji wãri werenemoyupu Pedro ãgũsãrẽ:

—Õarõ pemasĩka musã! I nikũ marã Jesure wẽjẽnerã ñerã aarĩma. ãgũsã ñerõ iridea waja Marĩpu ãgũsãrẽ wajamoãgukumi. ãgũsã ñerã irirosũ neõ irinemobirikõãka pama!

✧ 2:34-35 Sal 110.1

Irasiribirimakũ, Marĩpu ĩgũsãrẽ wajamoãgũ, musã garũre wajamoãbirikumi, ãrĩyupu.

41 Wárã ĩgũ wererire õãrõ péñurã. Irasirirã deko merã wãïyesũñurã Jesúre b̃remurĩrẽ ĩmurã. Irasirirã Jesúre b̃remup̃rorinerã merã ããrĩñgãñurã. Pedro ĩgũsãrẽ wereadeanu merãta wárã tres mil gora masaka b̃remunugãñurã.

42 Irasirirã ãmuriku Jesúre b̃remup̃rorinerã merã nerẽnañurã, ĩgũ buedoregũ beyenerã buerire pémurã. Irasũ nerẽnarã, Marĩpũre s̃erẽ, p̃ãrẽ dukawa, siiu baanañurã.

Jesúre b̃remup̃rorinerã iridea

43 Jesús buedoregũ beyenerã ĩgũ iriderosũta wári Marĩpu turari merã iri ĩmunañurã. Irasirirã pũrĩrikurãrẽ tau, wãtẽa masakare ñajãnerãrẽ béowiu, boanerãrẽ masũnañurã. ĩgũsã irasirimakũ ĩãrã, masaka ããrĩpererã ĩãgukanañurã.

44 ããrĩpererã Jesúre b̃remurã su bumarã irirosũ õãrõ ããrĩrikũñurã. Irasirirã ĩgũsã oparire gãme s̃inañurã.

45 Gajinorẽ oparã, irire dua, iri waja merã gajino opamerãrẽ s̃inañurã.

46 ãmuriku ããrĩpererã surosũ gũñarĩ oparã Marĩpũya wiigue nerẽnañurã. ĩgũsãya wiirigue p̃ãrẽ dukawa, õãrõ usũyari merã siiu baanañurã.

47 Marĩpũre: “Õãtaria mũ”, ãrĩ, usũyari s̃inañurã. Gajirã masaka ĩgũsãrẽ: “Õãrã ããrĩma”, ãrĩ ĩãñurã. ãmuriku marĩ Opũ Jesús gajirãrẽ ĩgũrẽ b̃remumakũ iriyupu. Irasirirã ĩgũrẽ b̃remurã wárã ããrĩñurã.

3

Sugɥ waamasĩbire waamasĩmakũ iridea

¹ Sunɥ, ñamika tres ããrĩmakũ Pedro, Juan merã Marĩpɥya wiigüe waañurã. Iri horata masaka Marĩpɥre sërëñañurã.

² Iri wiima makãpɥrore sugɥ masakɥ deyoagɥgueta waamasĩbi ããrĩdi doayupɥ. Iri makãpɥro: “Oãrĩ makãpɥro” wãikɥyuro. Ɛmɥrikɥ ïgũ merãmarã ïgũrẽ ãiwãgã, iri makãpɥroguë dobonañurã, iri wii ñajãrãrẽ niyeru sërë doanídorerã.

³ Pedrosã iri wii ñajãmurã iriripoe ïgũsãrẽ ïã, niyeru sërëyupɥ.

⁴ ïgũsã përàgueta ïgũrẽ ïã, Pedro gapɥ ïgũrẽ ãrĩyupɥ:

—Gɥare ïãka!

⁵ ïgũ irasũ ãrĩmakũ: “Yɥre niyeru sĩmurã irikuma”, ãrĩ gũñarĩ merã bɥro ïãyupɥ.

⁶ Pedro gapɥ ïgũrẽ ãrĩyupɥ:

—Niyerure opabea. Irire opabirikeregɥ, yɥ opari merã mɥrẽ iritamugɥra. Jesucristo Nazaretmɥ wãĩ merã, ïgũ turaro merã wãgãñugã waaka! ãrĩyupɥ.

⁷ Pedro ïgũrẽ irasũ ãrĩgũta, diayema mojõrẽ ñeã, tũãwãgũnúyupɥ. Irasirimakũta, ïgũya guburi, ïgũya ãñagubuyeri turanugãjayuro.

⁸ Irasirigɥ pari wãgãñugãja, waapɥrori, pɥrɥ ïgũsã merã Marĩpɥya wiigüe Marĩpɥre: “Oãtaria mɥ”, ãrĩ gaguinĩ, pariñajãyupɥ.

⁹⁻¹⁰ ïgũ usɥyari merã Marĩpɥre: “Oãtaria mɥ”, ãrĩ, pariñajãmakũ ïãrã, iri wiigüe ããrĩrã ããrĩpererã ïgũrẽ ïãmasĩ:

—Ĩ, i wii òãrĩ makãpurogue niyeru sêrê doaníadita ããrĩmi, ãrĩñurã. Irasirirã ĩgũ waamasĩmakũ ĩãrã, “¿Naásũ waari?” ãrĩ ĩãgukakòãñurã.

Pedro masakare Marĩpũya wiigue werede

11 Waamasĩbiradi Pedrosãrê duúbirimakũ, ããrĩpererã masaka iri wii ããrĩrã ĩãgukari merã, ĩgũsã pũrogue “Pórtico de Salomón” wãĩkũrogue ũmanerẽñurã.

12 ĩgũsã irasũ ũmanerẽmakũ ĩãgũ, Pedro ĩgũsãrê ãrĩyupũ:

—Musã, Israel bumarã, ¿nasirirã iropa gũkari? ¿Nasirirã gũare bũro ĩãrĩ? “Ĩgũsã Marĩpũre bũremurĩ merã, ĩgũsã turaro merã ĩrê waamasĩmakũ iriama”, ãrĩ gũñabirikòãka!

13 Jesús ĩgũ turaro merã ĩgũrê waamasĩmakũ iriami. Marĩ ñekũsãmarã Abraham, Isaac, Jacob Marĩpũre ũmũgasigue ããrĩgũrê bũremunerã ããrĩmá. Marĩpũ ĩgũ magũ Jesúre, ĩgũ doreri òãrò iridire: “Òãtarigu ããrĩmi”, ãrĩdi ããrĩmí. Musã gapũ ĩgũrêta oparãguere wiabu. Pilato ĩgũrê wiudũakeremakũ, musã gapũ gããmebiribũ.

14 Jesús òãgũ, ñerĩrê neõ iribi ããrĩkeremakũ, ĩgũrê neõ wiudorebiribũ. Sugũ ñegũ masakare wẽjedi gapũre wiudorebũ musã.

15 Irasirirã, Jesús marĩrê okari sĩgũ gapũre wẽjedorebũ. ĩgũ boadero purũ, Marĩpũ gapũ ĩgũrê masũdi ããrĩmí. Gũa ĩgũrê Marĩpũ masũdire ĩãbũ, ãrĩ masĩa.

16 Jesúta ĩgũ turaro merã ĩĩ waamasĩbiradire musã ĩãmasĩgũrê waamasĩmakũ iriami. Gũa Jesús tau-

masĩrĩrẽ b̄remumakũ ããgũ, ãgũrẽ tauami. M̄sã ããrĩpererã ãgũ tauadire ãgũ waamasĩmakũ ãã.

17 'Yaarã, m̄sã, m̄sã oparãde Jesũre: “Marĩpũ magũta ããrĩmi”, ãrĩ pẽmasĩbirisĩã, ãgũrẽ wẽjẽdorebũ.

18 Iripoegue Marĩpũ ãgũya kerere weredupiyunerã ããrĩpererãrẽ: “Cristo yũ iriubu ñerõ tarigũkumi”, ãrĩderosũta Jesũre waabũ.

19 Irasirirã m̄sã ñerõ irideare b̄jawere, m̄sã gũñarĩrẽ gorawayuka! Marĩpũ dorerire irika! Irasirimakũ, Marĩpũ m̄sãrẽ m̄sã ñerõ irideare kãti, siñajãrĩ merã ããrĩrikũmakũ irigũkumi.

20 Irasirigũ m̄sãrẽ Cristore dupaturi iriugũkumi. Cristo, Marĩpũ beyedi m̄sãrẽ taugũ, Jesũta ããrĩmi.

21 Jesucristo ãmũgasigue m̄rĩadi, irogueta ããrĩmi dapa. Marĩpũ iripoegue ãgũ iriburire ãgũya kerere weredupiyunerãrẽ weredorederosũta ããrĩpererire õãrõ ãmu, pũrũ Jesũre iriugũkumi.

22 Iripoegue Moisés irimarẽ marĩ ñekũsãmarãrẽ ãsũ ãrĩdi ããrĩmĩ:

Pũrugue Marĩpũ marĩ Opũ sugũ ãgũya kerere werebure iriugũkumi. Yũre iriuderosũta ãgũdere iriugũkumi. ãgũde marĩyaguta ããrĩgũkumi. ããrĩpereri ãgũ wererire pẽka! ãgũ dorerire õãrõ iritũyaka!

23 ãgũ dorerire iritũyamerã gapũ bẽosũrãkuma. Irasirirã Marĩpũyarã merã neõ ããrĩnemobirikuma pama, ãrĩdi ããrĩmĩ Moisés.*

24 'ããrĩpererã iripoegue marã Marĩpũya kerere weredupiyunerãkũ, Samuel pũrũ marãde

* 3:23 Dt 18.15-19; 34.10

dapagora waaríre irasũta ãrĩ gojanerã ããrĩmá.

²⁵ Iripoegue Marĩpũ marĩ ñekũ Abrahãrẽ: “Yũ, mũ parãmi ããrĩturiagu merã i ùmũ marã ããrĩpererãrẽ õãrõ irigura”, ãrĩdi ããrĩmí. Ìgũya kerere weredupiyunerãrẽ ìgũ Abrahãrẽ ãrĩdeare weredoredi ããrĩmí marĩ ñekũsãmarãrẽ. Irasirigu Marĩpũ ìgũsãrẽ ãrĩderosũta mũsãrẽ iridi ããrĩmí.

²⁶ Irasirigu ìgũ magũ Jesús boadiguere masũ, marĩrẽ judío masakare iriupũroridi ããrĩmí, marĩrẽ õãrĩ gapũre iri, marĩ ñerõ irĩrĩre piriburo, ãrĩgũ, ãrĩ weryupũ Pedro ìgũsãrẽ.

4

Pedrore, Juãrẽ oparã pũrogue ãĩadea

¹⁻² Pedro, Juan merã masakare werenĩripoe paía, Marĩpũya wii korerã surara opũ, gajirã saduceo bumarã ejañurã. Pedrosã masakare: “Jesús boadero pũrũ masãdi ããrĩmí. Irasirirã marĩde boadero pũrũ ããrĩpererã masãrãkoa”, ãrĩ buenañurã. Ìgũsã irasũ ãrĩ buemakũ pérã, saduceo bumarã, masaka boanerã masãrĩrẽ bũremubirisĩã, ìgũsã merã bũro guañurã.

³ Irasirirã abe ñajãripoe ããrĩmakũ, Pedrosãrẽ ñeã, iri ñamirẽ peresu iriñurã.

⁴ Irasirikeremakũ, gajirã wárã Jesúya kerere pénerã, ìgũrẽ bũremunũgãrã ããrĩñurã. Irasirirã dupiyurogue Jesúre bũremupũrorinerã merã wárã ããrĩñurã. Ëma ditare keomakũ, cinco mil ããrĩñurã.

⁵ Pedrosãrẽ peresu iriadero pũrũ, gajinũ gapũ Jerusalégue judío masaka oparã, gajirã mũrã, gajirã Moisés gojadeare buerimasã nerẽñurã.

6 Gajirãde, paía opu Anás, Caifás, Juan, Alejandro, gajirã paía opuyarã ìgüsã merã ããrĩñurã.

7 Iroque nerẽ, Pedrosãrẽ ìgüsã puaro ãiridore, ìgüsã ejamakũ:

—¿Noã musãrẽ doreri, noã musãrẽ inorẽ irasiridoreri? ãrĩ sêrẽñañurã.

8-9 Pedro Õãgũ deyomarìgũrẽ opatarisĩã, ãsũ ãrĩ uyuyupu ìgüsãrẽ:

—¿Musã judío masaka oparã, murãde guare ñ waamasĩbiradire õãrõ iriadeare, ìgũrẽ tauadeare sêrẽñarã yãri?

10 Musãrẽ ire weregura, ããrĩpererã Israel bumarã õãrõ pémasĩburo, ãrìgũ. Jesucristo Nazaretmu turaro merã, ìgũ wãĩ merã ñ waamasĩbiradi waamasĩami. Musã ìgũrẽta curusague pábiatú wējẽdorebu. ìgũ boadero puu, Marĩpu gapu ìgũrẽ masũ, dupaturi okamakũ iridi ããrĩmĩ.

11 Iripoegue Marĩpuya kerere weredupiyudi ãsũ ãrĩ gojadi ããrĩmĩ: “Suye ùtãye wii iririmasã ìgüsã béoadeaye merã gajigũ gapu õãrõ turari wii irigukumi”, ãrĩ gojadi ããrĩmĩ. Jesús iri ùtãye ìgüsã béoadeaye irirosũ ããrĩmi. Marĩpu ìgũrẽ beyedi ããrĩmĩ marĩrẽ taubure.

12 I nikũguere Jesús sugũta marĩrẽ taugũ ããrĩmi. Gajigũ marĩrẽ taugũ neõ mámi. Marĩpu ìgũrẽta iriudi ããrĩmĩ marĩrẽ taubure, ãrĩ wereyupu Pedro ìgüsãrẽ.

13 Judío masaka oparã Pedro, Juan buebirinerã ããrĩkererã, õãrõ gũñaturari merã, pémasĩrĩ merã weremakũ pérã, pégukakõãñurã. ìgüsãrẽ: “Diayeta Jesús merãmarãta ããrĩma”, ãrĩ ìãmasĩñurã.

14 Waamasĩbiradi Pedrosã puro nĩmakũ ãrĩrã, ãgũsãrẽ: “Ñerõ irirã iriabũ”, ãrĩ werewuamasĩbiriñurã.

15 Irasirirã, ãgũsãrẽ ãgũsã nerẽrĩ taribugue ããrĩrãrẽ wiriadoreñurã, ãgũsã basi gãme werenĩmurã:

16 Æsũ ãrĩñurã:

—¿Nasirirãkuri ãgũsãrẽ? Ærĩ waamasĩbiradire ãgũsã waamasĩmakũ iriadeare Jerusalén marã péperekõãñurã. Irasirirã: “Iribirama”, ãrĩmasĩbirikoa marĩ.

17 Gajirãrẽ irire neõ pénemomakũ iribirikõãrõ gããmea marĩrẽ. Irasirirã: “Jesúyamarẽ gajirãguere neõ werenemobirikõãka pama!” ãrĩrã ãgũsãrẽ, ãrĩ werenĩñurã.

18 Irasũ ãrĩ werení odo, Pedrosãrẽ siiu, ãsũ ãrĩñurã:

—Gajirãguere neõ Jesúyamarẽ werenemobirikõãka! Neõ ãgũya kerere buenemobirikõãka! ãrĩñurã.

19 ãgũsã irasũ ãrĩkeremakũ, Pedro, Juan gapũ ãsũ ãrĩ yujũñurã ãgũsãrẽ:

—¿Marĩpũ musã guare dorerire irimakũ gããmerĩ, o ãgũ doreri gapũre gua irimakũ gããmerĩ? ¿Naásũ gũñarĩ musã irire?

20 Gua ãgũ dorerire iritũyarã ããrã. Irasirirã gua ããdeare, gua pédeare neõ wereduúmasĩña máa, ãrĩñurã.

21-22 ãgũsã irasũ ãrĩmakũ pérã, judío masaka oparã gapũ dupaturi ãrĩñurã:

—Jesúyamarẽ neõ werenemomerãta pama! Irire pirimerã, wajamoãsũrãkoa, ãrĩñurã. Gajirã gapũ usũyari merã Marĩpũre: “Mũ Ærĩ waamasĩbiradire tauadea õãtariabũ”, ãrĩñurã. ãgũ cuarenta bojori

nemorõ opagũ ããrĩyupũ. Irasirirã oparã gapũ Pedrosãrẽ: “Ñerõ irirã iriama”, ãrĩmasĩbiri, wajamoãmerãta ãgũsarẽ wiukõãñurã.

Jesúre b̃remurã Marĩp̃ure iritamurĩ s̃erẽdea

²³ Pedrosã irogue ããrãnerã wiria, ãgũsã merãmarã p̃urogue waakõãñurã. Irogue eja, paía oparã, judío masaka m̃urã ãgũsarẽ ãrãdeare ãgũsã merãmarãrẽ wereñurã.

²⁴ ãgũsã weremakũ pérã, ããrĩpererã iro ããrĩã Marĩp̃ure s̃erẽñurã:

—G̃ua Op̃u, m̃u diayeta ãm̃ugasi, i nikũ, dia wãdiya, i ãm̃uma ããrĩpererire iridi ããrã.

²⁵ Iripoegue g̃ua ñekũ Davire m̃urẽ moãboegure Õãgũ deyomarĩgũ merã ãsũ ãrĩ weredoredi ããrĩbú: Judío masaka ããrĩmerã Marĩp̃u merã b̃uro guama.

Israel bumarãde Marĩp̃uyare: “Gããmebea”, ãrĩ gũñadima.

²⁶ I nikũ marã oparã Marĩp̃u merã gãmekẽãd̃uarã nerẽrãkuma. ãgũ beyedi merãdere irasũta gãmekẽãrãkuma, ãrĩ weredoredi ããrĩbú.☆

²⁷ 'M̃u weredorederosũta diayeta waabũ. I makãguere op̃u Herodes, Poncio Pilato, gajirã Israel bumarã, gajirã judío masaka ããrĩmerã nerẽma Jesús m̃u magũrẽ wẽjẽmurã. ãgũ õãgũ, m̃u beyedi ããrĩmi.

²⁸ Irasirirã, iripoegue m̃u turaro merã m̃u beyedire: “Irasũ waarokoa ãgũrẽ”, ãrĩderosũta irima.

²⁹ G̃ua Op̃u, dapagora paía oparã m̃uya kerere: “Werebirikõãka! M̃usã irire wererã, wajamoãsũrãkoa”, ãrãma g̃uare. ãgũsã irasũ

☆ 4:26 Sal 2.1-2

ãrãdeare gũñaka mu! Gwa murẽ moãboerã ããrã. Irasirigu gware muyare gajirãrẽ güiro marĩrõ weremakũ irika!

³⁰ Gware mu turaro merã pũrĩrikũrãrẽ taumakũ irika! Irasirigu gware mu turaro merã Jesús mu magũ, õãgũ wãĩ merã iri ìmurĩrẽ irimakũ irika! ãrĩ sërẽñurã Marĩpũre.

³¹ Ìgũsã irasũ ãrĩ sërẽadero pũru, ìgũsã ããrĩrĩ wii gãmeñayuro. ããrĩpererã Õãgũ deyomarĩgũrẽ opatariñurã. Irasirirã, ìgũ iritamurĩ merã güiro marĩrõ Marĩpũya kerere wererã waañurã.

Jesúre bũremurã ìgũsã oparire gãme dukawadea

³²⁻³³ Irasirirã Jesús buedoregu beyenerã Marĩpũ turaro merã masakare: “Marĩ Opũ Jesús boadero pũru masãdi ããrĩmĩ. Ìgũ dupaturi okadero pũru, gwa ìgũrẽ ìãbu”, ãrĩ wereñurã. ããrĩpererã Jesúre bũremurã surosũ gũñañurã. Irasirirã ìgũsã oparire: “Yaa ããrã”, ãrĩrõ marĩrõ gãme dukawañurã. Marĩpũ ìgũsãrẽ ããrĩpererãrẽ õãrõ iritamuyupũ.

³⁴⁻³⁵ Irasirirã wiiri oparã, nikũ oparã, gajirãrẽ irire duañurã. Ìgũsã duadea wajare Jesús buedoregu beyenerãrẽ sĩnañurã. Jesús buedoregu beyenerã irire ìgũsã watope ããrĩrãrẽ gajino opamerãrẽ dukawañurã. Irasirirã ìgũsã watopegue boporã marĩñurã pama.

³⁶ Iripoere sugu Jesúre bũremugũ José wãĩkũgu ããrĩyupũ. Ìgũ Chipre wãĩkũri nũgũrõmũ, Levíya bumũ ããrĩyupũ. Jesús buedoregu beyenerã ìgũrẽ “Bernabé” wãĩyeñurã. “Bernabé”, ãrĩrõ, griego ya merã: “Masakare õãrõ yujupũrãkamakũ irigu”, ãrĩduaro irikoa.

³⁷ Īgũ nikũ opagu ããrĩsĩã, su poee ejatuaro gajirãrẽ duayupũ. Īgũ duadea wajare Jesús buedoregu beyenerãrẽ sĩpeokõãyupũ.

5

Ananías, Safira merã ãrĩkatodea

¹ Gajigu Ananías wãikũgu ĩgũ marãpo Safira merã su poee ejatuaro nikũrẽ duayupũ.

² Īgũ duadea wajare ĩgũ basi deko merã duripíkõãyupũ. Irasirigu ããrĩpereri niyerure Jesús buedoregu beyenerãrẽ sĩpeobirikeregu: “Iropata wajariama”, ãrĩkatoyupũ. Īgũ marãpo ããrĩpereri ĩgũ irasiriadeare masĩyupo.

³ Pedro ãsũ ãrĩyupũ ĩgũrẽ:

—Ananías, ¿nasirigu wãtĩrẽ muya gũñarĩguere ñajãdoreari? Īgũ ñajãmakũta, muya nikũ duadea wajare guare sĩpeobirikeregu, mũ Õãgũ deyomarĩgũrẽ ãrĩkatoa.

⁴ Īri nikũ mũ duaburo dupiyuro muya nikũ ããrĩbũ. Mũ duadea waja muya niyeruta ããrã. Noó mũ sĩduaropa sĩboakuyo. ¿Nasiribu irasũ ãrĩkatori? Gũa ditare ãrĩkatogu meta yãa. Marĩpudere ãrĩkatoa mũ, ãrĩyupũ.

⁵ Īgũ irasũ ãrĩmakũ pẽgu, mata Ananías meémejã kõmoakõãyupũ. Īgũ irasũ waadea kerere pérã, ããrĩpererã buro gũĩnurã.

⁶ Īgũ kõmoadero purũ, gajirã maamarã ñajãja, ĩgũya dupure suríro gasiro merã õma, ãĩwiriakõãñurã ĩgũrẽ yáarã waarã.

⁷ Ûre hora purũ, Ananías marãpo ããrãdeo ñajãjayupo. Īgũ boadeare neõ masĩbiriyupo.

⁸ Igo ñajãmakũ ããgũ, Pedro igore sêrêñayupũ:

—Wereka yũre! ¿Mũsãya pooere duarã, iropata niyeru wajatari mũsã? ãrĩyupũ. Igo ãgũrê yũjũyupo:

—Iropata wajatabũ, ãrĩyupo.

⁹ Pedro ãrĩyupũ igore:

—¿Nasirirã mũsã, marĩ Opũ Õãgũ deyomarĩgũrê ãrĩkatoari? “Gũã irasirimakũ masĩbirikumĩ”, ¿ãrĩ gũñadari mũsã? Ìãka! Mũ marãpũre yáarã ejanerã sĩĩsã dujarima. Mũya dũpũdere ãĩwiriarãkuma, mũ marãpũya dũpũre ãĩwiriaderosũta, ãrĩyupũ.

¹⁰ Ìgũ irasũ ãrĩmakũta, igode Pedroya guburi pũro meémejã kũmoakõãyupo. Irasirirã maamarã ãgo kũmoadeoguere bokaja, ãgoya dũpũre ãĩwiria, ãgo marãpũ dagũre ãgũsã yáadero pũrogueta ãgodere yáañurã.

¹¹ Irasirirã ããrĩpererã Jesũre bũremurã, gajirãde Ananías, Safirare waadea kerere pãrã, bũro gũiñurã.

Jesús buedoregũ beyenerã Marĩpũ turaro merã iri ãmudea

¹² Iripoere masaka watopegue Jesús buedoregũ beyenerãrê Marĩpũ ãgũ turari merã wãri iri ãmurĩrê irimakũ iriyupũ. ããrĩpererã Jesũre bũremurã Marĩpũya wii tũro biaña marĩrĩ taribu “Pórtico de Salomón” wãĩkũri taribugue nerẽnañurã.

¹³ Masaka ãgũsãrê: “Õãrã ããrĩma”, ãrĩkeremakũ, gajirã gapũ ãgũsãrê gũiñurã. Ìgũsã merã neõ nerẽdũabiriñurã.

¹⁴ Gajirã gapũ marĩ Opũ Jesũre wãrã ãma, nomede bũremuñurã.

15 Irasirirã pũrĩrikurãrẽ ĩgũsã peyari gasiri merã Pedro waaburi maa turo píñurã. “Pedro ĩgũsãrẽ ñapeobirikeremakũ, ĩgũ wãtĩ meépiro ĩgũsã weka ejamakũ, ĩgũsãrẽ pũrĩrĩ tarirokoa”, ãrĩ gũñarã, irasiriñurã.

16 Wárã Jerusalén turo marãde pũrĩrikurãrẽ, wãtẽa ñajãsũnerãrẽ irogue ãĩãnañurã. Irasirirã Jesús buedoregũ beyenerã ĩgũsã ããrĩpererãrẽ tau-nañurã.

Oparã Jesús buedoregũ beyenerãrẽ ĩãturidea

17 Irasirirã paía opũ, gajirã ĩgũ merãmarã saduceo bumarãde Jesús buedoregũ beyenerãrẽ bũro ĩãturi,

18 ĩgũsã merã bũro gua, ĩgũsãrẽ ñeã, peresu iriñurã.

19 Irasirikeremakũ, sugũ Marĩpure wereboegũ iri ñamita peresu wii makãpurorire tũpã, ĩgũsã ããrĩrĩ taribugue ñajãja, ĩgũsãrẽ ãsũ ãrĩ ãĩwiriayupũ:

20 —Marĩpũya wiigüe waaka! Irogue eja, Marĩpũ Jesúre bũremurãrẽ ĩgũ merã õãrõ ããrĩmakũ iriburi kerere wereka masakare! ãrĩyupũ Marĩpure wereboegũ ĩgũsãrẽ.

21 ĩgũ irasũ ãrĩmakũ pérã, ĩgũsã peresu ããrãnerã wiriakõãñurã. Gajinũ gapũ boyoripoe ããrĩmakũ, Marĩpũya wiigüe ñajãa, masakare buenũgãñurã, Marĩpure wereboegũ ĩgũsãrẽ weredoreaderosũta.

Ĩgũsã irogue bueripoe paía opũ gapũ, ĩgũ merãmarãde, Pedrosã peresu ããrãnerã wiriadeare masĩbiriñurã dapa. Irasirirã ĩgũsã Israel bumarã oparãrẽ ããrĩpererãrẽ neeõñurã. ĩgũsã nerẽperemakũ ĩãrã, surarare peresu iriri

wiigue Jesús buedoregũ beyenerãrẽ ĩgũsã biadoboanerãrẽ ãiridoreñurã.

²² Irasirirã surara ĩgũsãrẽ ãirã waadiñurã. Iroque eja, Pedrosãrẽ neõ bokabiriñurã. ĩgũsãrẽ bokabirisĩã, oparãguere wererã dujáakõãñurã doja.

²³ Dujaja, oparãrẽ:

—Peresu iriri wii makãpũrori õãrõ biadea makãpũrori ããrãdabũ. Iroque biadoboanerãrẽ korerãde iri makãpũrorikũ níadama. Irasũ ããrĩkeremakũ, gũã ĩgũsã ããrãdea taribure makãpũro tũpãmakũ neõ marãma, ãrĩñurã.

²⁴ ĩgũsã irasũ ãrĩmakũ pérã, paía opũ, Marĩpũya wii marã surara opũ, paía oparãde: “¿Naásũ waayuri ĩgũsãrẽ?” ãrĩ gũñarikũñurã.

²⁵ ĩgũsã irasũ gũñarikuripoe sugũ masakũ ĩgũsã pũro eja:

—Mũsã peresu irianerã Marĩpũya wiigue ããrãma. Masakare buerã iriama, ãrĩyupũ.

²⁶ ĩgũ irasũ ãrĩmakũ pérã, Marĩpũya wii marã surara opũ, ĩgũyarã surara merã ĩgũsãrẽ ñeãrã waañurã. Iroque eja, ĩgũsãrẽ ñeã, paía oparã pũro ãĩãñurã doja. Masakare gũisĩã, ĩgũsãrẽ tãrãbiriñurã. “Gũã ĩgũsãrẽ tãrãmakũ ĩãrã, masaka gũare ãtãyeri merã deabukuma”, ãrĩ gũñañurã.

²⁷ ĩgũsãrẽ judío masaka oparã pũro ãĩjamakũ, paía opũ ĩgũsãrẽ turiyupũ:

²⁸ —Gũã mũsãrẽ: “Jesúyare neõ buenemobirikõãka!” ãrãdibũ. Gũã irasũ ãrĩkeremakũ, mũsã ããrĩperero Jerusalén marãrẽ buegorenãã. Jesús boadea waja gũare waja opamakũ iridũarã yãã mũsã, ãrĩyupũ.

29 Īgũ irasũ ārĩmakũ, Pedro gajirã Jesús buedoregũ beyenerã merã ĩgũrẽ āsũ ārĩ yũjũyũpũ:

—Masaka doreri nemorõ Marĩpũya gapũre iriro gããmea. Gũa musã dorerire irirã, Marĩpũ doreri gapũre iribiribukoa.

30 Musã Jesũre curusague pábiatú wějẽdoredire Marĩpũ, marĩ ñekũsãmarã Opũ gapũ ĩgũrẽ masũdi āārĩmĩ.

31 Īgũrẽ masũ odo, ãmũgasigue āĩmũrĩagu, ĩgũ diaye gapũ dobodi āārĩmĩ. Marĩrẽ taubure, marĩ Opũ āārĩbure irasiridi āārĩmĩ. Irasirigu marĩ judío masaka marĩ ñerõ irideare bũjawere, gũñarĩrẽ gorawayumakũ kãtigũkumi.

32 Gũa āārĩpereri Jesús irideare ĩānerã āārã. Irasirirã irire werea. Ōãgũ deyomarĩgũde gũare irire pẽmasĩmakũ yãmi. Irasirirã ĩgũ iritamurĩ merã werea. Marĩpũ dorerire pẽrãnodere Ōãgũ deyomarĩgũrẽ iriugũkumi, ārĩ wereyũpũ Pedro paĩa opũre.

33 Īgũ irasũ ārĩmakũ pẽrã, oparã gapũ guataria, Pedrosãrẽ wějẽduadiñurã.

34 Sugu fariseo bumũ Gamaliel wãĩkũgu gapũ wãgãnũgãyũpũ ĩgũsãrẽ werebu. Īgũ judío masaka oparã merãmũ Moisés gojadeare buerimasũ āārĩyũpũ. Masaka ĩgũrẽ: “Ōãgũ āārĩmi”, ārĩ bũremuñurã. Īgũ wãgãnũgã, surarare: “Īsãrẽ āĩwiriaka dapa!” ārĩyũpũ.

35 Īgũsãrẽ āĩwiriadero pũrũ, oparãrẽ āsũ ārĩyũpũ:

—Musã Israel bumarã, musã ĩgũsãrẽ iridũarire õārõ gũñaka!

36 Teudas wãĩkũgu waadeare gũñaka! Irinũguere ĩgũ masakare: “Masĩtarinũgãgũ āārã yũ”, ārĩdi

ããrãdimi. Irasirirã wárã cuatrocientos ãma ãgũ merãmarã ããrãnerã ããrãdima ãgũ buerire péduarã. Puru gajirã ãgũrẽ wẽjẽkõãnerã ããrãímá. ãgũrẽ wẽjẽadero puru, ãgũ merãmarã ããrãdinerã waasiri-akõãnerã ããrãímá. Irasũ waadero puru, ãgũ buedea pereakõãdero ããrãíbú.

³⁷ Puru i nikũ marãrẽ ãgũsã keoripoe gajigu Judas wãikugu Galileamu ããrãdi ããrãdimi. Wárã ãgũ merãmarã ããrãnerã ããrãdima. Puru gajirã ãgũdere wẽjẽkõãnerã ããrãímá. ãgũrẽ wẽjẽadero puru, ãgũ merãmarã ããrãdinerã waasiripereakõãnerã ããrãímá.

³⁸ Irasirigu musãrẽ werea. Sãsãrẽ, marĩ peresugue biadoboanerãrẽ wiuka! Musã ãgũsãrẽ iriduarire iribirikõãka! ãgũsã bueri, Marĩpuya bueri ããrãbero, pereakõãrokoa Teudas, Judas buedea perederosũta.

³⁹ ãgũsã bueri, Marĩpuya bueri ããrãrõ, neõ perebirikoa. ãgũsãrẽ irire pirimakũ iribirikoa. Irasirirã irire õãrõ pẽmasãka! ãgũsã bueri, diayeta Marĩpuya bueri ããrãmakũ, musã ãgũsãrẽ wẽjẽduarã, Marĩpu merã gãmekẽãduarã irirosũ iribukoa, ãrãyupu Gamaliel.

⁴⁰ ãgũ irasũ ãrãmakũ pérã: “Jãu, marĩrẽ diayeta weremi ãã”, ãrã pẽñurã. Irasirirã Jesús buedoregu beyenerãrẽ siiu, surarare tãrãdoreñurã. “Jesúyare neõ werenemobirikõãka!” ãrãñurã. Irasũ ãrã odo: “Waaka!” ãrã, wiuñurã ãgũsãrẽ pama.

⁴¹ Irasirirã Jesús buedoregu beyenerã judío masaka oparã puro ããrãnerã waakõãñurã. “Marĩ Jesúyare bueri waja marĩrẽ tãrãdoreama guyasãrãburo, ãrãrã”, ãrãñurã. “Marĩpu gapu marĩrẽ:

‘Irire bokatĩũkõãma’, ãrĩ masĩmi”, ãrĩñurã. Irasirirã oparã ĩgũsãrẽ ñerõ irikeremakũ, buro usuyañurã.

⁴² Irasirirã ãmũrikũ Marĩpũya wiigüe, wiiriguedere masakare: “Jesũta Marĩpũ iriudi, Cristo ããrĩmi”, ãrĩ buenañurã.

6

Jesús buedoregũ beyenerã ĩgũsãrẽ iritamurãrẽ beyedeã

¹ Irasirirã irinũrĩrẽ wãrã judío masaka Jesúre bũremunũgãñurã. Surãyeri hebreo ya merã werenĩñurã. Gajirã griego ya merã werenĩñurã. ĩgũsã wapiweyarã nomerẽ ãmũrikũ ĩgũsã baarire keoro guerebirimakũ ĩãrã, hebreo ya merã werenĩrã gapũre turiñurã.

² Irasirirã Jesús buedoregũ beyenerã Jesúre bũremurãrẽ ããrĩpererãrẽ ĩgũsã pũroque siiu needõ, ãsũ ãrĩ wereñurã:

—Gũã baarire guererã, Marĩpũya kere gapũre wereduũmakũ õãbiribukoa.

³ Irasirirã mũsã gũayarã, Jesúre bũremurã mũsã watope ããrĩrãrẽ su mojõma pere gaji mojõ peru pẽrẽbejarãgora beyeka! “Õãrõ masĩrã, Õãgũ deyomarĩgũ turarire opatarirã ããrĩma”, mũsã ãrĩ ĩãrãrẽ beyeka! Mũsã beye odomakũ, gũã ĩgũsãrẽ baari gueremurãrẽ sóorãkoa.

⁴ Irasirirã gũã ãmũrikũ Marĩpũre sãrẽ, ĩgũyare buerãkoa, ãrĩñurã.

⁵ ĩgũsã irasũ ãrĩmakũ pãrã, ããrĩpererã: “Jãũ, irasũta irirãra”, ãrĩ, Esteban wãĩkũgũre beyeñurã. ĩgũ Jesúre õãrõ bũremugũ, Õãgũ deyomarĩgũrẽ opatarĩgũ ããrĩyurũ. Gajirã Felipe, Prócoro,

Nicanor, Timón, Parmenas, Nicolás wāikurārē beyeñurā. Nicolás Antioquíamũ judío masakũ ããrĩbirikeregũ, judío masaka irirosũ b̄remugũ ããrĩyurũ.

⁶ Īgūsārē beye odo, Jesús buedoregũ beyenerā p̄ro ããñurā. Īgūsā ãĩjamakũ ĩārā, Marĩp̄re: “Ōãrõ iritamuka Īgūsārē!” ārĩ s̄rēbosa, Īgūsāya dipu weka mojõrĩ merā ñapeoñurā.

⁷ Irasirirā Marĩp̄ya kerere weregorenamakũ, wārā masaka irire péñurā. Wārā Jerusalén marā masaka, paíade Jesúre b̄remunugãñurā.

Estebārē peresu iridoredea

⁸ Esteban Marĩp̄ iritamurĩ merā ĩgũ turaro merā p̄rĩrikurārē tau, gajĩ õãrĩ iri ĩmurĩrē iriyurũ masaka wārā watopere.

⁹ Īgũ irasirimakũ ĩārā, surāyeri judío masaka “Esclavos Libertado” wāikuri bumarā ĩgũ merā guaseop̄roriñurā. Īgūsā: Cirene marā, Alejandría marā, Cilicia marā, Asia marā su wii judío masaka ĩgūsā nerērĩ wiigue nerēnarā ããrĩñurā.

¹⁰ Esteban, Ōãgũ deyomarĩgũ ĩgũrē õãrĩ masĩrĩ s̄rĩ merā werenimakũ pérã, ĩgũrē neõ werení bokatĩũbiriñurā.

¹¹ Irasirirā masaka ĩãberogue gajirārē niyeru wajari: “Āsũ ārĩkatoka masakare!” ārĩñurā:

—“Esteban Moisére, Marĩp̄re ñerõ werenimakũ péabũ gua”, ārĩka! ārĩñurā.

¹² Irasirirā ĩgūsā ārĩkatodoresũanerā irire werenimakũ pérã, iri makã marā, m̄rã, Moisés gojadeare buerimasãde Esteban merā b̄ro gua, ĩgũrē ñeã, oparã p̄ro ããñurā.

13 Īgūrē irogue āija, gajirārē āsū ārikatonemodoreñurā doja:

—Ī āmarikꜜ Marĩꜜꜜꜜ wiire, Moisés gojadeadere ñerō werenígorenami.

14 Masakare: “Jesús Nazaretmꜜ, Marĩꜜꜜꜜ wiire béogukumi. Moisés marĩrē pídeadere gorawayugukumi”, āĩmakū péabꜜ gꜜ, ārikatoñurā oparārē.

15 Īgūsā irasū āĩmakū pérā, oparā āārĩpererā irogue doarā Estebārē bꜜro ĩāñurā. Īgūsā ĩāmakū, ĩgꜜya diapu Marĩꜜꜜꜜ wereboegꜜya diapu irirosū deyoyuro.

7

Esteban oparārē weredea

1 Īgūsā Estebārē ĩāripoe paía opꜜ ĩgūrē sērēñayupꜜ:

—¿Diayeta ārĩrĩ, ĩgūsā mꜜrē weresārā? ārĩyupꜜ.

2 Esteban yꜜꜜꜜꜜ ĩgūrē:

—Yaarā, yꜜre oārō péka! Marĩ ñekū Abraham, Harán wāikꜜri makāgue waaburo dupiyuro Mesopotamiague āārĩdi āārĩmĩ Caldea masaka āārĩrōgue. Īgū irogue āārĩripoe Marĩꜜꜜꜜ oārō gosiriri merā ĩgūrē deyoa,

3 āsū ārĩdi āārĩmĩ: “I nikūrē, mꜜyarārē béowāgāka! Mꜜ waamakū, yꜜ gaji nikū mꜜ āārĩburi nikūrē ĩmugakoa”, ārĩdi āārĩmĩ Marĩꜜꜜꜜ Abrahārē.

4 Marĩꜜꜜꜜ irasū āĩmakū pégu, Abraham Caldea nikū āārādi Harāgue waadi āārĩmĩ. Irogue ejadero ꜜꜜꜜ, ĩgū ꜜꜜꜜ boadi āārĩmĩ. Īgū boadero ꜜꜜꜜ, Marĩꜜꜜꜜ Abrahārē wiridoredi āārĩmĩ doja. Irasirigu Abraham oō, marĩ āārĩrĩ nikūrē ejadi āārĩmĩ pama.

⁵ Īgũ òògue ejamakũ, Marĩpu ĩgũrẽ neõ nikũrẽ sĩbiridi ããrĩmĩ dapa. Sĩbirikeregu, ĩgũrẽ: “Purugue m̃ya, m̃ parãmerã ããrĩturiarãya nikũ ããrĩrokoa”, ãrĩdi ããrĩmĩ. Īgũ irasũ ãrĩripoere Abraham neõ pũrã marĩdi ããrĩmĩ dapa.

⁶ Gaji Marĩpu ĩgũrẽ ãrĩnemodi ããrĩmĩ doja: “M̃ parãmerã ããrĩturiarã gaji nikũgue waarãkuma dapa. Cuatrocientos bojorigora iri nikũ marãrẽ moãboerãkuma. Īgũsãrẽ moãdore, pãbirarãkuma.

⁷ Ỹ gap̃ iri nikũ marãrẽ wajamoãgura ĩgũsã irasiriri waja. Ỹ ĩgũsãrẽ wajamoã odoadero pur̃, m̃ parãmerã ããrĩturiarã iri nikũrẽ wirirãkuma. Wiri, ỹ ĩgũsãrẽ sĩburi nikũgue eja, ỹre buremurã ỹ dorerire irirãkuma”, ãrĩdi ããrĩmĩ Marĩpu Abrahãrẽ.

⁸ Īgũ irasũ ãrãdero pur̃, ãsũ iridoredi ããrĩmĩ doja: “Ããrĩpererã ãmarẽ ĩgũsãya dup̃ma gasirogãrẽ* wiirika! Irasirirã m̃sã ỹ werenĩrĩ buremurĩrẽ ỹre ĩmurãkoa”, ãrĩdi ããrĩmĩ. Irasirigu Abraham ĩgũ magũ Isaare su semana ĩgũ deyoadero pur̃, ĩgũrẽ wiiridi ããrĩmĩ. Murãrõta Isaade ĩgũ magũ Jacore iridi ããrĩmĩ. Jacode murãrõta ĩgũ pũrãrẽ pe mojõma pere su gubu peru pẽrẽbejari buri ããrĩmurãrẽ iridi ããrĩmĩ.

⁹⁻¹⁰ Jacob pũrã marĩ ñekũsãmarã ĩgũsã pagum̃rẽ Josere ĩãturusĩã, Egiptogue waarãrẽ duanerã

* **7:8** Gn 17.1-14: Iripoegue Marĩpu Abrahãrẽ ĩgũ pũrã ãmarẽ: “Yaarã ããrĩburo”, ãrĩgũ, ĩgũsãya dup̃ma gasirogãrẽ wiiridoredi ããrĩmĩ. Pur̃ iri dorerire Moisere pídi ããrĩmĩ. Irasirirã judío masaka Abraham parãmerã ããrĩturiarã iri dorerire irirã, ĩgũsã pũrã ãmarẽ su mojõma pere gaji mojõ ngeru pẽrẽbejarinãrĩ waaró merã ĩgũsã deyoadero pur̃ irasũ yãma.

ããrĩmá, iro marãrẽ moãboegu ããrĩburo, ãrĩrã. Marĩpũ gapũ ìgũ merã ããrĩnikõãdi ããrĩmĩ ìgũrẽ iritamugũ. Ìgũ ñerõ tarikeremakũ, ããrĩpereri ìgũ ñerõ taririre taudi ããrĩmĩ. Wári masĩrĩ sĩdi ããrĩmĩ. Irasirigũ faraón† Egiptomũ i nikũ marã opũ Josere beyedi ããrĩmĩ, ìgũ dokamũ opũ ããrĩburo, ãrĩgũ. Ìgũya wiimadere moãdoregu sóodi ããrĩmĩ.

11 Pũrũ ããrĩperero Egiptoguerẽ, Canaán nikũguedere baari pereçoãdero ããrĩbũ. Irasirirã masaka bũro ñerõ tarinerã ããrĩmã. Marĩ ñekũsãmarã uaboanerã ããrĩmã.

12 Irasirigũ Egiptogue trigo ããrĩrĩ kerere pégũ, Jacob ìgũ pũrãrẽ marĩ ñekũsãmarãrẽ: “Wajarirã waaka!” ãrĩ iriudi ããrĩmĩ. Ìgũ irasũ ãrĩmakũ pérã, neõ waarã irinerã ããrĩmã iroguere. Iroguẽ eja, baari wajari odo, gãme dujarikõãnerã ããrĩmã doja.

13 Ìgũsã baari wajariadeare baapeo, dupaturi wajarirã waanerã ããrĩmã doja. Iripoeta pama José ìgũsãrẽ: “Mũsã pagũmũta ããrã yũ”, ãrĩ weredi ããrĩmĩ. Irasirigũ Egipto marã opũ José tĩrãrẽ masĩdi ããrĩmĩ.

14 Pũrũ José ìgũ tĩrã merã kerere iriudi ããrĩmĩ ìgũ pagũrẽ. “Yũpũ, ìgũyarã merã aariburo”, ãrĩ iriudi ããrĩmĩ. Jacoyarã setenta y cinco gora ããrĩnerã ããrĩmã.

15 José kere iriuadeare pégũ, Jacob ìgũ pũrã merã Egiptogue waadi ããrĩmĩ. Jacob iroguẽ boadi ããrĩmĩ. Ìgũ pũrã, marĩ ñekũsãmarãde boanerã ããrĩmã.

16 Pũrugũ ìgũsã parãmerã ããrĩturiarã ìgũsãya gõãrĩrẽ Siquem wãikũri makãgue Abraham,

† 7:9-10 “Faraón”, ãrĩrõ, Egipto marã ya merã: “opũ”, ãrĩdũaro yãa.

Hamor pūrārē ĩgũ ũtāgobe wajaridea gobegue pímurā āĩānerā āārĩmá.

¹⁷ Marĩpu Abrahārē: “Mu parāmerā āārĩturiarārē i nikūrē sīgura”, ārĩdero ejawāgāripoe Abraham parāmerā āārĩturiarā Egiptogue āārĩrā wārā masāporenerā āārĩmá.

¹⁸ ĩgũsā irogue āārĩmakũ, José boadero puru yoadero puru, gajigu iri nikũ marā opu ñajādi āārĩmĩ doja. ĩgũ, José oārō irideare oārō masĩbiridi āārĩmĩ.

¹⁹ Irasirigu marĩ ñekūsāmarā wārā masāporemakũ ĩāgũ, ĩgũsārē tarinugāduagu, ñerō iridi āārĩmĩ. Ũma pūrā deyoarārē boaburo, ārĩgũ, bédoredi āārĩmĩ.

²⁰ Iripoeta Moisés deyoadi āārĩmĩ. ĩgũ Marĩpu ĩūrōrē oāgũ āārĩdi āārĩmĩ. Irasirirā ĩgũ deyoadero puru, ĩgũ pagusāmarā ĩgũsāya wiigue urerā abegora duri merā ĩgūrē masũnerā āārĩmá.

²¹ ĩgūrē duúnemomasĩmerā, diague puui merā paubéonerā āārĩmá. Puru Egipto marā opu magō ĩgūrē boka, igoya wiigue āĩmajā, igo magũ diaye irirosũ masũdeo āārĩmó.

²² Moisés iri wiigue masā, āārĩpereri Egipto marā buerire buepeodi āārĩmĩ. Irasirigu ĩgũ masĩrĩ merā werenĩ, āārĩpereri oārō iridi āārĩmĩ.

²³ Puru cuarenta bojori opagu ĩgũyarārē Israel bumarārē ĩādugũ, ĩgũsā purogue waadi āārĩmĩ.

²⁴ Irogue ejagu, sugu Egiptomu ĩgũyagure ñerō irimakũ ĩādi āārĩmĩ. Irasirigu ĩgūrē gāmbosagu Egiptomurē wējekōādi āārĩmĩ.

²⁵ ĩgũ basi: “Marĩpu yaarārē wijatadoregu iriuami, ĩgũsā irire oārō pémasĩkuma”, ārĩ gũñadi

ããrĩmĩ. Īgũsã gapu ĩgũ gũñarõsũ gũñabirinerã
ããrĩmã.

²⁶ Gajinu gapu Moisés ĩgũsã pũrogue waadi
ããrĩmĩ doja. Irogue ejagu, gajirã ĩgũyarã pẽrã
ĩgũsã basi gãmekẽãmakũ ĩãdi ããrĩmĩ. “Iropata
gãmekẽãka! ¿Nasirimurã su bumarã ããrĩkererã,
iropa gãmekẽãkõãrĩ?” ãrĩdi ããrĩmĩ Moisés ĩgũsãrẽ.

²⁷ ĩgũ irasũ ãrĩmakũ pẽgu, buro pádi gapu, Moisére
túmeénú: “¿Noã murẽ gu opu, guare dorebu
ããrĩburo’, ãrĩ sóoari?”

²⁸ ¿Ñamika Egiptomurẽ mu wẽjẽaderosũ yudere
wẽjẽduagu yári?” ãrĩdi ããrĩmĩ Moisére.

²⁹ ĩgũ irasũ ãrĩmakũ pẽguka, Moisés Egiptore
wiri, gaji nikũ Media wãĩkari nikũgue waadi
ããrĩmĩ. Irogue ĩgũsã watopegue ããrĩgũ, iromorẽ
marãpoku, pẽrã ãma pũrãkadi ããrĩmĩ.

³⁰ Moisés cuarenta bojorigora iri nikũguere
ããrĩdi ããrĩmĩ. Iriku bojori puru Sinaĩ wãĩkadi ãtãũ
puro, masaka marĩrõgue waadi ããrĩmĩ. Irogue
sugu yukugã dupuri watopegue peame ãjũmakũ
ĩãdi ããrĩmĩ. Marĩpore wereboegu iri peame ãjũrĩ
pũrã deogue deyoadi ããrĩmĩ ĩgũrẽ.

³¹ Moisés iri peame ãjũmakũ ĩãgũ, ĩãgukakõãdi
ããrĩmĩ. “¿Naásũ waari?” ãrĩ, iri yukugã pũrogãgue
ĩãgũ waagũ, marĩ Opu ãsũ ãrĩ werenĩmakũ pẽdi
ããrĩmĩ:

³² “Yu, mu ñekũsãmarã: Abraham, Isaac, Jacob
Opu ããrã”, ãrĩdi ããrĩmĩ. ĩgũ irasũ ãrĩmakũ pẽgu, buro
gũi narada, neõ ĩãnemodũabiridi ããrĩmĩ.

³³ Marĩpu ĩgũrẽ: “Yu pũrota nĩa mu. Irasirigu
mãya gubu surĩre túweaka, yure buremurĩrẽ ĩmubu.

³⁴ Yaarã Egiptogue ããrĩrãrẽ buro poyamakũ

ĩãa. Ĩgũsã buru bujawereri merã gaguinĩmakũ péa. Irasirigu ĩgũsãrẽ taubu dijjabu. Irasirigu murẽ Egiptogueta iriugura ĩgũsãrẽ iritamudoregu”, ãrĩ weredi ããrĩmĩ Marĩpu Moisére.

35 Ĩĩ Moiséreta marĩ ñekũsãmarã ĩgũrẽ gããmemerã: “ ‘ĶNoã murẽ guã opu, guare dorebu ããrĩburo’, ãrĩ sóoari?” ãrĩnerã ããrĩmã. Marĩpu gapu ĩgũrẽ: “Ĩgũsã opu píguãa murẽ”, ãrĩ, ĩgũrẽ iriudi ããrĩmĩ ĩgũsãrẽ taudoregu. Marĩpu ĩgũrẽ wereboegu yukugã dupuri watopegue peame ãjũderogue deyoadi merã ĩgũrẽ iriudi ããrĩmĩ.

36 Irasirigu Moisés Egiptogue eja, Marĩpu turaro merã wãri iri ĩmurĩrẽ iridi ããrĩmĩ. Puru marĩ ñekũsãmarãrẽ Egiptogue ããrãnerãrẽ siiuwãgã, wãdiya deko diiadiyague eja, Marĩpu turaro merã irasũta iridi ããrĩmĩ doja. Puru cuarenta bojorigora masaka marĩrõgue ĩgũsã waagorenamakũdere, irasũta iridi ããrĩmĩ doja.

37 Moiséta marĩ ñekũsãmarã Israel bumarãrẽ ãsũ ãrĩ weredi ããrĩmĩ: “Purugue marĩyagure Marĩpu iriugukumi ĩgũya kerere werebure. Yure ĩgũ iri- uderosũta ĩgũdere iriugukumi. Ĩgũ wererire õãrõ péduripĩka!” ãrĩ weredi ããrĩmĩ.

38 Marĩ ñekũsãmarã masaka marĩrõgue nerẽmakũ, Moisés ĩgũsã merã ããrĩdi ããrĩmĩ. Irogue Sinaĩ wãĩkũdi ãtãũgue Marĩpure wereboegu ĩgũrẽ weredi ããrĩmĩ. Ĩgũ irasũ weremakũ péadeare Moisés marĩ ñekũsãmarãrẽ weretaudi ããrĩmĩ. Marĩ irire pémakũ, Marĩpu marĩrẽ ĩgũ merã õãrõ ããrĩmakũ yãmi. Iri neõ perebirikoa.

39 Moisés irire werekeremakũ, marĩ ñekũsãmarã gapu neõ buremubirinerã ããrĩmã. Ĩgũdere

buremubiri: “Egiptogue dujáakõãrã”, ãrĩ gũñanerã ããrĩmá.

⁴⁰ Irasirirã Moisés ùtãũgue ããrĩripoe ìgũ tìgũ Aarõrẽ: “Marĩrẽ Egiptogue ããrĩrãrẽ ãiridi, ¿naásũ waayuri? Marĩ neõ masĩbea”, ãrĩnerã ããrĩmá. Irasirirã Aarõrẽ: “Keori weabosaka gũare! I keori weadea merã kõãdupiyurãkoa, marĩ waaburi maarẽ ìmuburo, ãrĩrã”, ãrĩnerã ããrĩmá.

⁴¹ Irasũ ãrĩ odo, sugũ wekũ majìgũ keori oro merã weanerã ããrĩmá. Pũrũ ìgũsãyarã waimũrã ejorãrẽ wějẽ, soeponerã ããrĩmá iri weadeare buremurã. Pũrũ irire usũyari merã ìãrã, bosenu irinũgãnerã ããrĩmá.

⁴² Ìgũsã weadeare buremumakũ ìãgũ, Marĩpũ ìgũsãrẽ béodi ããrĩmí, ìgũsã gããmerõ iriburo, ãrìgũ. Irasirirã neñukãrẽ, abeare buremunũgãnerã ããrĩmá. Marĩpũya kerere weredupiyunerã ãsũ ãrĩ gojanerã ããrĩmá Marĩpũ ãrĩdeare gojarã:

Mũsã, Israel bumarã masaka marĩrõgue cuarenta bojori ããrĩrã, yũ gapũre mũsãyarãrẽ waimũrã ejorãrẽ wějẽ soepeo buremubiribũ.

⁴³ Irasirirã mũsã Moloc wãĩkũgũ keorire buremurã, ìgũrẽ buremurĩ wiire, mũsã surí gasiri merã iridea wiire kõãgorenabũ.

Gajigũ Refán wãĩkũgũ neñukãmũ keori mũsã weadeadere buremubũ. Mũsã iri keorire weabũ buremudũarã. Irasirigũ, mũsã yũre buremubiridea waja mũsãrẽ Babilonia wãĩkũro koregue béogũra, ãrĩ gojanerã ããrĩmá.*

* 7:43 Am 5.25-27

44 Irasũ ãrĩ odo, Esteban oparãrẽ Marĩpũya wiima gapũre wereyupũ doja:

—Marĩ ñekũsãmarã masaka marĩrõgue ããrĩrã, Marĩpũre bũremurĩ wii, waimũrã gasiri merã ãgũsã iridea wiire opanerã ããrĩmã. Iri wiiguere Marĩpũ pe mojõma ðoreri gojadea majĩ ùtã majĩ ããrĩdero ããrĩbũ. ãgũsã iri wiire iriburo dupiyuro Marĩpũ Moisére iri wii keorire: “Ãsũpero irika!” ãrĩdi ããrĩmĩ. Irasirirã marĩ ñekũsãmarã iri wiire Marĩpũ dorederosũta keoro irinerã ããrĩmã.

45 ãgũsã boadero pũrũ, ãgũsã pũrũ marã iri wiire opaturianerã ããrĩmã. Pũrũ Josué ãgũsãrẽ siuwãgãmakũ, iri wiire ãgũsã noó waaró ããñanerã ããrĩmã. ãgũsã õõgue ejamakũ, Marĩpũ i nikũ marãrẽ judío masaka ããrĩbirinerãrẽ béokõãdi ããrĩmĩ. Yoaripoe marĩ ñekũsãmarã Marĩpũre iri wiigue bũremunerã ããrĩmã. David opũ ñajãdero pũrũguedere opanerã ããrĩmã.

46 Marĩpũ Davire ãgũ ãũrõ õãrõ iridire usũyari merã ããdi ããrĩmĩ. Irasirigũ David Marĩpũre ãsũ ãrĩdi ããrĩmĩ: “Gũ ñekũ Jacob bũremudi ããrã mũ. Irasirigũ yũ mũrẽ wãri wii mũ ããrĩburi wiire iribosasi”, ãrĩdi ããrĩmĩ. ãgũ irasiridũakeregũ, iri wiire iribiridi ããrĩmĩ.

47 ãgũ magũ Salomón gapũ iri wiire iridi ããrĩmĩ pama.

48 Irasirikeremakũ, Marĩpũ gapũ ããrĩpererãrẽ doregũ ããrĩsãã, masaka iridea wiirigue dita ããrĩbemi. Iripoegue ãgũya kerere weredupiyudi ãsũ ãrĩ gojadi ããrĩmĩ Marĩpũ ãrĩdeare gojagu:

49 Yũ, ããrĩpererã Opũ ããrã. Ëmũgasi yũ doaro irirosũ ããrã. I nikũ yaa guburi kũraña

doanírõ irirosũ ããrã. Irasirirã, yu ããrĩburi
wiire irimasĩbea mʘsã.

50 Yuta ããrĩpererire iribʘ, ãrĩmi Marĩʘ, ãrĩ go-
jasũdero ããrĩbʘ.✠

51 Esteban irasũ ãrĩ odo, ãsũ ãrĩ werenemoyupʘ
doja:

—Mʘsã Marĩʘ dorerire tarinʘgã. Ĩgũrẽ
masĩmerã irirosũ ĩgũ wererire neõ pẽduabea.
Õãgũ deyomarĩgũ dorerire neõ iridʘabea. Marĩ
ñekũsãmarã iriderosũta iririkakõãa.

52 Ĩgũsã ããrĩpererã Marĩʘya kerere
weredupiyunerãrẽ ñerõ waamakũ irinerã ããrĩmã.
Gajirãrẽ: “Jesús marĩrẽ taubu, Marĩʘ doreri
iribu aarigʘkumi”, ãrĩ wererãrẽ wẽjẽnerã ããrĩmã.
Ĩgũrẽta ĩgũ ejadero ʘʘʘ, mʘsã gapʘ ñeã, gajirãrẽ
wia wẽjẽdorebʘ.

53 Marĩʘ ĩgũrẽ wereboerã merã ĩgũ dorerire
marĩ ñekũsãmarãrẽ píkeremakũ, mʘsã irire bʘro
tarinʘgã, ãrĩ wereyupʘ Esteban oparãrẽ.

Estebãrẽ wẽjẽdea

54 Ĩgũ irasũ ãrĩmakũ pérã, bʘro guari merã ĩgũsãya
guikare kũrĩduútũñurã.

55 Esteban gapʘ Õãgũ deyomarĩgũrẽ
opatariyupʘ. ʘmʘgasigue iãmu, Marĩʘ
gosesiririre iãyupʘ. Marĩʘ diaye gapʘ Jesús
nĩmakũ iãyupʘ.

56 Esteban ĩgũrẽ iãgũ: “Iãka!” ãrĩyupʘ. “ʘmʘgasi
tũpãmakũ iãa. Jesús ããrĩpererã tĩgũ Marĩʘ diaye
gapʘ nĩmakũ iãa yu”, ãrĩyupʘ oparãrẽ.

✠ 7:50 Is 66.1-2

57-58 Īgũ irasũ ārĩmakũ péduamerã, buro gaguiní, ĩgũsãya gãmpĩrĩrẽ biañurã. Suro merã ũmawãgã, ĩgũrẽ ñeã, iri makã turogue āĩñurã. Īgũsãya surí wekamarẽ túwea pí, sugũ maamu Saulo wãikugure irire koredoreñurã. Odo, Estebãrẽ ũtãyeri merã dea wẽjẽñurã.

59 Īgũsã irasirimakũ, Esteban ãsũ ārĩ sërẽyupũ:

—Jesús yũ Opũ, yũ kōmomakũ, yaa yũjũpũrãrẽ ñeãka! ārĩyupũ.

60 Pũrũ ĩgũya ñadukũpuri merã ejamejãja, buro gaguinírĩ merã:

—Yũ Opũ, kãtika, ñĩsãrẽ yũre ĩgũsã irasiririre, ārĩyupũ. Irasũ ārĩ, kōmoakōãyupũ pama.

8

Saulo Jesúre buremurãrẽ ñerõ iridea

1 Saulo ĩgũsã Estebãrẽ dea wẽjẽmakũ ĩãgũ: “Ōãrõ irirã irasũ yãma”, ārĩ gũñayupũ. Irinãta Jesúre buremumerã ĩgũrẽ buremurãrẽ Jerusalẽgue ããrĩrãrẽ ñerõ irinũgãñurã. Irasirimakũ ĩã, Jesúre buremurã gapũ ããrĩpererã Judea nikũgue, Samaria nikũgue waasiriakōãñurã. Jesús buedoregũ beyenerã dita Jerusalẽguere dujañurã. Gajirogue waabiriñurã.

2 Gajirã ũma Marĩpũre buremurã Estebãya dupũre yáarã, buro ore bujawereñurã.

3 Saulo gapũ neõ sugũ Jesúre buremugũ marĩkōãburo, ārĩgũ, Jesúre buremurãya wiirigue ñajãa, ũmarẽ, nomedere ñeã, peresu iribu ãĩñayupũ.

Felipe Samaria marãrẽ buedea

⁴ Īgũ irasirimakũ, Jesúre b̄remurã Jerusalêrê wirirã, noó ĩgũsã waaró Marĩp̄masakare tauri kerere werenañurã.

⁵ Felipe wãikuḡ Samaria nikũ ããrĩrĩ makãgue waa, irogu eja, iro marãrê Jesucristoya kerere werenayup̄.

⁶ Īgũ iri kerere weremakũ pérã, ĩgũ Marĩp̄ turaro merã iri ĩmumakũ ĩãrã, ĩgũ p̄ro nerẽañurã ĩgũ wererire õãrõ pémurã.

⁷ Wárã wãtêa ñajãsũnerãrê tauyup̄. Wãtêa gap̄ ĩgũsãguere ããrĩnerã b̄ro gaguinĩrĩ merã wiriñurã. Wárã dup̄ b̄arãrê, waamasĩmerãdere tauyup̄.

⁸ Irasirimakũ ĩãrã, iri makã marã b̄ro m̄syañurã.

⁹ Iri makãrê suḡ Simón wãikuḡ yé ããrĩyup̄. Īgũ yoaripoe yéa iririk̄ire irigorenamakũ ĩãrã, Samaria marã ĩãgukanokõañurã. “Ȳ masĩtarinugãgũ ããrã”, ãrĩ werenayup̄ ĩgũsãrê.

¹⁰ Irasirirã ããrĩpererã iri makã marã oparã, oparã ããrĩmerãde ĩgũrê: “Ĩ ãmugasigue marã Op̄ irirosũ turari opaḡ ããrĩkumi”, ãrĩ gũñadiñurã.

¹¹ Īgũ sõo gap̄ merã wári yéa iririk̄ire irimakũ ĩãrã, wárã masaka ĩgũrê b̄remuñurã.

¹² Felipe gap̄ Samaria marãrê: “Marĩp̄ ããrĩpererã Op̄ ããrĩmi. Īgũ magũ Jesucristo marĩrê tauḡ ããrĩmi”, ãrĩ wereyup̄. Ūma, nome, ĩgũ wererire pé b̄remumakũ ĩãgũ, ĩgũsãrê deko merã wãĩyeyup̄.

¹³ Simõde Jesúre: “B̄remua ȳ”, ãrĩmakũ péḡ, Felipe ĩgũdere wãĩyeyup̄. P̄ru Felipe merã waagorenayup̄. Felipe Marĩp̄ turaro merã iri ĩmumakũ ĩãgũ, ĩãgukanokõãyup̄.

14 Jesús buedoregũ beyenerã Jerusalêgue ããrĩrã: “Samaría marã Marĩpũyare õãrõ bũremunũgãñurã”, ãrĩrĩ kerere pérã, Pedro, Juãrẽ ããdorerã iriuñurã.

15 Irogue ejarã, Jesúre bũremurãrẽ Marĩpũre sêrêbosañurã, Õãgũ deyomarĩgũrẽ bokatĩrĩñeãburo, ãrĩrã.

16 Ìgũsã marĩ Opũ Jesúre bũremunũgãdero pũrũ, ìgũ wãĩ merã dita wãiyesũñurã. Õãgũ deyomarĩgũ ìgũsãrẽ ejabiriyupũ dapa.

17 Irasirirã Pedrosã Ìgũsãya mojõrĩ merã Jesúre bũremunũgãnerãya dipu weka ñapeoñurã. Ìgũsã ñapeomakũ, Õãgũ deyomarĩgũ ìgũsãguere ejayupũ.

18 Pedrosã ñapeomakũ, Õãgũ deyomarĩgũ eja-makũ ìãgũ, Simón garũ Ìgũsã turarire gããmegũ, niyeru merã wajaridũadiyupũ. ãsũ ãrĩyupũ:

19 –Iri turarire sĩka yũdere! Yũ ñapeorãguere Õãgũ deyomarĩgũ ejamakũ iridũakoa, ãrĩyupũ.

20 Ìgũ irasũ ãrĩmakũ, Pedro ìgũrẽ yũjũyupũ:

–Mũ Marĩpũ turari sĩrĩrẽ: “Niyeru merã waja-ri-gũkoa” ãrĩ gũñarĩ waja, mũya niyeru, mũ merãta béosũrokoa.

21 Marĩpũ ìũrõrẽ mũ gũñarĩ diaye ããrĩbea. Irasirigũ gũa irirosũ irimasĩbirikoa.

22-23 Mũ ñerõ iririre iripautariadi ããrã. Irasirigũ mũ ñerõ iririre bũjawere, mũ gũñarĩrẽ gorawayuka! Marĩpũre sêrêka, mũ ñerõ gũñarĩrẽ kãtiburo, ãrĩgũ. Gajipoe irigũ irire kãtibukumi mũ ìgũrẽ sêrêmakũ, ãrĩyupũ.

24 Irasũ ãrĩmakũ pégũ, Simón ìgũsãrẽ ãrĩyupũ:

–Mũsã Marĩpũre sêrêbosaka, yũre mũsã ãrãdea waabirikõãburo, ãrĩrã, ãrĩyupũ.

25 Pedrosã, Jesús irimakũ ããdeare, ãgũ buemakũ pédeare iri makã marãrẽ were odo, Jerusalẽgue goedujáañurã. Goedujáarã, wárã masakare Samaria nikũ ããrĩrĩ makãrĩ marãdere Jesúya kerere werewãgãñurã.

Felipe Etiopíamurẽ weredea

26 Pũrũ sugũ Marĩpũre wereboegũ Felipere ãsũ ãrĩyupũ:

—Jerusalén merã ããrĩnũgãwãgãrĩ maa, Gaza wãĩkũri makã buari maague waaka! Iri maa masaka marĩrõgue ããrĩwãgãã, ãrĩyupũ.

27 ãgũ irasũ ãrĩmakũ pé, Felipe iri maague buagũ, sugũ Etiopíamurẽ bokajayupũ. ãgũ iri nikũ marã opo dokamũ, ããrĩpereri igoya niyerure korerimasũ ããrĩyupũ. ãgũ Jerusalẽgue Marĩpũre bũremugũ ejadi ããrĩyupũ.

28 Irogue ejadi ãgũya nikũgue goedujáagũ, ãgũya tũrũdiru caballua tũãdiru wekague doagũ, Isaías Marĩpũya kerere weredupiyudi gojadea pũrẽ buegũ iriyupũ.

29 ãgũ bueripoe Õãgũ deyomarĩgũ Felipere:

—Iriru pũroweya waaka! ãrĩyupũ.

30 ãgũ irasũ ãrĩmakũ pé, Felipe iriru pũro ãmawãgã, Etiopíamũ Isaías gojadea pũrẽ buemakũ péyupũ. ãgũ irire buemakũ pégu:

—¿Mũ buerire pémasĩrĩ? ãrĩ sãrẽñayupũ.

31 ãgũ gapũ yũjuyupũ:

—¿Nasiri pémasĩbukuri, yũ gajigũ yũre i irasũ ãrĩdũaro yãã, ãrĩgũ marĩkeremakũ? Mũrĩñajãka, irire yũre buebu, ãrĩyupũ Felipere.

32 ãgũ bueri ãsũ ãrĩyuro:

Ovejare ñeã wějēderosūta ĩgūdere ñeã wějērākuma.
Oveja majĭgūrē ĩgūya poarire ĩgūsã perama-
makū, ĩgū gaguinĭbiriderosūta ĩ masakude
gaguinĭbirikumi.

³³ Masaka ĩgūrē b̄aridarākuma. ĩgū ñerō iribirik-
eremakū, neō suḡm ĩgūrē: “Waja opabemi”,
ārĭbirikuma.

Irasirirā, ĩgū i nikūgue āārĭripoe ĩgūya nikū marā
ĩgūrē ñerō iri, wějērākuma. ĩgūsã ñerō iri-
deare neō suḡm werepeomasĭbirikumi, ārĭ
gojadea āārĭyuro.✧

³⁴ Irire bue odo, Felipere sērēñayup̄m:

—Wereka ȳure! ¿Noārē gojaḡm iriyuri Isaías, ĩgū
basi, o gajĭḡmguere?

³⁵ Felipe āsū ārĭ yuj̄m̄yup̄m ĩgūrē:

—Iri Jesúre ārĭ gojadea āārā, ārĭyup̄m. Irasiriḡm
Jesúyare ĩgū ōārō iridea kerere wereyup̄m ĩgūrē.

³⁶ Irasū werenĭwāgārā, ditarugue ejañurā. Iri
ditarure ĩāgū, Etiopĭam̄m Felipere:

—Īāka! Deko āārā. ¿M̄m ȳure wāiyemakū
ōāgorabukuri? ārĭyup̄m.

³⁷ Felipe gap̄m ĩgūrē:

—M̄m Jesucristore ōārō b̄aremumakū, m̄rē deko
merā wāiyeḡura, ārĭyup̄m. Etiopĭam̄m ĩgūrē ārĭyup̄m
doja:

—Jesucristore b̄aremua ȳm. ĩgūta Marĭp̄m magū
āārĭmi, ārĭyup̄m.

³⁸ Irasiriḡm Etiopĭam̄m ĩgūya tūrūdiru wejatuḡure
dujupĭdore, ĩgūsã pērā dijin̄gā, ditarugue
ñumuwija, Felipe ĩgūrē deko merā wāiyeyup̄m.

✧ 8:33 Is 53.7-8

³⁹ Īgūrē wāiye odo, ñumuwāgārripoe gũñaña marĩrō merā Ōāgū deyomarīgū Felipere gajirogue āīākōāyupũ. Etiopíamũ Īgūrē dupaturi ĩānemobirikeregũ, Īgūrē waadeare gũña, bũro usayari merā Īgūya makāgue dujáakōāyupũ.

⁴⁰ Felipe gapũ Ōāgū deyomarīgū Īgūrē āīadero purũ, Azote wāikũri makāgue ejayupũ. Irogue eja, makārĩkũ Jesúya kerere weregorenagũ, Cesarea wāikũri makāgue weretũnujayupũ.

9

Saulo Jesúre bũremunũgādea (Hch 22.6-16; 26.12-18)

¹ Felipe buegorenaripoe Saulo gapũ Jesúre bũremurārē ĩaturigu: “Wējēpeokōāgura”, ārĩrĩrē piribirisĩā, paía opũ pũrogue waa, āsũ ārĩyupũ:

² —Yũre papera pũ āmubosaka, Damascogue waaburire. Iri pũrē marĩ nerērĩ wiiri marā oparārē wiabu yáa. Iri makā marā Jesúre bũremurārē ũma, nomerē, noó yũ bokajarārē ñeā āĩrigura Jerusalēgue peresu iribu, ārĩ sērēyupũ Saulo paía opũre.

³ Iri pũrē sĩadero purũ, Saulo gajirā merā Damascogue waakōāyupũ. Īgũ iri makā ejabu iriripoe gũñaña marĩrō ũmugasigue merā bũro kũmijũrō Īgũ pũrore gosesiridijuyuro.

⁴ Īrasũ waamakũ, Saulo yebague meémejāgũ, āsũ ārĩ werenĩmakũ péyupũ:

—Saulo, ¿nasirigu yũre ñerō yári mũ?

⁵ Īgũ irasũ ārĩmakũ pégu: “¿Noã āārĩrĩ mũ?” ārĩyupũ.

—Y_u Jesús, m_u ñerō iriguta āārā. M_u y_ure ñerō irig_u, m_u basita ñerō yāa, ārīyup_u.

⁶ Īgū irasū ārīmakū, Saulo b_uro gūi naradari merā:

—Y_u Op_u, ¿naásūpero gap_u y_u irimakū gāāmerī? ārīyup_u.

Īgū irasū ārīmakū, ĩgūrē:

—Wāgānugā, makāgue waaka! Irogue sug_u y_u m_urē iridoreburire weregakumi, ārīyup_u Jesús Saulore.

⁷ Saulo merā waanerāde Jesús werenírīrē pérā g_uka, werenímasībiriñurā. Irire pékererā, Jesús gap_ure neō ĩābiriñurā.

⁸ Saulo yebague oyadi wāgānugāja, ĩāpāgū, neō ĩābiriyp_u. Irasirirā ĩgū merāmarā ĩgūrē tūāwāgāñurā Damascogue waarā.

⁹ Irogue eja, _urenugora koye ĩābiri, neō baabiri, iirībiri iriyup_u.

¹⁰ Damascoguere sug_u Jesúre b_uremugū Ananías wāikug_u āārīyup_u. Kērō irirosūgue Jesús ĩgūrē wereníyup_u:

—¿Ananías, āārīrī m_u?

—Y_u Op_u, ōōta āārā, ārī y_ujuyup_u.

¹¹ Īgū irasū ārīmakū, Jesús ĩgūrē:

—Wāgānugāka! “Diayema maa” wāikuri maague waaka! Iri maague waagú, Judaya wiig_ue ñajāa, sug_u Tarsom_urē Saulo wāikug_uare sērēñaka! Dapagorare ĩgū y_ure sērēgū yāmi.

¹² Īgūdere neāgue kērō irirosū āārīrī merā ĩmuab_u. M_u ĩgū p_uro ñajāa, ĩgūya dipurure ñapeori merā dupaturi ĩgūya koye ĩāburire ĩmuab_u. M_u wāidere ĩmuab_u ĩgūrē, ārīyup_u Jesús Ananíare.

13 Īgũ irasũ ārĩmakũ pégu, āsũ ārĩyupũ:

—Yũ Opũ, Īgũ mure buremurārē Jerusalēgue āārīrārē ñerō iriadeare wārā masaka yure wereama.

14 I makā marādere mure buremurārē āārīpererā mũ wāi merā Marĩpũre sērērārē peresu iribu, paia oparā: “Āsũ irika!” ārĩ iriuadea pũ merā ejāyupũ, ārĩ wereyupũ.

15 Īgũ irasũ ārĩkeremakũ, Jesús gapũ:

—Īgũ pũrogue waaka! Īgũ yũ beyesũdi āārĩmi. Irasirigũ yaa kerere gaji nikũ marārē, Īgũsā oparārē, Israel bumarādere weregũkumi.

16 Irire weregorenagũ, bũro ñerō tarigũkumi. Yũ basi Īgũrē weregũra, ārĩyupũ.

17 Īgũ irasũ ārĩmakũ pé, Ananías Judaya wiigue waa, iri wiigue ñajāa, Saulore bokaja, Īgũya dipurure ñapeo, āsũ ārĩyupũ:

—Yaagu Saulo, péka yure! Marĩ Opũ Jesũta mure maague deyoadi yure iriuami, mure dupaturi koye iāburo, ārĩgũ. Ōāgũ deyomarĩgũdere opatariburo, ārĩgũ, iriuami, ārĩyupũ.

18 Īgũ irasũ ārĩripoeta Sauloya koyeguerē waaĩ nũtũrĩ irirosũ deyori tuuyadea yurisiridijakōāyuro. Ōārō iākōāyupũ doja. Irasirigũ wāgānũgā, deko merā wāiyesũadi dujayupũ.

19 Pũrũ baa, turakōāyupũ. Iri makāguere yoaweyaripoe Jesũre buremurā merā dujayupũ dapa.

Saulo Damasco marārē Jesũyare buenũgādea

20 Iro āārĩgũ, judío masaka nererĩ wiirigue waa, irogue āārīrārē: “Jesús, Marĩpũ magũ āārĩmi”, ārĩ werenayupũ.

21 Īgũ weremakũ pérã, ããrĩpererã péguka, ĩgũsã basi ãsũ ãrĩ gãme werenĩñurã:

—Ĩ Jerusalēgue Jesúre b̄remurãrẽ ĩgũ wãĩ merã Marĩp̄ure s̄er̄erãrẽ w̄j̄ẽdoredita ããrĩmi. Dapagorare i makãguedere õõ marãrẽ Jesúre b̄remurãrẽ ñeãgũ aarigú iriañumi Jerusalēgue ãĩa, paía oparãguere wiabu, ãrĩñurã.

22 Īgũsã irasũ ãrĩkeremakũ, Saulo gap̄u ãmurikũ judío masakare, Damascogue ããrĩrãrẽ güiro marĩrõ õãrõ merã: “Jesús diayeta Marĩp̄u iriudi, Cristo ããrĩmi”, ãrĩ werenayup̄u. Īgũ irasũ ãrĩ weremakũ pérã, ĩgũrẽ: “Ãrĩkatoḡu yámi ĩĩ”, ãrĩmasĩbiriñurã.

Saulo judío masakare duriwãgãdea

23 Yoadero p̄ur̄u, surãyeri judío masaka Saulore ĩgũsã w̄j̄ẽburire werenĩmurã nerẽñurã.

24 Irasirirã ãmurikũ, ñamirikũ makã t̄aro ĩgũsã ãtã koei merã weadea sãrĩrõ makãp̄urore korenañurã ĩgũrẽ w̄j̄ẽduarã. Saulo gap̄u ĩgũsã ĩgũrẽ w̄j̄ẽduarire masĩkõãyup̄u.

25 Irasirirã su ñami Jesúre b̄remurã wári puui merã ĩgũrẽ iri sãrĩrõma gobegue yótaudijuñurã. ãsũ irisĩã, Saulo iri makãrẽ wiriyup̄u.

Saulo Jerusalēgue goedujádea

26 P̄ur̄u Jerusalēgue goedujayup̄u doja. Irogue ejaḡu, Jesúre b̄remurã merã ããrĩduadiyup̄u. Īgũsã gap̄u ĩgũrẽ güigorañurã. “Jesúre b̄remugũ ããrĩbemi ĩĩ”, ãrĩñurã.

27 Īgũsã irasirimakũ ĩãgũ, Bernabé gap̄u Saulore Jesús buedoreḡu beyenerã p̄uro ãñayup̄u. Irogue eja, ĩgũsãrẽ Saulo maague waagú ĩgũ Jesúre ĩãdeare,

Jesús ĩgũ merã wereníadeare, ĩgũ Damascogue Jesúya kerere güiro marĩrõ merã wereadeadere ĩgũsãrẽ wereyupũ.

28-29 ĩgũ irasũ ãrĩ wereadero pũrũ, Saulo ĩgũsã merã ããrĩnũgãyupũ. Irasirigũ ĩgũsã merã Jerusalẽgue güiro marĩrõ marĩ Opũ Jesúya kerere weregorenayupũ. Iri kerere weregorenagũ, surãyeri judío masaka, griego ya merã werenírãrẽ were, ĩgũsã merã gãme wereníyupũ. ĩgũsã gapũ ĩgũ wererire péduabirisĩã, ĩgũrẽ wẽjẽduadiñurã.

30 Irasirirã ĩgũsã wẽjẽduamakũ ĩãrã, Jesúre bũremurã gapũ ĩgũrẽ Cesarea wãĩkuri makãgue ãĩa, irogue eja, ĩgũya makã Tarsogue iriukõãñurã pama.

31 ĩgũ irogue waadero pũrũ, ããrĩpererã Jesúre bũremurã Judea marã, Galilea marã, Samaria marã siñajãrĩ merã dujañurã. Õãgũ deyomarĩgũ iritamurõ merã bũremunemoñurã. Jesúyare gopeyari merã iritũyañurã. Gajirã wãrã ĩgũrẽ bũremunũgãñurã.

Pedro Enearẽ taudea

32 Pedro ããrĩpereri makãrĩ marãrẽ Jesúre bũremurãrẽ ĩãgorenagũ waagú, Lida wãĩkuri makãguedere ejayupũ.

33 Irogue eja, sugũ Eneas wãĩkũgure bokajayupũ. Su mojõma pere gajĩ mojõ ureru pẽrẽbejari bojorig-ora ĩgũya wiiguere dũpũ bũadi peyayupũ.

34 Pedro ĩgũrẽ ãrĩyupũ:

—Eneas, Jesucristo mũrẽ taugũkumi. Wãgãnũgã, mũ peyaderore ãmu duripíka!

Ĩgũ irasũ ãrĩmakũta, Eneas wãgãnũgãkõãyupũ.

35 Æãrĩpererã Lida marã, Sarón marãde Ìgũrẽ Ìãrã, iripoegue Ìgũsã b̄remunadeare piri, Jesús gapure b̄remunãgãñurã.

Pedro Dorcare masũdea

36 Gaji makã Jope wãĩkuri makãgue sugo nomeõ Jesúre b̄remugõ “Tabita” wãĩkugo ããrĩyupo. Griego ya merã “Dorcas” wãĩkuyupo. Igo õãrĩrẽ irigo, boporãrẽ õãrõ iritamugõ ããrĩyupo.

37 Iripoere Pedro Lidague ããrĩripoe igo pũrĩriku kõmoakõãyupo. Igo kõmoadero p̄ru, Ìgũsã irinaderosũta igo merãmarã igoya d̄p̄u darore koeñurã. Koe odo, ãmarõma taribugue píñurã.

38 Jope, Lida p̄rogã ããrĩyuro. Irasirirã Jope marã Jesúre b̄remurã Pedro Lidague ããrĩmakũ pérã, ãma p̄rãrẽ Ìgũ p̄rogue iriuñurã. Iroque ejarã, Ìgũrẽ:

—Mumurõ merã Jopegue waaka! ãrĩñurã.

39 Ìgũsã irasũ ãrĩmakũ pégu, mata Pedro Ìgũsã merã Jopegue waayup̄u. Iroque ejarã, Ìgũrẽ Dorcas boadeo peyari taribugue siiu m̄rĩãñurã. Ìgũ iri taribugue ejamakũ, wapiweyarã nome Pedro p̄ro nerẽnugãjañurã. Orerãta, igo Ìgũsãrẽ surí eabosadeare Ìmuñurã Ìgũrẽ.

40 Pedro iri taribugue ããrĩrãrẽ ããrĩpererãrẽ wiriadoreyup̄u. Ìgũsã wiriadero p̄ru, ñadukupuri merã ejamejãja, Marĩp̄ure s̄rẽyup̄u. S̄rẽ odo, boadeore gãmenugã Ìã:

—Tabita, wãgãnugãka! ãrĩyup̄u.

Ìgũ irasũ ãrĩmakũta, koye Ìãpã, Pedrore Ìãgõta wãgãdoayupo.

41 Pedro igoya mojõgue ñeã, tũãwãgũnú, pũũ wapiweyarã nomerẽ gajirã Jesúre bũremurãdere siiumu, ìgũsãrẽ wiayupũ igore.

42 Æãrĩpererã Jope marã igore ìgũ masũadea kerere péperekõãñurã. Irasirirã wárã Jesúre bũremunũgãñurã.

43 Pedro yoaripoe Jopeguere sugũ Simón wãikũgũ, waimurã gasirire ãmurĩmasũya wiigüe ããrĩyupũ.

10

Cornelio Pedrore siudoredea

1 Cesareaguere Cornelio wãikũgũ wárã surara, “Italiano” wãikũri bumarã opũ ããrĩyupũ.

2 Cornelio, ããrĩpererã ìgũya wii marã merã Marĩpũre gopeyari merã bũremuñurã. Irasirigũ judío masaka boporãrẽ iritamugũ wári niyeru sñayupũ. Æmurikũ Marĩpũre sërẽnayupũ.

3 Sunũ ñamika tres ããrĩmakũ, kërõ irirosũgüe sugũ Marĩpũre wereboegũ deyoa, ìgũ pũro ñajãmakũ ããyupũ. Ñajãa, ìgũrẽ:

—Cornelio, ãrĩyupũ.

4 Cornelio bũro gũiri merã ìgũ ditare ãã:

—Yũ Opũ, ¿ñeénorẽ gããmerĩ? ãrĩyupũ.

Ìgũ irasũ ãrĩmakũ, Marĩpũre wereboegũ ìgũrẽ ãrĩyupũ:

—Marĩpũ mũ sërẽrĩrẽ pémi. Mũ boporãrẽ niyeru sñĩdere ããmi.

5 Irasirigũ Simón Pedro wãikũgũre siudoregũ, Jopegüe iriuka mũyarã ãmarẽ!

6 Īgū gajigu Simón wāikugū waimurā gasirire āmurīmasūya wiigue āārīmi. Iri wii wádiya turo āārā, ārīyupū.

7 Marīpūre wereboegu irasū ārī odo, waadero pūru, Cornelio ĭgūrē moāboerā pērārē, gajigu surara ĭgūrē iritamugūrē Marīpūre gopeyari merā b̄remugūrē siiuyupū.

8 Īgūsārē siiu, āārīpereri Marīpūre wereboegu ĭgūrē wereadeare wereyupū. Were odo, ĭgūsārē Jopegue iriukōāyupū.

9 Īgūsā waadeanū gajinū gapū goeripoe āārīmakū, Jopegue ejamurā iriripoe Pedro ĭgū āārīrī wii wekague Marīpūre sērēgū mūrīayupū.

10 Īgū irogue āārīgū b̄uro ɥaboa, baadɥadiyupū. Iri wii marā ĭgūsā baari āmuripoe kērō irirosū waasū, ɥmɥgasi tūpāmakū ĭāyupū.

11 Irasū tūpāmakū, suñe surīro irirosū deyori gasiro wapikuri turori suadea gasiro miē, yebague dijarimakū ĭāyupū.

12 Iri gasiro poekaguere āārīpererā waimurā: paārā, yebague sĭgūwāgārā, wārā sāñañurā.

13 Marīpū ĭgūrē:

—Pedro, wāgānugā, ĭīsārē wējē baaka! ārīyupū.

14 Īgū irasū ārīmakū:

—Yū Opū, yū ĭgūsānorē neō baañabea. Ñerārē, mū ḡuare baadorebirinerārē neō baabea, ārīyupū.

15 Marīpū ĭgūrē dupaturi ārīnemoyupū doja:

—Yū: “Ōārā āārīma”, ārīrārē, ĭgūsārē: “Ñerā, baaya marīrā āārīma”, ārībirikōāka!

16 Ƴrea ĭgūrē irire ĭmuadero pūru, iri gasirore ɥmɥgasigue āīmūrīākōāyupū doja.

17 Pedro: “¿Naásũ arĩduaro irikuri iri yure ĩmuadea?” arĩ gũnarikuripoe Cornelio iriuanerã ĩgũ aãrĩrĩ wii makãpuro: “¿Simõya wii noógue aãrĩrĩ?” arĩ sêrêñarã ejañurã.

18 Irogue eja, iri wii marãrê: “¿Õõta aãrĩrĩ, Simón Pedro wãikũgũ?” arĩ oeñurã.

19 Pedro ĩgũ ĩãdeare gũñagũ iriyupu dapa. ĩgũ irire gũnaripoe Õãgũ deyomarĩgũ ĩgũrê:

—Ĩãka! Ūma urerã amarã yama murê.

20 Murĩgora dijapurumuka! “¿Naásũ waarokuri yure?” arĩ, neõ gũnarikuro marĩrõ ĩgũsã merã waaka! Yu ĩgũsarê iriuabu murê, arĩyupu Pedrore.

21 ĩgũ irasũ arĩmakũ pégu, Pedro dija, ĩgũsarê:

—Yuta aãrã musã amagú. ¿Nasirĩã aarari? arĩyupu.

22 ĩgũsã ĩgũrê arĩñurã:

—Surara opu Cornelio wãikũgũ gũare iriuami. ĩgũ õarĩrê irigu, Marĩpure goepeyari merã buremugũ aãrĩmi. Aãrĩpererã judío masaka ĩgũrê: “Õãgũ aãrĩmi”, arĩ ĩãma. Sugu Marĩpure wereboegu murê ĩgũya wiigüe waadoregu siiudoreayupu. Mu ĩgũ puro waamakũ, mu wererire pégukumi. Irasirĩã murê siiurã aarĩã iriabu, arĩñurã.

23 ĩgũsã irasũ arĩmakũ pégu, Pedro: “Ñajãrika! Õõ kãrĩka dapagã ñamirê!” arĩyupu. Gajinu gapu ĩgũsã merã waakõãyupu. Gajirãde Jope marã Jesúre buremurã ĩgũsã merã wapikũwãgãñurã.

24 Gajinu gapu Cesareaguere ejañurã. Cornelio gapu, ĩgũyarãrê, ĩgũ merãmarãdere ĩgũya wiigüe siiu neõ, Pedrore yúyupu.

25 Pedro ïgũya wii ejamakũ, Cornelio makãpurogue bokatĩrĩgũ wiria, ñadukũpuri merã ejamejãyupũ ïgũrẽ buremugũ.

26 ïgũ irasirimakũ ïã, Pedro gapũ ïgũrẽ tũãwãgũnú:

—Wãgãnũgãka! Yũde mũ irirosũta masakũ ããrã, ãrĩyupũ.

27 ïgũya wiigüe weretamu ñajãrã, Pedro wãrã masaka irogue nerẽanerãrẽ bokajayupũ.

28 Irasũ bokajagũ, ïgũsãrẽ ãrĩyupũ:

—Gũa judío masaka ããrĩrã, judío masaka ããrĩmerãya wiiriguere ñajãrã, Moisés guare pídeare tarinũgãbukoa. Mũsã irire õãrõ masĩa. Marĩpũ gapũ gaji bumarãrẽ: “Ñerã ããrĩma”, ãrĩdorebirami yũre.

29 Irasirigũ mũ iriuanerã yũre siiurimakũ, “Waabea”, ãrĩrõ marĩrõ mata aarabũ. Dapagora yũ õõgüe ejasĩa, mũsãrẽ: “¿Nasiribu yũre siiuari?” ãrĩ sërẽñadũakoa, ãrĩyupũ.

30 Cornelio ïgũrẽ ãrĩyupũ:

—Wapikũrinũ taria i horanota tres ããrĩmakũ, i wii yũ bere, Marĩpũre sërẽripoe gũñaña marĩrõ sugũ ãmũ surĩro bũro goseriñe sãñagũ deyoa:

31 “Cornelio, Marĩpũ mũ sërẽrĩrẽ pémi. Mũ bo-porãrẽ iritamurĩdere ïãmi”, ãrĩmi yũre.

32 “Mũyarã ãmarẽ iriuka, Jopegue Simón Pedro wãikũgũre siiudoregũ. ïgũ gajigũ Simón wãikũgũ waimurã gasirire ãmugũya wiigüe wãdiya tũro ããrĩrĩ wiigüe ããrĩmi. ïgũ mũ pũro ejagũ, mũrẽ weregũkumi”, ãrĩ weremi yũre.

33 Irasirigũ mata yaarã ãmarẽ mũrẽ siiudoregũ iriubũ. Irasirigũ mũ gũa pũro õãrõ aarayo. Marĩ ããrĩpererã õõrẽ Marĩpũ ïũrõ ããrã. Irasirirã

ããrĩpereri mũrẽ Marĩpũ weredorerire mũ guare weremakũ pẽdũakoa, ãrĩyupũ Cornelio Pedrore.

Pedro Cornelioya wii ããrĩrãrẽ weredea

34 Ìgũ irasũ ãrĩmakũ pégũ, Pedro ãsũ ãrĩ werenũgãyupũ Ìgũsãrẽ:

—Yũ dapagoragueta pẽmasĩa. Diayeta ããrã. Marĩpũ marĩ ããrĩpererãrẽ surosũ Ìãmi.

35 Irasirigũ ããrĩpereri bumarã Ìgũrẽ bũremũ, õãrĩrẽ irirãnorẽ Ìãbẽobirikumi.

36 Marĩpũ Ìgũya kerere judío masakare pídi ããrĩmí. “Jesucristo merã siñajãrĩ bokarãkuma”, ãrĩdi ããrĩmí. Ìgũta ããrĩpererã Opũ ããrĩmi.

37 ããrĩpereri gũa judío masaka ããrĩrĩ nikũgue waadeare õãrõ masĩkoa mũsã. Juan masakare bue, Ìgũsãrẽ deko merã wãiyemi. Ìgũ irasiriadero pũrũ, Jesús Galileague buenũgãmi.

38 Idere masĩkoa mũsã. Ìrĩ Jesús Nazaretmũrẽ Marĩpũ Õãgũ deyomarĩgũ merã Ìgũrẽ turarire sĩdi ããrĩmí. Marĩpũ Ìgũ merã ããrĩnikõãdi ããrĩmí. Irasirigũ Jesús masakare õãrĩrẽ irigorenami. Noó Ìgũ waaró ããrĩpererã wãtĩ doreri irirãrẽ taumi.

39 Gũa judío masaka ããrĩrĩ nikũgue Jerusalẽguedere ããrĩpereri Ìgũ irideare Ìãbũ. Iroque Ìgũrẽ curusague pábiatú wějẽma.

40 Ìgũsã wějẽkeremakũ, urenũ waaró merã Marĩpũ gapũ Ìgũrẽ masũkõãdi ããrĩmí. Ìgũrẽ masũ, pũrũ guare deyoamakũ irimi, Ìgũ dupaturi okarire masĩburo, ãrĩgũ.

41 Jesús ããrĩpererã masakare deyoabiridi ããrĩmí. Gũa ditare deyoami. Ìgũ deyoamakũ, gũa Ìgũ

merã baa, iirĩbũ. Iripoegueta Marĩpũ gũare beyedi ããrĩmĩ, Jesúre ĩgũ masũadire ĩãmurãrẽ.

42 Marĩpũ Jesúreta masaka ããrĩpererã okarãrẽ, boanerãdere: “Õãrãrẽ taugũkoa, ñerã gapũre wajamoãgũkoa!” ãrĩ beyebure pídi ããrĩmĩ. Irire masakare weredoremi gũare Jesús.

43 ããrĩpererã Jesúre bũremurãrẽ Marĩpũ ĩgũsã ñerõ irideare kãtigũkumi, ãrĩrĩrẽ gojanerã ããrĩmã ããrĩpererã Marĩpũya kerere weredupiyunerã, ãrĩ wereyupũ Pedro Cornelioya wii nerẽanerãrẽ.

Judío masaka ããrĩmerãde Õãgũ deyomarĩgũrẽ opamũgãdea

44 Pedro werenĩrĩrẽ pérãguere Õãgũ deyomarĩgũ dijijayupũ.

45-46 ĩgũ ejadero pũrũ, ĩgũsã gajirã ya merã werenĩmasĩbirideare werenĩnũgã, usũyari merã Marĩpũre: “Õãtarigũ ããrã mũ”, ãrĩ bũremuñurã. ĩgũsã irasũ ãrĩmakũ pérã, Pedro merã iroque ejanerã judío masaka Jesúre bũremurã pégũkakõãñurã. “Marĩpũ Õãgũ deyomarĩgũrẽ iriumi judío masaka ããrĩmerãdere”, ãrĩñurã.

47 Irasirigũ Pedro ĩgũ merãmarãrẽ ãrĩyupũ:

—Marĩpũ Õãgũ deyomarĩgũrẽ marĩ judío masakare iriuderosũta ĩsãdere iriumi. Irasirirã ĩgũsã Õãgũ deyomarĩgũrẽ opamakũ ĩãrã, marĩ ĩgũsãrẽ deko merã wãiyebirikõãrã, ãrĩmasĩña máa.

48 Irasirirã: “Mũsã Jesucristore bũremurã ĩgũyarã ããrã”, ãrĩ wãiyeka ĩgũsãrẽ! ãrĩ wereyupũ Pedro ĩgũ merãmarãrẽ.

Ĩgũsãrẽ wãiyeadero pũrũ, Pedrosãrẽ: “Yoaweyarĩpoe dujaka gũa merã dapa!” ãrĩñurã.

11

Pedro Jerusalén marãrẽ Jesúre b̄remurãrẽ were-dea

¹ Jesús buedoreḡu beyenerã, gajirã ìgũrẽ b̄remurã Judeague ããrĩrã: “Judío masaka ããrĩmerãde Marĩp̄yare b̄remuma”, ãrĩrĩ kerere péñurã.

² Pedro Cesareague ããrãdi Jerusalẽgue dujajamakũ ìãrã, iro marã judío masaka Jesúre b̄remurã ìgũrẽ ãsũ ãrĩ werew̄uã, s̄erẽñañurã:

³ —¿Nasiriḡu judío masak̄u ããrĩkereḡu, judío masaka ããrĩmerãya wiiḡue ñajãa, ìgũsã merã baáari?

⁴ Ìgũsã irasũ ãrĩmakũ, Pedro ããrĩpereri ìgũrẽ iroguẽ waadeare ãsũ ãrĩ wereyup̄u:

⁵ —Ȳu Jopegue ããrĩḡú, Marĩp̄ure s̄erẽripoe k̄erõ irirosũ waab̄u ȳure. Ëm̄ugasiḡue suñe suríro irirosũ deyori gasiro wapik̄uri t̄rori s̄hadea gasiro miẽ, ȳu p̄ro dijarimakũ ìãb̄u.

⁶ Ȳu iri gasiro poekaguere: “¿Ñeéno ããrĩrĩ?” ãrĩ, õãrõ ìãḡũ, ããrĩpererã waim̄urã: paárã, makãnúu marã, yebague s̄ìḡuwãḡarã, wúrã sãñamakũ ìãb̄u.

⁷ Ȳu ìgũsãrẽ ìãníripoe Marĩp̄u ȳure: “Pedro, wãgãnugãka! Ìgũsãrẽ wẽjẽ baaka!” ãrĩmakũ péb̄u.

⁸ Ȳu gap̄u ìgũrẽ ȳujub̄u: “Baabea ȳu Op̄u. Gajirã waim̄urã ḡua judío masaka baaya marĩrã ããrĩma. Neõ suñarõ ìgũsãnorẽ baañabi ããrĩkub̄u”, ãrĩb̄u ìgũrẽ.

⁹ Ȳu irasũ ãrĩmakũ, Marĩp̄u ãm̄ugasiḡue ããrĩḡú dupaturi ãrĩmi doja: “Ȳu baadorerãrẽ: ‘Baaya marĩrã ããrĩma’”, ãrĩbirikõaka! ãrĩmi ȳure.

10 Ɔrea ĩgũ irire ĩmuadero puru, iri gasirore aãrĩpererã merã ãmugasigue ãimãrĩãkõãmi doja.

11 Irasiriripoeta ɯrerã ãma Cesarea marã yũre siiudorerã iriuanerã yũ aãrĩrĩ wiiguere ejama.

12 Õãgũ deyomarĩgũ yũre: “ ĩgũsã judío masaka aãrĩmerã merã waabea’, ãrĩ gũñabita waaka!” ãrĩmi. Irasirigu yũ Jope marã Jesúre bũremurã su mojõma pere gaji mojõ suru pẽrẽbejarã merã waa, Cesareaguere eja, gũa aãrĩpererã Cornelioya wiigüe ñajãbu.

13 Gũa iro ñajãjamakũ, Cornelio gũare: “Sugu Marĩpũre wereboegu yaa wii ñajãjamakũ ĩãbu. ĩgũ yũre: ‘Jopegue ãma mũyarãrẽ iriuka, Simón Pedro wãikũgũre siiudoregũ!’ ãrĩmi”, ãrĩ weremi.

14 “ ĩgũ mũrẽ Marĩpũyare weremakũ bũremugũ, mũ, mũyarã aãrĩpererã õãrõ tarirãkoa. Ɔmugasiguere Marĩpũ merã õãrõ ɯsũyari bokarãkoa’, ãrĩ weremi yũre Marĩpũre wereboegu”, ãrĩmi Cornelio.

15 Irasirigu yũ ĩgũsãrẽ werenũgãripoe Õãgũ deyomarĩgũ marĩrẽ neõgora ĩgũ dijjaderosũta ĩgũsãguere dijjami.

16 Irasirimakũ ĩãgũ, Jesús ãrĩdeare gũñabokabu. ãsũta ãrĩmi: “Juan mũsãrẽ deko merã wãiyedi aãrĩmĩ. Yũ gapũ mũsãrẽ Õãgũ deyomarĩgũ merã wãiyegũkoa, ĩgũ mũsã merã aãrĩnĩkõãburo, ãrĩgũ”.

17 Marĩpũ marĩrẽ iriuderosũta Õãgũ deyomarĩgũrẽ iriumi, judío masaka aãrĩmerãdere, marĩ Opũ Jesucristore ĩgũsã bũremumakũ. ĩgũ irasirimakũ ĩãgũ, Marĩpũre: “Irasiribirikõãka ĩgũsãrẽ!” ãrĩmasĩbiribu yũ, ãrĩ wereyupu Pedro iro aãrĩrãrẽ.

18 Īgũ wereadero pũru, toeperea:

—Marĩpũ judío masaka ããrĩmerãdere Īgũsã ñerõ irideare bũjawere, piridoremi, Īgũsãde ãmũgasigue Īgũ merã õãrõ usũyari bokaburo, ãrĩgũ, ãrĩ, usũyari sĩñurã Marĩpũre.

Antioquía marã Jesúre bũremudea

19 Estebãrẽ wẽjẽadero pũru, Jesúre bũremurãrẽ ñerõ iriñurã. Irasirirã surãyeri Feniciague, gajirã Chipre nũgũrõgue, gajirã Antioquíague duriwãgãñurã. Īgũsã irogue ejarã, Jesúya kerere wereñurã judío masaka ditare.

20 Surãyeri Jesúre bũremurã Chipre marã, Cirene marã ããrĩñurã. Īgũsã Antioquíague eja, judío masaka ããrĩmerãrẽ Jesúya kerere wereñurã. “Jesús, marĩrẽ taugũ, ããrĩpererã Opũ ããrĩmi”, ãrĩ wereñurã Īgũsãrẽ.

21 Marĩpũ irasũ ãrĩ wererãrẽ õãrõ iritamuyupũ. Irasirirã Īgũsã weremakũ pérã, iro marã wárã Jesúre bũremunũgãñurã. Īgũsã dupiyuro bũremudeare pirikõãñurã.

22 “Īgũsãde Jesúre bũremuma”, ãrĩrĩ kerere pérã, Jerusalén marã Jesúre bũremurã Bernabé Antioquíague iriũñurã: “¿Naásũ waáari?” ãrĩ ĩãgũ waaka!” ãrĩrã.

23 Irasirigũ irogue eja, Marĩpũ Īgũsãrẽ Īgũ iritamuadeare ĩã, bũro usũyari merã:

—Marĩ Opũ Jesúre õãrõ bũremuníka! Īgũrẽ bũremurĩrẽ neõ piribirikõãka! ãrĩ wereyupũ Īgũsãrẽ.

24 Bernabé Ōãgũ deyomarĩgũrẽ opatarigũ, õãgũ, Jesúre õãrõ bũremugũ ããrĩyupũ. Irasirirã Īgũ were-makũ pérã, wárã masaka Jesúre bũremuñurã.

25 Puru Bernabé Antioquíague aãrãdi Saulore Tarsogue aãrĩgúrẽ amagú waayuru.

26 Īgūrẽ bokaja, ĩgūsã pērãgueta Antioquíague goedujaja, Jesúre bremurã merã su bojorigora iri makãguere aãrĩñurã. Iroguere wãrã masakare Jesúyare bueñurã. Iripoe merãta iro marãrẽ Jesúre bremurãrẽ: “Cristoyarã, Cristiano aãrĩma”, aĩ wãiyepuroriñurã.

27 Bernabé, Saulo merã Antioquíague aãrĩripoe gajirã Jerusalén marã Marĩpaya kerere weredupiyurã iroguere waañurã.

28 Sugũ ĩgūsã merã, Agabo wãĩkũgũ aãrĩyuru. Īgũ irogue eja, Ōãgũ deyomarĩgũ masĩrĩ sĩrĩ merã iro marãrẽ:

—Aãrĩpereroguere masaka haboarãkuma, aĩ wereyuru ĩgūsãrẽ. Claudio wãĩkũgũ romano marã opu ñajãdero puru Agabo ĩgũ aĩrĩdea waayuro.

29 Īgũ irasũ aĩmakũ pãrã, Antioquia marã Jesúre bremurã asũ aĩrĩñurã:

—Marĩ Judeague aãrĩrãrẽ Jesúre bremurãrẽ marĩ niyeru oparire, marĩ sĩrõ bokatĩũrõ iriurã! aĩrĩñurã.

30 Irasirirã niyeru neeõ, Bernabé, Saulo merã: “Jesús buedoregũ beyenerãrẽ iritamurãrẽ wiaka!” aĩ iriũñurã.

12

Santiago wẽjẽdea, Pedrore peresu iridea

1 Iripoere Herodes wãĩkũgũ Judea marã opu, surãyeri Jesúre bremurã Jerusalẽgue aãrĩrãrẽ ñerõ irinũgãyuru.

2 Irasirigũ ĩgũyarã surarare Santiagore Juan tĩgũrẽ sareri majĩ merã wějẽdoreyurũ.

3 ĩgũrẽ wějẽmakũ ĩãrã, judío masaka usũyañurã. Herodes ĩgũsã usũyamakũ ĩãgũ, Pedrore ñeãdore, peresu iriyurũ. Irasiriripoe pã wemasãrĩ morẽña marĩrĩ baari bosenu pascua bosenu ããrĩyuro.

4 ĩgũrẽ peresu iriadero purũ, wapikuri bu surarare gorawayu koredoreyurũ. ĩri buriku wapikurã dita ããrĩñurã. “Pascua bosenu purũ, ãĩwiugũra masaka ĩũrõgue ĩgũrẽ wějẽdorebu”, ãrĩ gũñadiyurũ Herodes.

5 Irasirirã Pedrore surara õãrõ koreníkõãñurã. ĩgũ irogue ããrĩripoe Jesũre burẽmurã gapũ Marĩpũre burõ sërẽbosaníkõãñurã.

Marĩpũ Pedrore peresugue ããrĩgũrẽ taudea

6 Herodes Pedrore masaka ĩũrõgue ĩgũrẽ ãĩwiuburi ñamirẽ pẽrã surara watopegue peda kõmeda merã sũasũadi kãrĩyurũ. Gajirã surara pẽrã makãpũro wiriarore koreñurã.

7 ããrĩpererã kãrĩripoe gũñaña marĩrõ sugũ Marĩpũre wereboegũ Pedro ããrĩrĩ taribugue deyoayurũ. Irasiriro iri taribu poekague õãrõ boyosiriakõãyuro. Marĩpũre wereboegũ Pedroya dukare tũkare, ĩgũrẽ yobeyurũ.

—Murĩgora wãgãnũgãka! ãrĩyurũ. ĩgũ irasũ ãrĩmakũta, Pedroya mojõrĩrẽ ĩgũsã kõmedari sũadea kuradijakõãyuro.

8 Marĩpũre wereboegũ ĩgũrẽ:

—Yũjũtũka! Mũya gubu surĩre sãñaka! ãrĩyurũ.

Ĩgũ irasũ ãrĩmakũ pẽgũ, yũjũtũ, ĩgũya gubu surĩre sãñayurũ. ĩgũ sãña odomakũ, ãrĩyurũ doja:

—Wekamañe surírore sãñaka! Náka, yu merã! ãrĩyupu.

⁹ Īgũ irasũ ãrĩmakũ pégu, Pedro ĩgũrẽ tɔyawiriayupu. “¿Diyeta Marĩpũre wereboegu yũre ãiwiriagu irikuri? Gajĩpoe irigu kẽgũ iribukoa”, ãrĩ gũñayupu.

¹⁰ Marĩpũre wereboegu, Pedro merã surara korerã ããrĩpũrorirãrẽ tari, pũru gajirãrẽ tari, iri wii ñajãpũroriri kũme makãpũrogue ejañurã. Iro ĩgũsã ejamakũ, iri makãpũro basi tũpãkõãyuro. Iri makãpũrore tariwiria, yoawayaro waa, Marĩpũre wereboegu dederiakõãyupu. Pedro suguta dujayupu pama.

¹¹ Marĩpũre wereboegu dederiadero pũru, Pedro ĩgũrẽ waadeare õãrõ pémasĩ:

—Diyeta Marĩpũ yũre wijatadoregu, ĩgũrẽ wereboegure iriuañumi Herodes yũre ñerõ iribirikõãburo, ãrĩgũ, gaji ããrĩpereri judío masaka yũre ñerõ iridũarire kãmutadoregu, ãrĩ gũñayupu.

¹² Irire gũñawãgã, Maríaya wiigüe ejayupu. Igo, Juan Marcos wãĩkũgu pago ããrĩyupo. Iri wiiguere masaka wãrã nerẽ, Marĩpũre sërẽbosarã iriñurã ĩgũrẽ.

¹³ Iroguue ejagu, Pedro iri wii tũro ñajãri makãpũrore doteyupu. Īgũ dotemakũ pégo, sugo Rode wãĩkũgo iri wii marãrẽ moãboego: “¿Noã ããrĩrĩ?” ãrĩ ĩãgõ waayupo.

¹⁴ Īgũ werenírĩrẽ pémasĩ, makãpũrore tũpãbeota usũyari merã ũmañajãa, iro nerẽanerãrẽ: “Pedro makãpũro ããrĩgũ kárinami”, ãrĩ wereyupo.

¹⁵ Igo irasũ ãrĩmakũ pérã, igore: “Mu irasũ ãrĩmoãmakõãgõ yãa”, ãrĩ, igo wererire

buremubiriñurã.

Igo gapu Ìgūsārē: “Diayeta ārã yu”, ārīyupo.

“Iro merē Pedroya yujupūrã āārīkoa”, ārīñurã.

¹⁶ Pedro gapu makāpurore dotegu iriyupu dapa. Irasirimakū waa, iri makāpurore tūpā, Ìgū iro nímakū Ìārã, gukakōāñurã.

¹⁷ Ìgū gapu Ìgūya mojō merã irikeo, Ìgūsārē toedoreyupu. Puru wiigue ñajāja, Ìgū peresu āārīgūrē Marīpu Ìgūrē āiwiriadeare wereyupu Ìgūsārē:

—Irire wereka, Santiagore, gajirã Jesúre buremurārē! ārī were odo, gajirogue waakōāyupu.

¹⁸ Puru boyoripoe peresu korerã Pedro marīmakū Ìārã: “¿Naásū waāayuri?” ārī gāme gaguiniñurã Ìgūsã basi.

¹⁹ Irasirigu Herodes Ìgūyarã surarare Pedrore āmadoreyupu. Ìgūsã bokabirimakū Ìāgū, Pedrore koreadinerārē buro sērēña, Ìgūsã yujubirimakū, Ìgūsārē wējēdoreyupu. Puru Judeare wiri, Cesareague āārīgú waayupu Herodes.

Herodes boadea

²⁰ Iripoere Herodes Tiro, Sidón wāikuri makārī marã merã buro guayupu. Iri makārī marã baari, Herodeya nikū marã duadea āārīyuro. Irasirirã, Ìgū guamakū Ìārã: “Guare baari duabiribukumi”, ārī, Ìgū purogue irire āmurã waañurã. Irogue eja, Herodeya wii koregu Blasto wāikugure: “Iritamuka guare!” ārīñurã. Ìgū: “Jáu”, ārīmakū pérã: “Herodere wereníbosaka, Ìgū guã merã guanemo-birikōāburo, ārīgū!” ārīñurã Ìgūrē.

²¹ Irasirigu Herodes Ìgūsã merã wereníduarinu ejamakū, opu sãñarī suríre sãña, masaka Ìūrō opu doarogue doa, Ìgūsārē wereníyupu.

22 Īgũ irasũ werenímakũ pérã, masaka gaguiniñurã:

—Ī òõ werenígũ masakũ ããrĩbemi. Ɔmugasigue marã Opũ ããrĩmi, ãrĩñurã.

23 Īgũsã irasũ ãrĩmakũ pégu, Herodes Īgũsãrẽ: “Masakuta ããrã yũ”, ãrĩbiryupũ. Irasirigu Marĩpũre bũremubiri waja, mata Marĩpũre wereboegu Herodere pũrĩrikũmakũ iriyupũ. Irasirigu Herodes beka baaweasũ boakõayupũ.

24 Iri irasũ waadero pũrũ, Jesúre bũremurã Marĩpũya kerere ããrĩpererogue weregoreñañurã. Wárã masaka irire péñurã.

25 Bernabé, Saulo merã Jerusalégue gajirã Jesúre bũremurãrẽ iritamu odo, Antioquíague gãme dujáañurã. Juan Marcos wãikũgude Īgũsã merã waayupũ.

13

Bernabé, Saulo merã Jesúya kerere buenũgãdea

1 Antioquíague Jesúre bũremurã watopegue surãyeri Marĩpũya kerere weredupiyurã, gajirã masakare buerimasã ããrĩñurã. Bernabé Īgũsã merãmũ ããrĩyupũ. Gajigu Simón wãikũgu ããrĩyupũ. Īgũrẽta masaka: “Ñígũ” ãrĩ wãiyeyñurã. Gajigu Lucio wãikũgu Cirenemũ ããrĩyupũ. Gajigu Manaén wãikũgu, Herodes Galilea marã opũ dagũ merã suro merã masãdi ããrĩyupũ. Gajigu Saulo ããrĩyupũ.

2 Sunũ Īgũsã bere, Marĩpũre sērēripoe Ōãgũ dey-omarĩgũ Īgũsãrẽ wereyupũ:

—Bernabé, Saulore beyepíka! Īgũsã yure moãboemurã, yũ beyesũnerã ããrĩma, ãrĩyupũ.

³ Īgũ irasũ ãrĩmakũ pérã, ĩgũsã bere, Marĩpure sērē odo, ĩgũsãya dipure ñapeo, seretu iriuñurã.

Bernabé, Saulo merã Chipre marãrē buedea

⁴ Pũrũ Bernabé, Saulo merã Ōãgũ deyomarĩgũ ĩgũsãrē iriuderosũta Seleucia wãĩkũri makãgue waa, irogue eja, doódiru merã Chipre wãĩkũri nũgũrõgue waañurã.

⁵ Iri nũgũrõma makã Salamina wãĩkũri makãrē eja, judío masaka nerērĩ wiirigue Marĩpũya kerere wereñurã. Juan Marcode ĩgũsãrē iritamugorenayurũ.

⁶ Pũrũ iri nũgũrõrē tariwerewãgã, Pafos wãĩkũri makãgue ejañurã. Irogue ejarã, sugũ judío masakure yé ããrĩgũrē bokajañurã. Īgũ Barjesús wãĩkũgũ ããrĩyurũ. Griego ya merã Elimas wãĩkũyurũ. Iri makã marãrē: “Ŭmugasigue marã Opũya kerere weredupiyurimasũ ããrã yũ”, ãrĩkatogorenayurũ.

⁷ Sergio Paulo wãĩkũgũ merãmũ ããrĩyurũ. Sergio Paulo iri nũgũrõ marã opũ, wári masĩgũ ããrĩyurũ. Īgũ Marĩpũya kerere pẽdũagũ, Bernabé, Saulore siudoreyurũ.

⁸ Irasirirã ĩgũsã ĩgũ pũrogue wererã waañurã. Elimas, yé ããrĩgũ gapũ Sergio Paulo Jesúre bũremumakũ gããmebiriyurũ. Irasirigũ ĩgũsã wererire kãmutadũadiyurũ.

⁹ Irasirimakũ, Saulo Ōãgũ deyomarĩgũrē opatarigũ, ĩgũrē bũro ĩãyurũ. Saulota, “Pablo” wãĩkũyurũ.

¹⁰ Āsũ ãrĩyurũ:

—M_u ārīkatorikug_u, ñegũ, āārīpereri òārõ iririre kām_utad_ug_u, wātī irirosũ āārã. Marī Op_uya di-ayemarē gorawayud_ug_u āārã.

¹¹ M_u irasiriri waja marī Op_u murē wajamoāg_uk_umi. Irasirig_u m_u koye iābi dujag_ukoa. Marī Op_u murē wajamoārōpa abe gosesiririre iābirikoa, ārīyup_u Pablo ĩgūrē. ĩgũ irasũ ārīrī merāta ĩgūrē naītīākōāyuro. Neō koye iābi dujayup_u. Irasirig_u ĩgūrē tũāwāgābure āmayup_u.

¹² ĩgũ irasũ waamakũ iāgũ, Sergio Paulo marī Op_u Jesúya buerire pég_ukakōāyup_u. Irasirig_u Jesúre buremuyup_u.

Pablo, Bernabé merã Pisidia nikũma makã Antioquia wāĩkuri makãgue ejadea

¹³ P_ur_u Pablo ĩgũ merāmarã merã Pafogue āārānerã wiri taribuja, Perge wāĩkuri makãgue ejañurã. Iri makã Panfilia wāĩkuri nikũgue āārīyuro. ĩgūsã Pergegue ejamakũ, Juan Marcos gap_u ĩgūsārē iro pí, Jerusalégue gāme dujáakōāyup_u doja.

¹⁴ P_ur_u Pergegue āārānerã gaji makã Antioquia wāĩkuri makãgue waañurã. Iri makã Pisidia wāĩkuri nikũgue āārīyuro. Irogue eja, judío masaka siñajārīn_u* āārīmakũ ĩgūsã nerērī wiigue† ñajāa, doañurã.

¹⁵ Iri wii marã oparã Moisés gojadeare, Marīp_uya kerere weredupiyunerã gojadeare bueadero p_ur_u, Pedrosārē siiu:

* **13:14** Judío masaka siñajārīn_u, sábado āārã. † **13:14** Judío masaka nerērī wii, sinagoga wāĩkuri wii āārã. Irogue ĩgūsã siñajārīn_u āārīmakũ nerē, Marīp_uya werenīrī gojadea pūrē buenama.

—Guaŋarā, masakare wereduarā, wereka, ĩgūsārē ōārō āārīrikuburo, ārīrā! ārīñurā.

¹⁶ ĩgūsā irasū ārīmakū pégu, Pablo wāgānugā, ĩgūya mojō merā irikeo, ĩgūsārē wereyupu:

—Musā Israel bumarā, gajirā ĩgūsā irirosū Marīpuŋe bremurā, ōō āārīrā, yu wererire ōārō péka!

¹⁷ Marīpu, gua judío masaka Israel bumarā bremugū, gua ñekūsāmarārē beyedi āārīmi. Irasirigu iripoegue ĩgūsā Egiptogue āārīrārē wārā masāporemakū iridi āārīmi. Puŋu iri nikūgue āārīrārē ĩgū turaro merā āāwiridi āārīmi.

¹⁸ ĩgūsā Egiptore wiridero puŋu, cuarenta bojorigora masaka marīrōgue waagorenanerā āārīmá. Irogue ĩgūsā ĩgū dorerire tarinugākeremakū, Marīpu ĩgūsārē ōārō koredi āārīmi.

¹⁹ Puŋu ĩgūsā Canaán nikūgue ejamakū, iri nikū marārē su mojōma pere gaji mojō peru pērēbejari buri marārē Marīpu béosīā, gua ñekūsāmarārē pídi āārīmi iro āārīdoregu.

²⁰ Marīpu ĩgūsārē iri nikūgue pídero puŋu, cuatrocientos cincuenta bojorigora āārīnerā āārīmá. ĩgūsā irogue āārīmakū, Marīpu ĩgūsārē doremurārē pídi āārīmi. ĩgūsā Samuel wāikugu Marīpuya kerere weredupiyudi ĩgū āārīnugāripoegue doretūnunerā āārīmá.

²¹ Gua ñekūsāmarā Samuere: “Sugu gua opu gāāmekoa”, ārī sērēmakū pégu, Marīpu ĩgūsā opu āārībure Saúre pídi āārīmi. Saúl, Cis wāikugu magū, Benjamīya bumu āārīdi āārīmi. ĩgū cuarenta bojorigora ĩgūsā opu āārīdi āārīmi.

22 Puru Marĩpu Saúre Israel bumarã opu ããrĩrĩrẽ béo, David wãikugure ĩgũsã opu ããrĩbure pídi ããrĩmí. ãsũ ãrĩdi ããrĩmí ĩgũrẽ: “Davire Isaí magũrẽ bokabu. Buro usuyáa ĩgũ merã. ããrĩpereri yu gããmerĩrẽ irigukumi”, ãrĩdi ããrĩmí.

23 “Sugu David parãmi ããrĩturiagu, musãrẽ Israel bumarãrẽ taugu aarigukumi”, ãrĩ weredi ããrĩmí Marĩpu gua ñekũsãmarãrẽ. Irasirigu ĩgũ ãrĩderosũta Jesúre iriudi ããrĩmí.

24 Jesús masakare buenugãburi dupiyuro Juan ããrĩpererã Israel bumarãrẽ: “Musã ñerõ irideare bujawere, musã gũñarĩrẽ gorawayuka! Musã irasirimakũ ĩãgũ, musãrẽ deko merã wãiyegukoa”, ãrĩ buedi ããrĩmí.

25 ĩgũ buetũnuburi dupiyuro ĩgũsãrẽ ãrĩdi ããrĩmí: “Musã yure: ‘Gũare taugu ããrĩmí’, ãrĩ gũñadãa. ããrĩbea yu. Yu puru gajigu aarigukumi. Yu gapu ubu ããrĩgũ, ĩgũrẽ neõ sũropebirikoa”, ãrĩdi ããrĩmí.

26 Yaarã, Abraham parãmerã ããrĩturiarã, gajirã ĩgũsã irirosũ Marĩpũre buremurã õõ ããrĩrãde õãrõ péka! Marĩpu marĩrẽ: “Taugura”, ãrĩ kere iriudi ããrĩmí.

27 Jerusalén marã, ĩgũsã oparãde Jesús marĩrẽ taugure ĩãmasĩbirinerã ããrĩmã. Siñajãrĩnrĩku Marĩpũya kerere weredupiyunerã gojadeare bukererã, neõ pémasĩbirinerã ããrĩmã. Pémasĩbirisã, Jesúre wējedorerã, Marĩpũya werenĩrĩ gojadea pũgue ãrĩderosũta irinerã ããrĩmã.

28 Jesús ĩgũ ñerõ irideare bokabirikererã, Pilatore: “Wējeka ĩgũrẽ!” ãrĩ sērẽñurã.

29 Irasirirã iripoegue Marĩpũya kerere weredupiyunerã gojadea pũgue ãrĩderosũta Jesúre

ããrĩpererire iri odo, ãgũrẽ curusague boadire ãĩdiyu, masãgobe ãtãyegue mádea gobegue pínerã ããrĩmá.

³⁰ ãgũrẽ wẽjẽkeremakũ, Marĩpu gapu boadiguere masũdi ããrĩmí.

³¹ ãgũ masãdero puru, wárinurĩ deyoadi ããrĩmí ãgũ merãmarãrẽ. Dupiyurogue ãgũsã ãgũ merã Galileague wiri, Jerusalẽgue wapikugorenarã waanerã ããrĩmá. Dapagorare ãĩsãta ãgũ masãdire ããnerã, ãgũyare werema guayarãrẽ.

³²⁻³³ 'Irasirirã yu, yu merãmu Bernabé musãrẽ Jesúya kerere wererã aaribú. Iripoegue Marĩpu ãgũ Jesús merã õãrõ iriburire weredi ããrĩmí guã ñekũsãmarãrẽ. ãgũ ãrĩderosũta guare ãgũsã parãmerã ããrĩturiarãrẽ irasiridi ããrĩmí Jesúre boadiguere masũgũ. Salmos wãĩkuri gojadea pũgue ãsũ ãrĩ gojasũdero ããrĩbú: “Yu magũ ããrã mu. Dapagã murẽ masãmakũ yáa”, ãrĩdi ããrĩmí Marĩpu.

³⁴ Gaji pũgue Marĩpu ãsũ ãrĩdi ããrĩmí, Jesúre boadiguere masũburire, ãgũ dupu boabiriburire: “Iripoegue yu Davire: ‘Õãrõ irigura’, ãrĩderosũta murẽ irigũkoa”, ãrĩdi ããrĩmí.

³⁵ Gaji Salmos pũ David ãgũ gojadea pũgue ãsũ ãrĩ gojadi ããrĩmí: “Mu dorerire õãrõ iridiya dupure neõ boadorebirikoa”, ãrĩ gojadi ããrĩmí.

³⁶ Diayeta werea. David okagu, Marĩpu gããmederosũta ãgũ ããrĩdeapoe marãrẽ iritamuníkõadi ããrĩmí. ãgũ boadero puru, ãgũ ñekũsãmarã darãrẽ yáaderogueta gajirã ãgũrẽ yáanerã ããrĩmá. ãgũrẽ yáadero puru, ãgũya dupu boakõayuro.

³⁷ Jesús Marĩpu masũdiya dupu gapu neõ boabiridero ããrĩbú.

38-39 Mũsã ããrĩpererã Jesúya kerere yũ were-makũ, õãrõ péka! Ígũ merã marĩ ñerõ irideare kãtiri bokarãkoa. Ígũrẽ buremurãnorẽ Ígũsã ñerõ irideare Marĩpũ kãtigũkumi. Moisés doreri iriri merã neõ kãtiri bokabirikoa.

40 Irasirirã mũsã dapagora marã õãrõ pémasĩka! Mũsã õãrõ pémasĩbirimakũ, iripoegue marã Marĩpũya kerere weredupiyunerã gojaderosũta mũsãdere waarokoa.

41 Āsũ arĩ gojanerã ããrĩmã Marĩpũya werenĩrĩ gojadea pũgue:

Õãrõ péka, yũre buridarimasã! Mũsã okarinũrĩrẽ mũsãrẽ gajino burõ goerire ĩmugũra. Gajirã mũsãrẽ irire weremakũ pékererã, buremubirikoa. Irasirirã mũsã buremubiridea waja béosũrãkoa, arĩ gojanerã ããrĩmã,✧

arĩ wereyupũ Pablo Antioquía marãrẽ.

42 Pablosã irire were odo, wiriamakũ, judío masaka ããrĩmerã iri wiigue nerẽanerã Ígũsãrẽ:

—Gaji siñajãrĩnũ ããrĩmakũ, gũare irireta weren-emoka doja! arĩ sãrẽñurã.

43 Irasirirã iri wii nerẽanerã wiriamakũ, wãrã judío masaka, judío masaka irirosũ buremurãde Pablosã wererire buremusiã, Ígũsãrẽ tũyañurã. Irasirirã Pablosã Ígũsãrẽ: “Marĩpũ mũsãrẽ burõ maĩrĩ merã ĩãgũrẽ buremurĩrẽ neõ piribirikõãka!” arĩñurã.

44 Gaji semana siñajãrĩnũ ããrĩmakũ, wãrã iri makã marã Marĩpũya kerere pémurã iri wiigue nerẽñurã doja.

✧ 13:41 Hab 1.5

45 Īgūsā wārā nerēmakū ĩārā, judío masaka Pablore buro ĩāturiñurā. Irasirirā ñerō wereníř merā Pablo wererire: “Diaye āārībea”, āřĩñurā.

46 Īgūsā irasū āřĩmakū pérā, Pablo, Bernabé güiro marĩrō merā ĩgūsārē āřĩñurā:

—Marĩp̄ dorederosũta ḡua m̄sārē judío masakare ĩḡuya kerere werer̄oriadab̄u. M̄sā gap̄u irire neō gāāmebea. Marĩp̄ p̄ro perebiri okari opaburidere gāāmebea. Irasirirā ḡua judío masaka āārĩmerā gap̄ure iri kerere wererākoa.

47 Āsũta doredi āārĩmĩ Marĩp̄ ĩḡuya wereníř gojadea p̄guere:

M̄sārē judío masaka āārĩmerārē yaa kerere were-doreḡu p̄ĩḡukoa. Irasiriḡu ĩḡūsārē āārĩpererā i nikū marā m̄sā irire weremakū pérānorē tauḡukoa perebiri peamegue waabonerārē, āřĩdi āārĩmĩ Marĩp̄, āřĩ wereñurā.✠

48 Īgūsā irasū āřĩmakū pérā, judío masaka āārĩmerā buro us̄uyari merā: “Marĩp̄uya kere gap̄u ōārĩ āārā”, āřĩñurā. Irasirirā Marĩp̄ beyesũnerā, ĩḡu p̄roogue perebiri okari ĩḡu s̄ĩsũmurā, Jesúre b̄remuñurā.

49 Irasirirā Marĩp̄yare āārĩpererogue iri nikū marārē weregoreñañurā.

50 Irasirimakū ĩārā, surāyeri judío masaka Pablosārē ñerō wereníñurā. Īgūsā wererire pérā, gajirā wáro niyeru oparā judío masaka iririk̄arire b̄remurā nome Pablosā merā guañurā. Iri makā marā oparāde ĩgūsā merā guañurā. Irasirirā ĩgūsārē ñerō irinugā, ĩgūsāya nikūrē béowiukōñurā.

✠ 13:47 Is 49.6

⁵¹ Irasirirã Pablo, Bernabé ĩgũsãya gubu surĩre tuadea nikũwerare mojẽbéoñurã, iri makã marã ĩgũsã ñerĩ iriri waja ĩmurã. Irasiri odo, Iconiogoue waakõãñurã.

⁵² ĩgũsã waakeremakũ, Jesúre bũremurã gapũ irogue ããrĩrã Oãgũ deyomarĩgũrẽ opatari, bũro mũyari merã dujañurã.

14

Pablo, Bernabé merã Iconiogoue ejadea

¹ Pablo, Bernabé merã Iconiogoue eja, judío masaka nerẽrĩ wiigue ñajãa, Jesúya kerere wereñurã. ĩgũsã weremakũ pérã, judío masaka, gajirã judío masaka ããrĩmerãde wárã Jesúre bũremunũgãñurã.

² Judío masaka Jesúyare péduamerã gapũ, Jesúre bũremurãrẽ ñerõ werenĩñurã. Judío masaka ããrĩmerãrẽ, Jesúre bũremurã merã guamakũ iriñurã. Irasirirã judío masaka ããrĩmerã Jesúre bũremurãrẽ ñerõ gũñañurã.

³ ĩgũsã irasũ gũñamakũ ĩãrã, Pablosã gapũ yoaripoe irore duja, gũiro marĩrõ merã: “Marĩpu masakare bũro maĩrĩ merã ĩãmi”, ãrĩ bueñurã. ĩgũsã buemakũ, Marĩpu ĩgũyare: “Diayeta buema”, ãrĩgũ, ĩgũ turaro merã iri ĩmurĩrẽ ĩgũsã irimakũ iritamuyupu.

⁴ Irasirirã iri makã marã dukawariñurã. Surãyeri judío masaka buerire gããmerã, gajirã Pablosã buerire gããmerã dujañurã.

⁵ Jesúya kerere gããmemerã: judío masaka, judío masaka ããrĩmerãde, oparã merã nerẽ, Pablosãrẽ ñerõ ãrĩ, ãtãyeri merã dea wẽjẽduañurã.

6-7 Īgūsā irasū wējēduarire pérā, Pablo, Bernabé merā Licaonia nikūgue duriwāgāñurā. Irogue eja, iro marārē Jesúya kerere buegoreñañurā. Īgūsā irasū buegorenarā, iri nikū āārīrī makārī Listra, Derbe wāikuri makārīgue ejañurā.

Listrague Pablöre ătāyeri merā deadea

8 Listrague eja, sugū neō deyoagūgueta waa-masībiridire iro doagure bokajañurā.

9 Irasirigū irogue doagū, Pablo buemakū péyupū. Īgū pémakū, Pablo su diayeta ĩāyupū ĩgūrē. “Ī Jesúre bñremumi. ‘Īgū yure taumasīmi’, ārī gūñakumi”, ārī gūñayupū Pablo ĩgūrē ĩāgū.

10 Irasirigū turaro merā:

—Wāgāñugāka! ārīyupū ĩgūrē.

Īgū irasū ārīmakū pégu, pariwāgāñugā waayupū.

11 Pablo ĩgūrē irasirimakū ĩārā, Licaonia marā ĩgūsā ya merā āsū ārī gaguinīñurā:

—Marī bñremurā ũmarōgue āārānerā ũma irirosū deyorā marī pñrogue dijajama, ārī gaguinīñurā.

12 Irasirirā Bernabére: “Marī bñremurā opu Zeus wāikugū āārīmi”, ārī wāīyeñurā. Pablo gapure ĩgūsārē werepñroridi āārīmakū: “Marī bñremugū Hermes wāikugū āārīmi”, ārī wāīyeñurā.

13 Iri makā ñajārō turo Zeure bñremurī wii āārīyuro. Sugū paí iri wiire koregū wekñare, goori ĩgū āmuadeare āīwāgāyupū. Īgū, iro marā merā wekñare wējē soepeodñadiyupū Pablosārē bñremudñagu.

14 Īgūsā irasū iridumamakū ĩārā, Pablosā ĩgūsāya surire yegue, iro āārĩrā watopegue ũmawāgā, āsū ārĩ gaguinĩñurā:

15 –Musā guare, ¿nasirimurā irasū yāri? Guade masā irirosūta masaka āārā. Gua musārē Marĩpuya kerere āsū ārĩ wererā aaribú. Keori weadeare béokōāka! Marĩpũ okagu gapure buremuka! Īgūta ũmugasi, i nikū, dia, āārĩpererā i ũmugue āārĩrārē iridi āārĩmi.

16 Iripoegue āārĩpereri buri marārē ĩgūsā gāāmerō irimakū kāmūtābiridi āārĩmĩ.

17 Masaka ĩgūrē buremubirikeremakū, marĩrē ōārō irigu, ĩgū ōārō āārĩrikurire ĩmumi āārĩpererārē. Irasirigu deko merēmakū yāmi. Marĩ oterire dukakumakū yāmi marĩ baaburire sīgū. Irasirigu usuyari merā āārĩmakū yāmi marĩrē, ārĩñurā Pablosā ĩgūsārē.

18 Īgūsā irasū ārĩmakū pékererā, Pablosārē buremudarā, wekware wējē soepeoduadiñurā dapa. Pablosā gapu ĩgūsārē: “Iropata irika! Iririre pirikōāka!” ārĩmakū pérā, irire pirikōāñurā pama.

19 Pũrũ gajirā judío masaka, Antioquía marā, Iconio marāde Listrague ejañurā. Irogu ejarā, Pablora ñerō werenĩñurā. Īgūsā irasū ārĩmakū pérā, iro marāde ĩgū merā gua, ĩgūrē ũtāyeri merā deañurā. Dea odo: “Īĩ kōmoakōāmi”, ārĩ, iri makā turogue tūāwāgā meépibéokōāñurā.

20 Īgūsā irasirikeremakū, Jesure buremurā gapu ĩgū puro nerējañurā. Īgūsā nerējamakū, wāgānugā, ĩgūsā merā makāgue dujáakōāyupu doja. Gajinu gapu Bernabé merā Derbegue waayupu.

21 Irogue eja, Jesúya kerere wereñurã. Ìgūsã weremakũ pérã, wárã iro marã Jesúre b̄remuñurã. Irire were odo, Listrague goedujáañurã. Iro eja, Iconiogue waañurã. P̄r̄r̄ Pisidiana makã Antioquíague ejañurã.

22 Iri makãr̄igue weregorenarã, Jesúre b̄remurãr̄e òãr̄ò ããr̄irik̄makũ iriñurã. “Jesúre b̄remur̄ir̄e neõ piribirik̄òãka! Mar̄ip̄r̄ Ìḡuyarãr̄e doreroguere waad̄uarã, òõguere wári poyari merã ããr̄ir̄ãkoa”, ãr̄i bueñurã Ìḡusãr̄e.

23 P̄r̄r̄ iri makãr̄ik̄ marãr̄e Jesúre b̄remurãr̄e iritamumurãr̄e beyeñurã. Beye odo, bere, ãsũ ãr̄i s̄er̄eñurã Mar̄ip̄r̄e Ìḡusã b̄remuḡr̄e:

—Ḡar̄ Op̄r̄, Ìisã m̄uyarãr̄e iritamuka! ãr̄iñurã.

Pablo, Bernabé merã Siria nikũma makã Antioquíague dujáadea

24 Ìḡusã Pisidia nikũgue weregorenadero p̄r̄r̄, Panfilia nikũgue ejañurã.

25 Iri nikũma makã Pergere Mar̄ip̄r̄ya kerere were odoadero p̄r̄r̄, Atalia wãik̄ari makãgue waañurã.

26 Iri makã ããr̄ãnerã Antioquíague dujárã, doódiru merã waañurã. Iripoegue iri makã marã Jesúre b̄remurã Pablosãr̄e iriup̄rorirã, Mar̄ip̄r̄e Ìḡusãya ããr̄iburire ãsũ ãr̄i s̄er̄ebosanerã ããr̄imã: “Ḡar̄p̄r̄, m̄u maĩr̄i merã Ìisãr̄e m̄uyare buegorenamakũ, òãr̄ò koreka!” ãr̄i s̄er̄enerã ããr̄imã. Irasirirã Pablo, Bernabé merã Ìḡusã buedoreadeare buepeo, iri makãr̄e goeñurã doja.

27 Irasirirã iri makãr̄e goejarã, gajirã Jesúre b̄remurã merã ner̄e, ããr̄ipereri Ìḡusã Mar̄ip̄r̄ turari merã iriadeare, Mar̄ip̄r̄ judío masaka

ããrĩmerãdere Jesúre b̄remumakũ iriadeare wereñurã ãgũsãrẽ.

²⁸ Yoaripoe iroguere Jesúre b̄remurã merã ããrĩñurã.

15

Jerusalẽgue Jesúre b̄remurã nerẽdea

¹ Pablo, Bernabé Antioquíague ããrĩripoe gajirã Judea nikũ marã iroguere eja, Jesúre b̄remurãrẽ ãsũ ãrĩ buenugãñurã.

—Moisés dorederosũta ããrĩpererã musãya d̄p̄ma gasirogãrẽ wiiribirimakũ, Marĩp̄a musãrẽ taubirikumi, ãrĩñurã.

² ãgũsã irire ãrĩmakũ pérã, Pablosã ãgũsã merã b̄ro gãme guaseoñurã. Irasirirã Antioquía marã Jesúre b̄remurã Pablore, Bernabé, gajirã iro marãdere Jerusalẽgue waamurãrẽ beyeñurã. ãsũ ãrĩñurã: “Jerusalẽgue waaka! Jesús buedoreḡu beyenerãrẽ, ãgũsãrẽ iritamurãdere: ‘Judea marã buerire diayeta ããrĩrĩ?’ ãrĩ s̄rẽñarã waaka!” ãrĩ iriũñurã.

³ Irasirirã Jesúre b̄remurã ãgũsãrẽ iriudero p̄u, Pablo, Bernabé merã Fenicia nikũ waa, p̄u Samaria nikũrẽ tariwãgã, judío masaka ããrĩmerã ãgũsã ñekũsãmarã b̄remunadeare piri, Marĩp̄ya gap̄re b̄remunugãrĩ kerere wererã iriñurã Jesúre b̄remurãrẽ. Irire pérã, ããrĩpererã b̄ro us̄yañurã.

⁴ Pablosã Jerusalẽgue ejamakũ ããrã, Jesúre b̄remurã, Jesús buedoreḡu beyenerã, ãgũsãrẽ iritamurãde õãrõ us̄yari merã bokatĩrĩñurã. Irasirirã Pablo, Bernabé merã ããrĩpereri ãgũsã Marĩp̄a turari merã irideare wereñurã.

5 Iroguere surāyeri fariseo bumarā Jesúre b̄remurā āārīñurā. Pablosā weremakū pékererā, ĩgūsā gap̄ wāgānugā, āsū ārīñurā:

—Judío masaka āārīmerā Jesúre b̄remurā, ĩgūsāya dup̄ma gasirogārē wiiriburo. “Moisés doredeare irika musāde!” ārīrō gāāmea ĩgūsārē, ārīñurā.

6 ĩgūsā irasū ārīmakū pé, Jesús buedoreḡ beyenerā, gajirā ĩgūsārē iritamurā nerē, irire āmuduarā wereníñurā.

7 ĩgūsā yoaripoe wereníadero p̄r̄, Pedro wāgānugā, wereyup̄ ĩgūsārē:

—Yaarā, ōārō péka ȳre! Iripoegue, ȳ musā merā āārīgūrē Marīp̄ beyedi āārīmí, ȳre ĩgūya kerere judío masaka āārīmerārē weredoreḡ. Irasiriḡ ĩgū masakare tauri kerere werea, Jesúre b̄remuburo, ārīgū.

8 Marīp̄ āārīpererā gūñarīrē masīgū, judío masaka āārīmerārē Jesúre b̄remurārē: “Yaarā āārīma”, ārī ĩmubu, ĩgūsādere Ōāgū deyomarīgūrē iriumi marīrē iriuderosūta.

9 Irasiriḡ marīrē ĩgūsā merā surosū ĩāmi. ĩgūsā Jesúre b̄remumakū, ĩgūsādere ĩgūsā gūñarīgue ōārō āārīrik̄makū yāmi.

10 Marīp̄ Moisére doreri pídeare marī ñekūsāmarā bokatīūbirinerā āārīmá. Marīde ĩgūsā irirosū bokatīūbirikererā, ¿nasirimurā Jesúre b̄remurārē judío masaka āārīmerārē irire iridorebukuri? ¿Nasirimurā Marīp̄ judío masaka āārīmerārē ĩgūyarā āārīmakū iririre: “Iro āārībea”, ārī gūñabukuri?

11 Āsū gap̄ gūñarō gāāmea. Marī Op̄ Jesús marīrē maĩrī merā, Marīp̄ marīrē taumi. Irasiriḡ

marĩrẽ taurosũta judío masaka ããrĩmerãdere taumi, ãrĩyurũ Pedro ĩgũsãrẽ.

12 ĩgũ irasũ ãrĩmakũ pérã, ããrĩpererã toepereakõãñurã. Irasirirã Pablo, Bernabé merã judío masaka ããrĩmerã watopegue Marĩpũ turari merã ĩgũsã iri ĩmudeare weremakũ õãrõ péñurã.

13 ĩgũsã irire were odoadero pũũ, Santiagode wereyurũ:

—Yaarã, péka yũre!

14 Marĩpũ judío masaka ããrĩmerãrẽ ĩgũyarã ããrĩnũgãmakũ neõ irideare weresiami Simón Pedro musãrẽ.

15 Marĩpũya kerere weredupiyunerã werederosũta waabũ judío masaka ããrĩmerãrẽ. Marĩpũya werenĩrĩ gojadea pũgue ãsũ ãrĩ gojanerã ããrĩmã ĩgũ ãrĩdeare gojarã:

16 Pũũ Daviya bumarã ĩgũsã oparã ããrĩdea pereadero pũũgue dupaturĩ ĩgũ parãmi ããrĩturiagũre ĩgũsã Opũ sóogũra doja. Irasirigu ĩgũyarãrẽ ĩgũsã õãrõ ããrĩrikũmakũ irigũkoa.

17-18 Irasirirã ããrĩpererã judío masaka ããrĩmerã yũ beyenerã, yũre ĩgũsã Opũre bũremurãkuma, ãrĩmi Marĩpũ masakare irire masĩdoregu, ãrĩ gojanerã ããrĩmã.✧

19 'Irasirigu ãsũ gũñãa yũ. Judío masaka ããrĩmerãrẽ Jesũre bũremunũgãrãrẽ wãri: “Ãsũ irika!” ãrĩ garibobirikõãrõ gããmea marĩrẽ.

20 Irasirirã marĩ ĩgũsãrẽ ãsũ ãrĩ gojarã: “Keori weadea pũro baari pídeare baabirikõãka! Nome merã ñerõ iribirikõãka! Nomedede ãma merã ñerõ

✧ 15:17-18 Am 9.11-12

iribirikōōka! Waimurā wánugū biu wějēanerāya díkuri díre baabirikōōka! Díre iiríbirikōōka!” āri gojarā!

²¹ Iripoegueta marī nerērī wiirigue siñajārīnarikꞰ MarīꞰꞰ Moisére doreri pídeare masaka buema. Irasirirā āārīpereri makārī marā iri dorerire masíkuma. Irasirirā yꞰ ārādea ditare gojarā! āriyꞰꞰ Santiago ĩgūsārē.

Judío masaka āārīmerārē gojadea

²² Irasirirā Jesús buedoregꞰ beyenerā, ĩgūsārē iritamurā, gajirā āārīpererā Jesúre bꞰremurā merā Santiago ārādeare: “Irasūta irirā!” āri, ĩgūsā merāmarā pērārē beyeñurā Antioquíague Pablo, Bernabé merā waamurārē. Irasirirā Judare, Silare beyeñurā. Judata, “Barsabás” wāikꞰyꞰꞰ. ĩgūsā Jesúre bꞰremurā watopegue āārīrā oparā irirosū āārīrā āārīñurā.

²³ PꞰꞰ ĩgūsā gojadea pūrē ĩgūsā merā iriuñurā. Āsū āri gojañurā:

GꞰa, Jesús buedoregꞰ beyenerā, gꞰare iritamurā, gajirā Jesúre bꞰremurā ōōgue āārīrā ōādorea mꞰsārē.

Āārīpererā judío masaka āārīmerā Antioquíague, Siriague, Ciliciague āārīrārē Jesúre bꞰremurārē ōādorea.

²⁴ Gajirā gꞰa merāmarā mꞰsā pꞰroque ejarā, mꞰsārē garibogoreñañurā. MꞰsāya dꞰꞰꞰma gasirogārē wiiridore: “Āārīpereri Moisés doredeare irika!” āriğoreñañurā. GꞰa gapꞰ ĩgūsārē irire: “Buerā waaka!” ārībiradibꞰ.

25 Irasirirã gũa ããrĩpererã nerẽ, gũa merãmarã Judas, Silas wãikũrãrẽ beyeabũ mũsã pũroguẽ iriumurã. Ìgũsã marĩ maĩrã Pablo, Bernabé merã waarãkuma.

26 Masaka Pablosãrẽta Jesucristo marĩ Opũya kerere gũiro marĩrõ merã buemakũ wẽjẽboyaunanerã ããrĩmã. MÉRõgã tarinerã ããrĩmã.

27 Judasã mũsã pũroguẽ ejarã, gũa gojadeare wererãkuma.

28 Õãgũ deyomarĩgũ gũare gũñarĩ sĩrõsũta: “Gaji dorerire píbirikoa mũsãrẽ”, ãrĩ gũñãa. Irasirirã i doreri ditare pírákoa:

29 “Keori weadea pũro baari pídeare baabirikõãka! Díre iirĩbirikõãka! Waimũrã wãnugũ biu wẽjẽanerãya díkũri díre baabirikõãka! Nome merã ñerõ iribirikõãka! Nomedẽ ãma merã ñerõ iribirikõãka!” I gũa dorerire irirã, õãrĩrẽ irirãkoa mũsã. Iropata ããrã mũsãrẽ gũa weredũari, ãrĩ gojañurã Jesúre bũremurã Jerusalẽgue ããrĩrã.

30 Iri pũrẽ goja odo, Pablosãrẽ: “Õãrõ waaka!” ãrĩ seretuñurã. Pũrũ Pablosã Antioquíague waañurã. Iroguẽ eja, Jesúre bũremurãrẽ siiu needõ, iri pũrẽ wiañurã.

31 Iri pũrẽ bue odo, õãrĩ Ìgũsã were gojadeare ããrã, bũro ɯsũyañurã.

32 Judas, Silas merã Marĩpũya kerere weredupiyurã ããrĩñurã. Irasirirã Jesúre bũremurãrẽ Marĩpũ Ìgũsãrẽ weredoredeare wereñurã. Ìgũsã weremakũ pérã, Jesúre bũremurã gapũ ɯsũya, õãrõ gũñaturari merã dujañurã.

33 Judas iroguere yoaweyaripoe ããrĩ: “Dujáagu yãa”, ãrĩ seretuyupũ iro marãrẽ. Irasũ ãrĩmakũ

pé: “Ōārō waaka! Buro siñajārĩ merã dujáaka Jerusalégue. Ōãburo iro marã, mäsãrẽ iriuanerã”, ãrĩ dujuñurã. Īgūsã irasũ ãrãdero paru, Judas, gajirã merã Jerusalégue dujáakõãyurũ doja.

³⁴ Silas gapũ: “Ōõgue dujagura”, ãrĩ gũñasĩã, Antioquíague dujakõãyurũ dapa.

³⁵ Pablo, Bernabé merã yoaweyaripoe iroguere dujañurã. Irasirirã wárã gajirã merã iro marãrẽ bue, marĩ Opũ Jesúya kerere weregoreñañurã.

Dupaturi Pablo Jesúya kerere buegorenagũ waadea

³⁶ Mérõgã parũ Pablo Bernabére wereyurũ:

—Náka, ããrĩpereri makãrĩ marĩ Opũ Jesúya kerere marĩ buegorenadea makãrĩ marãrẽ: “¿Naásũ ããrĩrikari?” ãrĩ, ããgorenarã! ãrĩyurũ.

³⁷ Īgũ irasũ ãrĩmakũ pégu, Bernabé gapũ Juan Marcote ããadũadiyurũ.

³⁸ Dupiyurogue Juan Marcos Īgūsã merã Panfiliague ããrĩgũ, Īgūsã moãrĩrẽ bokatĩũbiridea waja Pablo dupaturi Īgũrẽ ããadũabiriyurũ. Irasirigũ Bernabére: “Īgũrẽ ããabirimakũdere õãrokoa”, ãrĩyurũ.

³⁹ Irasirirã Īgūsã basi irire burõ gãme guaseo, dukawariakõãñurã. Irasirigũ Bernabé gapũ Juan Marcote ããayurũ, doódiru merã Chipre nugũrõgue waagũ.

⁴⁰ Pablode Silare beyeyurũ Īgũ merã waabure. Īgūsã buerã waaburi dupiyuro Jesúre burẽmurã Īgūsãrẽ: “Marĩ Opũ mäsãrẽ maĩgũ õãrõ koreburo”, ãrĩ sãrẽbosa, iriũñurã.

41 Irasirirã Siria nikũ, Cilicia nikũdere tariwãgã, Jesúre b̄remurãrẽ ãgũyare bue, õãrõ gũñaturamakũ iriñurã ãgũsãrẽ.

16

Timoteo, Pablo, Silasãrẽ wapikũwãgãdea

1 P̄rũ Pablo, Silas merã Derbegue, Listrague ejañurã. Irogue ejarã, Timoteore Jesúre b̄remugũrẽ bokajañurã. ãgũ pagode Jesúre b̄remugõ, judío masako ããrĩyuro. Pagũ gapũ griego masakũ ããrĩyurũ.

2 Jesúre b̄remurã Lистра marã, Iconio marãde Timoteore: “Õãgũ ããrĩmi”, ãrĩ ããñurã.

3 Irasirigũ Pablo Timoteore ãgũrẽ wapikũbure ããadũayurũ. Judío masaka iri nikũ marã gapũ Timoteo pagũ griego masakũ ããrĩrẽ masĩñurã. Irasirigũ Pablo ãgũsã merã guamakũ iridũabi, Timoteoya d̄rũma gasirogãrẽ wiiriyurũ judío masaka irinarõsũ irigũ.

4 P̄rũ Pablo, Timoteo merã waa, ãgũsã gojadea pũmarẽ Jesúre b̄remurãrẽ ãgũsã ejari makãrĩ marãrẽ wereñurã. Iri pũ Jerusalẽgue Jesús bue-doregũ beyenerã, ãgũsãrẽ iritamurã: “Ãsũ irika!” ãrĩ gojadea pũ ããrĩyuro.

5 ãgũsã irire weremakũ pérã, Jesúre b̄remurã: “Jáũ”, ãrĩ, gũñaturari merã Jesúre b̄remunemoñurã. Gajirãde ãmũrikũ Jesúre b̄remubirinerã, b̄remunemowãgãñurã.

Pablo kërõgue irirosũ Macedoniamũrẽ ããdea

6-7 Puru Pablosã Asia nikũgue Jesúya kerere buerã waaduarãrẽ Õãgũ deyomarĩgũ waadorebiriypu. Irasirirã ĩgũsã Frigia nikũrẽ taria, Galacia nikũdere taria, Misia nikũ tãroque eja, Bitinia nikũgue waadũadiñurã. Õãgũ deyomarĩgũ gapu iroguedere waadorebiriypu.

8 Irasirirã Misia nikũ tãrore tariwãgã, Troas wãikuri makãgue buajañurã.

9 Iroque iri ñamirẽ Pablo kërõgue irirosũ sugu Macedonia nikũmu ĩgũ puro nímakũ ĩãyupu. “Guare Macedonia marãrẽ iritamugũ aarika!” ãrĩ siuyupu.

10 Pablo kërõ irirosũ waadeare guare weremakũ pérã: “Marĩpu iri nikũ marãrẽ ĩgũya kerere were-doregu iriugu irikumi marĩrẽ”, ãrĩ gũña, guayare ãmu, Macedoniague waakõãbũ. ((Yu Lucas i pũrẽ gojabude ĩgũsã merã waabũ.))

Pablo, Silas merã Filipogue waadea

11 Irasirirã Troague ããrãnerã doódiru merã Samotracia wãikuri nuãgũrõgue taribuja, gajinu gapu Neápoligue waabũ.

12 Iri makãrẽ taria, Filipino romano marãya makãgue ejabũ. Iri makãta Macedonia nikũma makãrĩrẽ doreri makã ããrĩbũ. Iroguere yoaweyaripoe ããrĩbũ.

13 Judío masaka siñajãrĩnu ããrĩmakũ, ĩgũsã Marĩpũre sërẽrã nerẽnarõrẽ ãmarã waarã, iri makã tãro, dia wekague waabũ. Iroque eja, iro nerẽanerã nomerẽ Jesúya kerere were doanĩbũ.

14 Iroguere sugo Tiatira wãikuri makãmo, Lidia wãikũgo õãrĩ surĩ diari surĩre duarimasõ ããrĩmó. Marĩpũre bũremugõ ããrĩmó. Irasirigu Marĩpu

igore Pablo wererire õārõ pémasĩrĩ merã pé b̄remumakũ irimi.

15 Irasirigu Pablo igore, igoya wii marã ãārĩpererãrẽ deko merã wãiyemi. Ĩgũ wãiyeadero p̄ru, ãsũ ãrĩmo:

—Musã yare: “Diayeta Jesúre b̄remugõ ãārĩmo”, ãrĩ gũñarã, yaa wiigüe dujaka! ãrĩmo ḡhare.

Igo irasũ ãrĩmakũ pérã, igoya wiigüe dujabu.

16 Sunu iro marã Marĩp̄re s̄er̄erã ner̄enarõgue dupaturi waarã, wãtĩ ñajãsũdeore bokajabu. Igo gajirãrẽ moãboego ãārĩmó. Irasirigo wãtĩ masĩrĩ s̄ĩrĩ merã masakare: “Ãsũ waarokoa musãrẽ”, ãrĩboka, wáro niyeru wajatabosamo igo oparãrẽ.

17 Igo ḡua noó waaró ḡua merã waagó, ãsũ ãrĩ gaguinĩmo:

—Ĩgũsã Marĩp̄u ãārĩpererãrẽ doregure moãboerimasã ãārĩma. Marĩp̄u marĩrẽ tauri kerere werema musãrẽ, ãrĩ gaguinĩmo.

18 Wárinurĩ ḡhare garibomakũ, Pablo gãmenugã, wãtĩ igoguere ãārĩgúrẽ ãsũ ãrĩmi:

—Jesucristo wãĩ merã, Ĩgũ turari merã m̄arẽ: “Igore iropata wirika!” ãrĩmi.

Ĩgũ irasũ ãrĩmakũta, wãtĩ igore wiriakõãmi.

19 Wãtĩ igore wiriadero p̄ru, masakare: “Ãsũ waarokoa”, ãrĩ weremasĩbiri, igo oparãrẽ niyeru wajatanemobosabirimo pama. Irasirirã, igo oparã gapu Pablo, Silare ñeã, iri makã marã oparã p̄rogue ãĩãma.

20 P̄ru weresãrĩrẽ beyerimasã p̄rogue ĩgũsãrẽ ãija, ãsũ ãrĩma:

—Ĩsã judío masaka ãārĩma. Marĩya makã marãrẽ gariborã yãma.

21 Īgūsā marĩrē buerā, marĩ romano marā iririkarire iridorebema. Irasirirā Īgūsā buerire gāāmebea. Īgūsā doreridere irimasībea, ārīma.

22 Īgūsā irasū ārīmakū pérā, masaka wārā iroque āārīrā Pablosā merā guama. Weresārīrē beyerimasā gapu Pablosāya surīre túweadore, yuku merā tārādorema.

23 Īgūsārē buro tārā odo, peresu irima. Īgūsārē korebure oārō ĩāduripídorema.

24 Irasirigu Īgūsārē koregu gapu iri wii dekoma taribugue Īgūsārē Īgūsāya guburire taboa majrīma goberigue suadobo, oārō biadobokōāyupu.

25 Puru ñami deko āārīmakū, Pablosā Marĩpore sērē, bayapeoñurā. Īgūsā irasū bayamakū, gajirā peresugue āārīrā péñurā.

26 Īgūsā bayaripoe gūñaña marĩrō nikū buro ñomeyuro. Irasiriro iri wiide buro gāmeña, suro merā āārĩpereri iri wiima makāpurori tūpāperekōāyuro. Peresugue āārīrārē Īgūsā kōmedari merā suadeadaride kurakōāyuro.

27 Irasū waamakū, Īgūsārē koregu yobe, iri wiima makāpurori toyomakū ĩāgū: “Peresu āārānerā duriwiriaperekōāñuma”, ārī gūñayupu. Irasirigu ĩgūya sareri majrē āĩ, ĩgū basi sareboarduagu iri-adiyupu.

28 ĩgū irasirimakū ĩāgū, Pablo ĩgūrē gaguiníyupu:
—Mu basi ñerō neō iribirikōāka! Āārĩperekōāa guā, ārīyupu.

29 ĩgū irasū ārīmakū pégu, sīāgodore, Pablosā puro ũmawāgā, ĩgūsāya guburi puro naradari merā ejamejāyupu.

30 Puru ĩgūsārē āĩwiu, āsū ārī sērēñayupu:

—¿Nasirigukuri, yu Marĩpu yure taumakũ gããmegũ?

³¹ Pablosã yujũñurã:

—Marĩ Opu Jesucristore bñremuka! Muya wii marãde ãgũrẽ bñremuburo. Musã ãgũrẽ bñremumakũ ããgũ, Marĩpu musãrẽ taugukumi, ãrĩñurã.

³² Irasũ ãrĩ odo, ãgũya wii marãdere Jesúya kerere wereñurã.

³³ Nami deko puru ãgũsãrẽ koreadi ãgũsãya kãmirẽ koeyupu. ãgũ koe odoadero puru, Pablosã ãgũrẽ, ãgũya wii marãdere deko merã wãiyenurã.

³⁴ ãgũsãrẽ wãiyeadero puru, Pablosãrẽ ãgũya wi-igüe ãã, baari enjoyupu. ãgũ, ãgũya wii marã merã Marĩpũre bñremusã, bũro usuyañurã.

³⁵ Boyoripoe oparã surarare iriũñurã, peresu wii koregure Pablosãrẽ wiudorerã.

³⁶ Iri wii koregu irire pẽgu, Pablosãrẽ ãrĩyupu:

—Oparã musãrẽ wiridoreañurã. Irasirirã gũiro marĩrõ usuyari merã wirika! ãrĩyupu.

³⁷ ãgũ irasũ ãrĩmakũ pẽgu, Pablo gapu ãrĩyupu surarare:

—Oparã gua ñerõ irideare bokabirikererã, masaka wárã ãũrõ guare tãrãdoreama. ãgũsã, gua romano marã ããrĩkeremakũ, tãrãdoreama. Pũru peresu iriama. ¿Dapague guare masaka ããbero wiudũari? ããrĩbea. ãgũsã basita wiurã aariburo guare, ãrĩyupu Pablo.

³⁸ ãgũ irasũ ãrĩmakũ pérã, surara Pablo ãrãdeare oparãrẽ wererã waañurã. Pablo, Silas romano marã ããrĩma, ãrĩrĩ kerere pérã, oparã gũigorañurã.

³⁹ Irasirirã Pablosã pũro ejarã, ãsũ ãrĩñurã:

—Kātika, gwa masārē peresu iriadeare! Irasū āri odo, ĩgūsārē peresugue āārānerārē wiu: “Gwaya makārē wirika!” āriñurā.

⁴⁰ Irasirirā Pablosā peresugue āārānerā wiria, Lidiaya wiigue waañurā. Irogue eja, Jesúre bremurā nerēanerārē bokajarā, ōārō gūñaturanemomakū iriñurā. Pwpu waakōañurā.

17

Tesalónica marā Pablo, Silas merā guadea

¹ Pablo, Silas merā waarā, Anfīpolire, Apoloniare taria, Tesalónicague ejañurā. Iri makāguere judío masaka nerērī wii āārīyuro.

² Irogue eja, Pablo iri wiigue waayupu ĩgū gaji makārīrē irinaderosūta. Ure semana judío masaka siñajārīnarī āārīmakū, iro marārē Marīpuyare wer-enayupu.

³ Āsū āri bueyupu:

—Marīpu iriudi, Cristo āārīmi. Marī ñerō iridea waja ñerō taridi āārīmí. ĩgū boadero pwpu, Marīpu gapu ĩgūrē masūdi āārīmí marī ōārō āārīburire. Ī Jesús yu āsū āri weregu, ĩgūta Cristo āārīmi marīrē taugu. Āsūta āri werea, Marīpuya kerere ĩgūsā gojadea pūguere, āri wereyupu.

⁴ ĩgū irasū ārīmakū pérā, surāyeri judío masaka ĩgū wererire: “Diayeta āārā”, āri bremuñurā. Irasirirā Pablosā merā waañurā. Gajirā wárā griego masaka Marīpure bremurīmasā, oparā nomede, Pablo wererire pérā, bremuñurā. Irasirirā ĩgūsāde ĩgūsā merā waañurā.

⁵ Gajirā judío masaka irasirimakū iārā, Pablosārē iāturi, wárā ñerā moāmerārē siiu needō:

“Pablo ĩgũ merãmarã merã ñerõ irigu yámi”, ãrĩ gaguinírã waaka i makã marãrẽ, ãrĩ iriuñurã. Irasũ ãrĩ gaguinírã, ããrĩpererã iri makã marãrẽ Pablosã merã guamakũ iriñurã. Irasirirã Jesúre buremugũ Jasón wãikuguya wiima makãpurore turaro merã tũãkoro, ñajãa, Pablosãrẽ ãmadiñurã masakaguere wiadũarã.

⁶ ĩgũsãrẽ bokabirisĩã, Jasõrẽ, gajirã Jesúre buremurãdere ñeã tũãwãgã, iri makã marã oparã pũroque ããa, iroque eja, gaguinĩñurã:

—Pablosã ããrĩpererogue masakare gariborã iriama. Dapagorare marĩya makãrẽ ejasiama.

⁷ ĩ ĩ Jasón ĩgũsãrẽ ĩgũya wiigüe ñajãdoreami. ĩĩsã ããrĩpereri marĩ romano marã opu dorerire tarinũgãma. “Gajigu musã Opu, Jesús wãikugu ããrĩmi”, ãrĩ buema masakare, ãrĩ gaguinĩñurã oparãrẽ.

⁸ ĩgũsã irasũ ãrĩ gaguinĩmakũ pérã, ããrĩpererã iri makã marã, ĩgũsã oparãde Pablosã merã guañurã. “¿Naásũ waáari?” ãrĩ gaguinĩsirikõãñurã.

⁹ Irasirirã oparã Jasõrẽ, ĩgũ merãmarãdere peresu waadoremerã: “Dupaturi Pablosãrẽ iritamubirikõãkal” ãrĩ, niyeru wajaridore, wiukõãñurã.

Pablo, Silas merã Bereague ejadea

¹⁰ Pũru iri ñamita Jesúre buremurã Pablosãrẽ Bereague iriukõãñurã. Iroque eja, judío masaka nererĩ wiigüe waañurã.

¹¹ Judío masaka Berea marã gapu Tesalónica marã nemorõ Jesúya kerere õãrõ péduãñurã. Irasirirã irire: “¿Diayeta ããrĩrĩ?” ãrĩ masĩdũarã,

ũmarikũ Marĩpũya werenĩrĩ gojadea pũmarẽ buenĩkõãñurã.

¹² Irasirirã wárã Jesúre bũremuñurã. Gajirã griego masakade, iri makã marã oparã nomede bũremuñurã.

¹³ Pablo, Berea marãrẽ Marĩpũyare wereri kerere pérã, Tesalónica marã judío masaka ejañurã. Irore eja, Berea marãrẽ kere ãrĩ, Pablosã merã guamakũ iriñurã.

¹⁴ Īgũsã irasirimakũ ĩãrã, Jesúre bũremurã Pablоре mumurõ merã dia wádiya tũroque iriũñurã. Īgũ merãmarã gapũ Silas, Timoteo merã Bereague dujañurã.

¹⁵ Pablоре ãiwãgãnerã Atenas wãĩkũri makãgue eja, ĩgũrẽ iroque pí, Bereague gãme dujáakõãñurã doja. Iroque duजारã, Pablo ĩgũ: “Murĩgora Silas, Timoteode õõgue aariburo”, ãrĩ kere iriuadeare wereñurã ĩgũsãrẽ.

Pablo Atenague ããrĩdea

¹⁶ Pablo Atenague Silas, Timoteore yũgũ, iri makã marã keori weadeare wári opamakũ ĩãgũ, bũro bujawereyupũ.

¹⁷ Irasirigũ judío masaka nerẽrĩ wiigue ĩgũsã merã werenĩgũ waayupũ. Iroguere gajirã judío masaka ããrĩmerã Marĩpũre bũremurã ããrĩñurã. Īgũsã merãdere werenĩyupũ. Ũmarikũ iri makã marã ĩgũ bokajarã merã werenĩyupũ.

¹⁸ Gajirã ũmade Epicúreos wãĩkũri bumarãyare buerimasã, gajirã Estoicos wãĩkũri bumarãyare buerimasã Pablo merã werenĩñurã. Īgũ were-makũ pérã, ãsũ ãrĩ gãme sërẽñañurã:

—¿Naásũ āĩ weredũagu yári, ñi iropa werenígũ? āĩñũrã.

Pablo Jesúyare, ĩgũ masã mũĩadeare weremakũ pérã, gajirã āsũ āĩñũrã:

—Gajiro marã ĩgũsã bũremurãyare weregu irikumi, āĩñũrã.

¹⁹ Irasirirã ĩgũsã nerērõ Areópago wãĩkurogue Pablõre āĩñũrã. Iroque āija, ĩgũrẽ āĩñũrã:

—Gũ maama bũeri mũ wererire masĩdũakoa.

²⁰ Mũ bũeri gajirosũ āārã. Irasirirã gũ: “¿Naásũ āĩdũaro yári iri?” āĩ masĩdũakoa, āĩñũrã Pablõre.

²¹ Āĩĩpererã Atenas marã, gajiro marã iri makã ejanerãde maama bũeri ditare werenídũañũrã.

²² Irasirigũ Pablo Areópagõgue ĩgũrẽ āĩjadero pũũ, wãgãnũgã, āsũ āĩ wereyupũ ĩgũsãrẽ:

—Keori weadeare mũsã āĩĩpererã õārõ bũremua. Irire masĩa yũ.

²³ I makã mũsãya makãrẽ naagorenagũ, mũsã bũremurõrẽ ĩãbũ. Sugũ mũsã bũremugũrẽ sĩdea soepeorogue gojatúdeadere ĩãbũ. “Ŭmũgasigũ marã Opũ marĩ masĩña marĩgũrẽ bũremurõ āārã”, āĩ gojatúdeare ĩãbũ. Mũsã ĩgũrẽ masĩbirikeremakũ, ĩgũrẽta werea yũ mũsãrẽ, āĩyupũ Pablo. Irasũ āĩrĩ odo, āĩnemoypũ doja:

²⁴ —Marĩpũ i ũmũrẽ āĩĩpereri iridi āārĩmĩ. Ŭmũgasi, i nikũ Opũ āārĩmĩ. Masaka iridea wiirire āārĩbemi.

²⁵ Marĩ iritamurĩrẽ gããmebemi. ĩgũ gapũ marĩrẽ iritamumi. Marĩ āārĩrikũrere, āārĩpereri gajinodere sĩmi. Okari opamakũ yámi. Yũjũãĩmakũ yámi marĩrẽ.

²⁶ ‘Marĩpũ sugũ ũmũũ merãta āĩĩpereri buri marã āārĩmakũ iridi āārĩmĩ, ĩgũsãrẽ i nikũ

ãārĩpererogue ãārĩburo, ãrĩgũ. “Õõpa yoaripoe okarãkuma ïgũsã ãārĩrõguere”, ãrĩ pídi ãārĩmí.

²⁷ Marĩpu: “Yũre ãmarã bokaburo”, ãrĩgũ, irasiridi ãārĩmí. ïgũrẽ marĩ bokaburo, ãrĩgũ, yoarogue ãārĩbemi. Marĩ merãta ãārĩmi.

²⁸ Marĩpu marĩrẽ ãārĩmakũ yámi. ïgũ marĩmakũ marĩbukuyo. Marĩ okari, marĩ irimasĩrĩ, marĩ ãārĩrikũrire sĩgũ ãārĩmi. Musã bayarire gojarimasãde ãsũ ãrĩ gojanerã ãārĩmá: “Marĩde ãmũgasigue marã Opũ pũrã ããrã”, ãrĩ gojanerã ãārĩmá.

²⁹ Irasirirã marĩ ïgũ pũrã ãārĩrã, keori masaka weadeare ïgũsã gũñarõ merã irideare: “Marĩpu irirosũ ãārĩmi”, ãrĩ gũñabirikõãrã! Marĩpu, masaka oro, plata, ãtãyeri merã keori weadea irirosũ ãārĩbemi.

³⁰ Marĩpu iripoegue marã ïgũrẽ masĩmerã ïgũrẽ bũremubirimakũ irasũ ïãkõãdi ãārĩmí. Irasirigũ, dapaguere pama marĩrẽ ãārĩpererã i nikũgue ãārĩrãrẽ: “Musã ñerõ irideare bujawereka! Musã gũñarĩrẽ gorawayuka!” ãrĩmi.

³¹ Pũrũ Marĩpu ãārĩpererã ñerãrẽ wajamoãrĩnũ ejamakũ, ïgũ beyedi Jesús merã ãārĩpererã i nikũgue ãārĩrãrẽ diayeta irigũkumi õãrãrẽ beye, ñerã gapũre béobu. Jesús boadero pũrũ, Marĩpu ïgũrẽ masũgũ, ïgũ beyedi ãārĩrĩrẽ ïmudi ãārĩmí ãārĩpererãrẽ, ãrĩ wereyupũ Pablo Atenas marãrẽ.

³² ïgũ Jesús boadigue masãdeare weremakũ pérã, gajirã ïgũrẽ ubu bũrikõãñurã. Gajirã gapũ:

—Dupaturi ire mũ weremakũ péduakoa doja, ãrĩñurã.

³³ Pablo ïgũsãrẽ piri waakõãyupũ.

34 Gajirã, ìgũ wererire pénomoduarã ìgũ merã waañurã. Irasirirã Jesúre b̄remunugãñurã. Ìgũsã merã sugũ Dionisio wãikũgũ Areópagogue oparã merã nerērĩmasũ ããrĩyupũ. Gajigo Dámaris wãikũgode gajirã merã Jesúre b̄remunugãyupo.

18

Pablo Corintogue ejadea

1 Pũrũ Pablo Atenague ããrãdi waa, Corinto wãikũri makãgue ejayupũ.

2 Irogue judío masakũ Aquila wãikũgũre Ponto nikũmurẽ bokajayupũ. Aquila, ìgũ marãpo Priscila merã Italia nikũgue ããrĩnerã ããrãdima. Ìgũsã irogue ããrĩripoe romano marã opũ Claudio wãikũgũ ããrĩpererã judío masakare Romarẽ wiridoremakũ, Aquila ìgũ marãpo merã Corintogue ejanerã ããrĩmã. Ìgũsã irogue ããrĩmakũ, Pablo ìgũsãrẽ ìãgũ waayupũ.

3 Ìgũde ìgũsã moãrikũrinorẽta moãgũ ããrĩyupũ. Irasirigũ dujakõãyupũ ìgũsã merã moãbu. Ìgũsã surí gasiri merã wiiri irirã ããrĩñurã.

4 Pablo, judío masaka siñajãrĩnũrikũ ìgũsã nerērĩ wiigue waa, judío masakare, judío masaka ããrĩmerãdere Jesúya kerere werenayupũ, ìgũsã iri kerere: “Diayeta ããrã”, ãrĩ gũñaburo, ãrĩgũ.

5 Timoteo, Silas merã Macedoniague ããrãnerã Pablo pãrogue ìgũsã ejadero pũrũ, Pablo surí gasiri merã wiiri moãrĩrẽ piri, ãmũrikũ judío masakare Jesúya kerere diaye ãrĩrĩ merã bueyupũ:

—Jesús ããrĩmi marĩ yoaripoe yúdi. Ìgũta Marĩpũ iriudi, Cristo ããrĩmi, ãrĩyupũ.

⁶ Īgũ irasũ āĩ buekeremakũ, judío masaka gapũ ĩgũrẽ péduabiriñurã. Irasirigũ ĩgũsã ñerõ werenĩrĩ merã ĩgũrẽ werewuamakũ pégu, Pablo ĩgũsãrẽ: “Buenemobirikoa”, āĩ ĩmugũ ĩgũya surĩre iroma nikũ tuadeare pásiri, āsũ āĩyupũ:

—Marĩpũ dorederosũta musãrẽ bueabu. Musã gapũ yũre péduabea. Irasirirã musã péduabiri waja perebiri peamegue waarãkoa. Irasirigũ yũ musãrẽ bueadeare pirigũkoa. Dapagorare judío masaka āārĩmerãrẽ buegu waagũra, āĩyupũ.

⁷ Irasũ āĩ, iri wiigue āārãdi wiria, Ticio Justo wãĩkũya wiigue waayupũ. ĩgũya wii judío masaka nerẽrĩ wii turo āārĩyuro. ĩgũ Marĩpũre bũremugũ āārĩyupũ.

⁸ Nerẽrĩ wii opũ Crispo wãĩkũgu, āārĩpererã ĩgũya wii marãde Jesúre bũremuñurã. Gajirã Corinto marãde wárã Jesúya kerere pérã, ĩgũrẽ bũremunũgãñurã. Irasirirã deko merã wãĩyesũñurã, ĩgũsã Jesúre bũremurĩrẽ ĩmurã.

⁹ Su ñami Pablore kërõgue irirosũ marĩ Opũ ĩgũrẽ āsũ āĩ wereyupũ:

—Güibirikõãka! Neõ piriyo marĩrõ yaa kerere bueníkõãka i makã marãrẽ!

¹⁰ Yũ, mũ merã āārã. Irasirirã masaka mũrẽ ñerõ irimasĩbema. I makãrẽ wárã yaarã āārĩma, āĩyupũ.

¹¹ Irasirigũ Pablo iro marã merã su bojori gaji bojori deko āārĩyupũ Marĩpũya kerere buegu.

¹² Iripoere romanomũ Galión wãĩkũgu Acaya nikũ marã opũ āārĩripoe judío masaka suro merã nerẽ, Pablore ñeã, Galión pũrogue āĩja,

¹³ āsũ ārĩñurã:

—Ĩi masakare: “Ăsũ gapu irika, Marĩpũre bũremurã!” ãrĩ buegu, i nikũma doreri gapure béodoremi, ãrĩñurã Galiõrẽ.

14 Ĩgũsã irasũ ãrĩmakũ, Pablo ĩgũsãrẽ werebu iriripoeta Galiõn gapu judío masakare ãrĩyupũ:

—Ĩgũ ñerõ iriadero puru tamerãrẽ yu péboakuyo musã judío masaka weresãrĩrẽ.

15 Musã dorerire tarinugãmakũ, musã basi ãmuka! Ire masĩbea yu. Irasirigu irire: “Irasũta irika!” ãrĩmasĩbirikoa, ãrĩyupũ.

16 Irasũ ãrĩgũta ĩgũyarã surarare Pablõre weresãrãrẽ béowiudoreyupũ.

17 Irasirimakũ ĩãrã, ããrĩpererã iri wii ããrĩã Sóstenẽrẽ judío masaka nerẽrĩ wii opure ñeã, Galiõn ĩũrõ páñurã. Ĩgũsã pámakũ ĩãgũ, Galiõn gapu: “Ĩgũsã gããmerõ iriburo”, ãrĩ ĩãkõãyupũ.

Pablo Antioquíague goedujãa, dupaturi buegore-nadea

18 Pablo Corintõgue yoaripoe ããrĩyupũ dapa. Puru Jesũre bũremurãrẽ: “Waagú yãa”, ãrĩ odo, doódiru merã Priscila, Aquila merã Siriana makãgue waakõãñurã. Ĩgũ doódiru merã waaburi dupiyuro Cencreague ããrĩgũ, Marĩpũre: “Ăsũ irigũra murẽ bũremugũ”, ãrĩderosũta ĩgũya poarire wũnapeokõãdoreyupũ.

19 Puru ĩgũsã merã waa, Efeso wãĩkũri makãgue eja, Priscila, Aquilare pĩkõã, judío masaka nerẽrĩ wiigue waayupũ. Iri wiigue eja, judío masaka iro nerẽanerã merã Marĩpũyare wereyupũ.

20 Īgũ irasũ weremakũ pérã, ĩgũrẽ: “Yoaripoe dujaka gũa merã!” ārãdiñurã. Īgũ gapũ: “Dujabea mũsã merã”,

21 ārĩgũta ĩgũsãrẽ seretuyupũ:

—Jerusalẽgue bosenu ĩãgũ waagũ yáa. Marĩpũ gããmepakũ dupaturi ĩãgũ dujaribukoa mũsãrẽ, ārĩyupũ.

Irasũ ārĩ odo, Efesogue ããrãdi doódiru merã waakõãyupũ.

22 Irasirigũ Cesareare tariwãgã, Jerusalẽgue eja, iro marã Jesúre bũremurãrẽ õãdoregũ ejayupũ. Pũũ Antioquiague waayupũ doja.

23 Irore yoaweyaripoe ããrĩ, pũũ Galaciama makãrĩgue Frigiama makãrĩrẽ dupaturi eja, iri makãrĩ marãrẽ Jesúre bũremurãrẽ bue, ĩgũsãrẽ õãrõ usũyari merã ããrĩrikũmakũ iriyupũ.

Apolos Efesogue buedea

24 Iripoere judío masakũ Apolos wãĩkũgũ, Alejandría wãĩkũri makãmũ Efesogue ejayupũ. Īgũ õãrõ weregũ, Marĩpũya werenĩrĩ gojadeare masĩgũ ããrĩyupũ.

25 Gajirã ĩgũrẽ marĩ Opũ Jesúya kerere weresianerã ããrĩmã. Irasirigũ usũyari merã Jesús irideare diaye ārĩrĩ merã wereyupũ. Irasirikeregũ, Juan masakare deko merã wãĩyedeadea ditare masĩyupũ.

26 Gũiro marĩrõ judío masaka nerẽrĩ wiigũ ããrĩrãrẽ buenũgãyupũ. Īgũ buerire péanerã Priscila, Aquila ĩgũsãya wiigũ ĩgũrẽ ãĩa, iroque õãrõ diaye ārĩrĩ merã wereñurã ĩgũ Marĩpũyare masĩbirire.

27 Pũũ Apolos Acayague waadũamakũ, Jesúre bũremurã ĩgũrẽ su pũ gojabosañurã. Irasirirã

Jesúre b̄remurārē Acayague āārīrārē: “Apolore ōārō bokatīrīñeāka!” ārīrī pūrē ĩgū merā iriunūrā. Irasiriḡu Apolos irogue ejamakū, Marīp̄u ĩgūsārē maĩgū, ĩgū merā ōārō iritamuyup̄u.

²⁸ Irasiriḡu Apolos āārīpererā ĩūrō judío masakare ōārō turari merā:

—Marīp̄u iriudi, m̄sā yoaripoe yúdi, Cristo āārīmi. ĩgūta Jesús āārīmi, ārīyup̄u. Irasirirā Marīp̄uya werenírī gojadea pūrē keoro weremakū pérā, judío masaka: “Diaye āārībea”, ārīmasĩbiriñurā.

19

Pablo Efesogue buedea

¹ Apolos Corintogue āārīripoe Pablo gap̄u ūtāyuku watopegue taria, Efesogue eja, wārā Jesúre b̄remurārē bokajayup̄u.

² Bokaja, ĩgūsārē sērēñayup̄u:

—¿M̄sā Jesúre b̄remurā, Ōāgū deyomarīgūrē bokatīrīñeārī? ārīyup̄u.

ĩgūrē ȳj̄ñurā:

—“Ōāgū deyomarīgū āārīmi”, ārīmakū, neō pébiribu ḡua.

³ Pablo ĩgūsārē sērēñayup̄u doja:

—¿Noāya buerire pédero p̄r̄u, deko merā wāīyeri m̄sārē? ārīyup̄u. ĩgūsā gap̄u ȳj̄ñurā:

—Juāya buerire ḡua pédero p̄r̄u, ḡuare wāīyema, ārīñurā.

⁴ Pablo āsū ārīyup̄u doja:

—Juan masakare ĩgūsā ñerī irideare b̄jawere, gūñarērē gorawayurārē wāīyedi āārīmí. Irasū wāīyekereḡu: “Ȳu p̄r̄u aaribure b̄remuka!” ārī

buedi ããrĩmĩ. Irasũ ãrĩgũ: “Jesũre Marĩpũ iriudire bũremuka masã!” ãrĩgũ iridi ããrĩmĩ, ãrĩyupũ Pablo.

⁵ Ĩgũ irasũ ãrĩmakũ pérã, marĩ Opũ Jesús wãĩ merã wãĩyesũñurã Ĩgũrẽ bũremurĩrẽ ĩmurã.

⁶ Pũrũ Pablo Ĩgũsãya dipu weka Ĩgũya mojõrĩ merã ñapeomakũ, Őãgũ deyomarĩgũ dijijayupũ Ĩgũsãrẽ. Ĩgũ dijijamakũ, gaji masã ya werenĩrĩ merã Ĩgũsã werenĩmasĩbirideare werenĩñurã. Marĩpũ Ĩgũsãrẽ weredorerire wereñurã.

⁷ Ĩgũsã ããrĩpererã pe mojõma pere su gubu peru pẽrẽbejarãgora ããrĩñurã.

⁸ Pablo iri makãguere urerã abe ããrĩgũ, judío masaka nerẽrĩ wiigue ñajãa, güiro marĩrõ Marĩpũ marĩ Opũ ããrĩrĩ kerere masakare werenayupũ. Irire gũñaturari merã weremakũ pérã: “I diayeta ããrã”, ãrĩñurã.

⁹ Gajirã gapũ Marĩpũyare péduamerã, Ĩgũ wererire bũremubiriñurã. Irasirirã masaka péurogue marĩ Opũya bueri: “Ñegorãa”, ãrĩ wereñurã. Ĩgũsã irasũ ãrĩmakũ pégu, Pablo gapũ Jesũre bũremurãrẽ siiu wirĩa, Tiranno wãĩkũgũya bueri wiigue waayupũ. Iroguere ãmurikũ masakare buenayupũ.

¹⁰ Pe bojorigora bueyupũ Ĩgũsãrẽ iri wiiguere. Ĩgũ irasũ buemakũ, ããrĩpererã Asia nikũ marã judío masaka, judío masaka ããrĩmerãde marĩ Opũyare péperekõãñurã.

¹¹ Pablo iri makãgue ããrĩmakũ, Marĩpũ Ĩgũ turari merã Ĩgũrẽ wãri iri ĩmurĩrẽ irimakũ iriyupũ.

¹² Irasirimakũ ĩãrã, masaka surĩ gasiri, Pabloya dupũ pẽrẽadea gasirire pũrĩrikurã pũro ãĩãnañurã. Ĩgũsã ãĩãmakũ, pũrĩrikurã iri gasirire moãña,

tarinañurã. Wãtëa ñajãsũnerãde irire moãña, wirisũnañurã.

13-14 Iripoere gajirã judío masaka wãtëãrë béowiugorenarã iriñurã. Ìgüsã Esceva wãikugũ pũrã su mojõma pere gaji mojõ peru përebëjarãgora ããrĩñurã. Esceva paía opũ ããrĩyupũ. Ìgũ pũrã Pablo irirosũta marĩ Opũ Jesús wãĩ merã wãtëãrë béowiuñarã, ãsũ ãrĩñurã:

—Jesús, Pablo weredi wãĩ merã dorea musãrë. Wirika musã ñajãdire! ãrĩ béowiuadiñurã.

15 Ìgüsã irasũ ãrĩkeremakũ, wãtĩ masakuguerë ñajãdi ãsũ ãrĩyupũ:

—Jesúre, Pablöre masĩa. Musã gapure masĩbea. ¿Niisãno ããrĩrĩ musã? ãrĩyupũ.

16 Ìgũ irasũ ãrĩmakũta, wãtĩ ñajãsũdi gapũ pari meébeja, burõ turaro merã Ìgüsã ããrĩpererãrë ñeã, tarinugãyupũ. Ìgüsãrë pá, kãmitú, Ìgüsãya surire yeguepeokõãyupũ. Irasirirã suri marĩrã, kãmikurãgue ùmawiriañurã.

17 Ìgüsã irasũ waadea kerere pérã, ããrĩpererã Efeso marã, judío masaka, judío masaka ããrĩmerãde péguka, burõ güiñurã. Irasirirã marĩ Opũ Jesús wãirë õãrõ goepeyari merã burëmuñurã pama.

18 Irasirirã wárã dupiyuro Jesúre burëmunugãnerã gapũ Ìgüsã ñerõ irideare masaka péurogue weretarirã ejañurã.

19 Ìgüsã merã wárã yéa ããrĩrã ããrĩñurã. Irasirirã Ìgüsã bayirima gojadea papera turirire iroque ãña, masaka iürõ irire soebéokõãñurã. ããrĩpereri iri wajakudeare Ìgüsã keoñamakũ, cincuenta mil niyeru koeri wajakadiyuro.

20 Īgūsā irasirimakū ĩãdero p̄r̄u, ũm̄urik̄u wárã masaka Marĩp̄r̄uya kerere p̄erã, ĩgũ turari merã Jesúre b̄remun̄gãñurã.

21 Irasũ waadero p̄r̄u, Pablo ãsũ ãrĩ gũñayup̄u: “Macedonia nikũ waap̄r̄ori, iri nikũrẽ taria, Acaya nikũdere taria, Jerusal̄egue waagura. Iro merãta Romarẽ ĩãgũ waagura”, ãrĩ gũñayup̄u.

22 Irasiriḡu ĩgũ waaburi dupiyuro p̄erã ĩgũrẽ iritamurãrẽ Erasto, Timoteore iriuyup̄u Macedoniague. Pablo gap̄u suḡta dujayup̄u dapa Asia-guere.

Efeso marã Pablo merã gua, gaguinídea

23 Pablo Efesogue ããrĩripoe gajirã iro marã b̄uro werenĩrĩ merã ĩgũrẽ ĩãturiñurã, masaka wárã Jesúre b̄remumakū ĩãrã.

24 Suḡu plata wãik̄uri kōme merã moãrĩmasũ Demetrio wãik̄uḡu Pablöre ĩãturiwãgũyup̄u. ĩgũ plata merã iro marã b̄remugõ Artemisa wãik̄ugo b̄remurĩ keori wiirigãrẽ weanayup̄u. ĩgũ, gajirã moãrã merã ĩgūsã weadeare masakare duarã, wáro wajatanañurã.

25 Irasiriḡu Demetrio ĩgũ merã moãrãrẽ, gajirã ĩgũ irirosũ plata moãrãrẽ siiu needõ, ãsũ ãrĩyup̄u:

—Ȳu merãmarã, õãrõ péka! Irire masĩa m̄usã. Marĩ weadeare duari merã wáro wajata, õãrõ ããrĩkõãa.

26 Pablo buedeaderere masĩa. ãsũ ãrĩ buegore-nami: “Masaka b̄remurã keori weadea, turari oparã irirosũ ããrĩbea. Ĕm̄ugasigue marã Op̄u irirosũ neõ ããrĩbea, keori weadea ããrã”, ãrĩ buemi. Irire p̄erã, wárã masaka õõ marã, ããrĩperero Asia marãde ĩgũ buedeare: “Diayeta ããrã”, ãrĩ gũñama.

27 I marĩrẽ bũro goea. Marĩya moãrĩ waja-marĩãkõãburo yáa. Marĩ bũremugõ Artemisaya wiide ubu ããrĩrĩ wii dujakõãrokoa. Dapagueta ããrĩperero Asia marã bũremuadima igore. Masaka Pablo wererire bũremurã sõõ gapũ merã igore bũremunemobirikuma pama, ãrĩyupũ Demetrio ãgũsãrẽ.

28 ãgũ irasũ ãrĩmakũ pérã, bũro guari merã:

—Artemisa, Efeso marã bũremugõ turago ããrĩmo, ãrĩ gaguinĩpũroriñurã.

29 ãgũsã gaguinĩmakũ, gajirã wárã Efeso marã: “¿Naásũ waari?” ãrĩ pémasĩbirikererã, ãgũsãde gaguinĩpereakõãñurã. Irasũ gaguinĩrãta Gayore, Aristarcore ñeã, iri makã marã nerẽrõgue ãgũsãrẽ tũãwãgãñurã. Gayo, Aristarco Macedonia marã, Pablora wapikũwãgãnerã ããrĩñurã.

30 ãgũsãrẽ ñeãmakũ ããgũ, Pablo gapũ masaka wárã watopegue ãgũsãrẽ werẽgũ waadũadiyupũ. Jesúre bũremurã gapũ waadorebiriñurã.

31 Gajirã iri nikũ marã oparãde, Pablo merãmarã ãgũrẽ: “Gua mũrẽ dorea: ‘ãgũsã nerẽrõgue waabirikõãka!’ ” ãrĩ kere iriũñurã.

32 Iroque nerẽanerã bũro gaguinĩrã iriñurã dapa. “¿Nasirirã marĩ õõgue nerẽrĩ?” ãrĩmasĩmerã ãgũsã gããmerõ gaguinĩmirẽkõãñurã.

33 Irasirirã judío masaka ãgũsãyagũre Alejandro wãikũgũre gaguinĩrã ãũrõgue túmeénũñurã ãgũsãrẽ weredorerã. Irasirigũ ãgũ gapũ ãgũya mojõ merã irikeo: “Iropata gaguinĩka, toeaka!” ãrĩdũadiyupũ. “Gua judío masaka ñerõ iribea”, ãrĩ werẽdũadiyupũ.

34 Īgũ judío masakũ ããrĩrĩrẽ ããmasĩrã, ããrĩpererã suro merã pe hora gaguinĩñurã:

—Artemisa, Efeso marã b̄remugõ turago ããrĩmo, ãrĩ gaguinĩñurã.

35 Īgũsã buro gaguinĩmakũ ããgũ, sugũ iri makã marã oparãrẽ iritamugũ masakare toedore, ãsũ ãrĩyupũ:

—Mũsã, Efeso marã õãrõ péka! Artemisa, marĩ b̄remugõ turago ããrĩmo. Īgore b̄remurĩ wiire, igo keori ãmũgasigue dijarideadere korerã ããrã marĩ. Irire ããrĩperero marã õãrõ masĩma.

36 “I diaye ããrĩbea”, ãrĩmasĩbema. Irasirirã iropata gaguinĩka, toeaka! Gaguinĩnemobirikõãka pama! Diaye gũñaka mũsãde! Noó gããmerõ pémasĩrĩ marĩrõ gajinorẽ iribirikõãka!

37 Īĩsã mũsã ñeãnerã marĩ b̄remurĩ wiirimarẽ neõ yajabirama. Marĩ b̄remugõrẽ ñerõ neõ ãrĩ werenĩbirama. Īgũsã ñerõ iribirikeremakũ, Īgũsãrẽ ñeã, õõgue ãrĩayo.

38 Demetrio, Īgũ merã moãrã Īgũsãrẽ weresãduarã, weresãrĩrẽ beyerimasã p̄roque waaburo. Iroque i nikũ marã oparã ĩũrõgue Īgũsãrẽ weresãdeare ãmumasĩma.

39 Oparã i makã marãrẽ siiu neeõmakũ ĩãrã, gajino s̄rẽduarã, werenĩrã aarika!

40 Dapagã mũsã guari merã gaguinĩadea kerere marĩ oparã pérã: “Marĩrẽ tarinũgãduarã yãma”, ãrĩ weresãbukuma. Irasirirã marĩ buro gaguinĩadea waja marĩrẽ weresãmakũ neõ yajũmasĩbiribukoa, ãrĩyupũ oparãrẽ iritamugũ Īgũsãrẽ.

41 Irire were odo: “Iropata ããrã. Waaka mũsãya wiirigue!” ãrĩyupũ.

20

Pablo Macedoniague, Greciague ejadea

¹ Īgūsā irasū ārī gaguinimirēdero p̄m̄, Pablo gap̄m̄ Jesúre b̄remurārē siiu neeō, Īgūsārē oārō āārīrikudoreḡm̄, wereyup̄m̄. Were odo, mojō ñeā, Īgūsārē seretu, Macedoniague waakōāyup̄m̄.

² Irogue eja, iroma makārī marārē Jesúre b̄remurārē Īgū werenírī merā oārō gūñaturamakū iriyup̄m̄. P̄m̄ Greciague waayup̄m̄.

³ Irore m̄rerā abegora āārīyup̄m̄. P̄m̄ Siria nikūgue doódiru merā taribujabu iriripoe judío masaka: “M̄rē ñerō irid̄m̄rā iriama”, āārī kerere péyup̄m̄. Irasirigu: “Maa merā Macedoniagueta dujáagura doja”, ārī gūñayup̄m̄.

⁴⁻⁵ Ḡm̄, Īgū merā waaburi dupiyuro gajirā Īgū merāmarā Troas wāik̄m̄ri makāgue waa, ḡm̄are yúñurā. Īsāk̄m̄ āārīmá: Sópater wāik̄m̄ḡm̄ Beream̄, Pirro wāik̄m̄ḡm̄ magū āārīmí. Gajirā Tesalónica marā pērā Aristarco, Segundo wāik̄m̄rā āārīmá. Gajiḡm̄ Derbem̄ Gayo wāik̄m̄ḡm̄, gajiḡm̄ Timoteo, gajirā Asia marā Tíquico, Trófimo āārīmá.

⁶ Īgūsā yúripoe ḡm̄ gap̄m̄ p̄ wemasārī morēña marīrī baari bosenu p̄m̄, Filipogue āārānerā doódiru merā su mojōma n̄rī taribuja, Troague ejabu. Irogue Īgūsārē bokaja, Īgūsā merā su semana dujab̄m̄.

Troague Pablo naadea

⁷ Siñajārīn̄m̄ āārīmakū, gajirā Jesúre b̄remurā merā p̄rē dukawa baamurā nerēb̄m̄. Pablo gajin̄m̄ gap̄m̄ waabu āārīsīā, yoaripoe buemi Īgūsārē. Nami deko āārīmakū bue odobirimi dapa.

8-9 Gwa nerēri taribu, ure kaya wekama taribu, sīāgori wári opari taribu āārībú. Pablöre iro āārīrā péripoe sugu maamu Eutico wāikugu ventanague doami. Pablo ĩgūsārē yoaripoe buemakū, ĩgūrē waja ejayuro. Irasirigu kārītari, yebague yuridijakōāmi. ĩgū yuridijamakū ĩārā, ĩgū puro waa, kōmoadiguere āīwāgū doboma.

10 ĩgūsā irasū irimakū ĩāgū, Pablo dijari, maamarē pábua āīwāgūnú, ĩgūsārē weremi:

—Gukabirikōāka! Okami dapa, ārīmi.

11 ĩgū irasū ārīmakū, maamu kōmoadigue āārīkeregū, masākōāmi. ĩgū masāmakū ĩāgū, Pablo dupaturi marīa, pārē dukawa, ĩgūsā merā baami. ĩgū irasiriadero puru, yoaripoe buenemomi doja. Boyoburo dupiyurogā ĩgūsārē bue odo, wiriakōāmi.

12 ĩgū wiriadero puru, iroguere nerēanerā Eutico kōmoadigue masādire usuyari merā ĩgūya wiigüe āīāma.

Pablosā Troas āārānerā Miletogue waadea

13 Pablo guare ārīderosūta doódiru merā ĩgū dupiyuro Asogue waabu. ĩgū gapu ĩgū waadhaderosūta maague waami.

14 Asogue guare bokaja, gwa merā doódirugue ñajāa, Mitilenegue waami.

15-16 Gajinu iro merā waarā, Quío wāikuri nugūrō bokatiūrōgue ejabu. Gajinu waarā, Samogue ejabu doja. Iro merā waa, Trogilio wāikurogue kārību. Pablo, Pentecostés bosenu dupiyuro Jerusalēguere ejadnagu, guare: “Asiare yoaripoe

ããrĩdũabirikoa yũ”, ãrĩmi. “Irasirirã Efesore di-ayeta taria, Miletogue waapurumurã!” ãrĩmi. Irasirirã gajinũ gapũ waa, Miletogue ejabũ.

Pablo Efeso marã Jesúre bũremurã oparãrẽ weredea

¹⁷ Pablo Miletogue ããrĩgũ, Efeso marã Jesúre bũremurã oparãrẽ kere iriumi ãgũ pũro aari-doregũ.

¹⁸ ãgũsã ãgũ pũro ejamakũ, ãgũsãrẽ ãrĩmi:

—Asiague ejagũ, mũsã merã neõgora yũ irideare õãrõ masĩa mũsã.

¹⁹ Mũsã merã ããrĩgũ, marĩ Opũyare iribũ. Irasirigũ mũsãrẽ neõ tarinũgãbiribũ. Masaka Jesúre bũremubirimakũ ããgũ, orebũ. Judío masaka yũre wẽjẽdũakeremakũ, mũsãrẽ buebũ.

²⁰ Mũsã nerẽrõgue, mũsãya wiiriguedere ããrĩpereri mũsã õãrõ ããrĩrikũburire buebũ.

²¹ Judío masakare, judío masaka ããrĩmerãdere irireta buebũ. “Õãrõ péka! Mũsã ñerõ iririre piri, Marĩpũya gapũre õãrõ irinũgãka! Marĩ Opũ Jesúre bũremuka!” ãrĩ buebũ.

²² Irasirigũ dapagorare Õãgũ deyomarĩgũ dorederosũta Jerusalẽgue waagũ yáa. Irogue yũre ãsũ waarokoa, ãrĩmasĩbirikoa dapa.

²³ Yũ ejadea makãrĩkũ Õãgũ deyomarĩgũ ãsũ ãrĩmi yũre: “Mũ irogue waamakũ, masaka mũrẽ peresu iri, ñerõ tarimakũ irirãkuma”, ãrĩmi. Iri ditare masĩa.

²⁴ Irire masĩkeregũ, gũibe. Yaa okaridere maĩbea. Marĩpũ masaka ããrĩpererãrẽ maĩrĩ merã ããmi, ãrĩrĩ kerere marĩ Opũ Jesús weredoremi yũre. I ditare ãgũ yũre moãrĩ pídeare iripeodũáa.

25 'Y_u m_usā merā āārīgū, Marīp_u īgūyarārē doreri kerere weregorenab_u. Dapagorare m_usā neō d_upaturi y_ure iānemobirikoa. Irire masīa y_u.

26-27 Irasirig_u dapagārē irire werea m_usārē. Āārīpereri Marīp_uyare īgū y_ure weredoredeare wereb_u m_usārē. Irasirirā m_usā āārīpererā irire: “Neō pébea y_u”, ārīmasībirikoa. Perebiri peamegue waamakū, īgūsā péduabiridea waja āārīrokoa. Yaa waja āārībirikoa.

28 Irasirirā Marīp_uyare ōārō péduripīka! M_usā Jesúre b_uremurārē, Ōāgū deyomarīgū m_usārē koredorerādere: “Ōārō péka m_usādel!” ārī wereka! Īgū magū boag_u dí béodea merā Marīp_u īgūsārē īgūyarā āārīmakū iridi āārīmī. Irasirirā īgūsārē ōārō koreka, oveja korerā īgūsāyarā ovejare ōārō korederosūta!

29 Y_u waadero p_ur_u, gajirā ārīkatorimasā, makānū_u marā diayēa ovejare wējēduarā irirosū m_usā p_uro ejarākuma. Īgūsā bueri merā m_usārē dukawarimakū iriduarākuma.

30 P_ur_uguere gajirā m_usā merāmarāta m_usārē Jesúre b_uremurārē ārīkatorākuma īgūsā buerire pédorerā.

31 Irasirirā ōārō pémasīka! Ūre bojorigora ūm_urī, ñamirī oreri merā m_usā āārīpererārē wereb_u. Irasirirā y_u weredeare gūñaníkōāka!

32 'Dapagorare Marīp_ure sērēbosagura m_usārē koreburo, ārīgū. Īgū m_usārē maīrī merā iārī kerere buerā, ōārō āārīrikurākoa. Ūm_urik_u īgū turari merā m_usārē īgūrē b_uremunemomakū yāmi. M_usārē īgūyarārē āārīpererārē ōārīrē sīgukumi īgū iripoegue ārīderosūta.

³³ Y_u m_usā merā āārīgū, m_usāya niyerure, m_usāya surídere: “Y_ure sīka!” neō ārībiri_u.

³⁴ Y_u basi moādea waja merā, y_u gāāmerīrē, y_u merāmarā gāāmerīdere bokab_u. Irire oārō masīa m_usā.

³⁵ Marī moā wajatadea merā gajino opamerārē iritamurō gāāmea. Ire m_usārē iri īmub_u: “Āsū iririkaka m_usāde!” ārīgū. Marī Op_u Jesús ārīdeare gūñaka! Āsū ārīyup_u: “Sug_u gajino sīgū gap_u ĩgū sīrīrē ñeāgū nemorō _usuyami”, ārī weremi Pablo Efeso marā Jesúre b_uremurārē.

³⁶ Irasū ārī odo, Pablo ĩgūsā merā ñadukupuri merā ejamejā, Marīp_ure sērēmi.

³⁷⁻³⁸ Sērē odo: “M_usā dupaturi neō ĩānemobirikoa y_ure”, ĩgū ārīdeare gūñarā, b_uro b_ujawereri merā dujama. Irasirirā āārīpererā ĩgūrē páb_ua, orema. P_uru ĩgūrē perague t_uyabuajama g_ua doódiru merā waamakū ĩāt_uyarā.

21

Pablo dupaturi Jerusalēgue waadea

¹ G_ua Efeso marārē Jesúre b_uremurārē seretu odo, doódiru merā Cos wāīkuri n_ugūrōgue diaye waakōāb_u. Gajin_u Rodas wāīkuri n_ugūrōrē taria, Pátara wāīkuri makāgue ejab_u.

² Iroque eja, doódiru Feniciague waaburidirure bokaja, iriru merā waab_u doja.

³ Waa, Chipre wāīkuri n_ugūrōrē tariarā, iri n_ugūrō kúgap_u dujamakū ĩāb_u. Irore taria, Siria nikūrē eja, Tiro wāīkuri makāma perague ejab_u. Iroque doódirure moārā iriruma doebirire pīma.

4 Irogue eja, Jesúre buremurârê bokaja, su mojõma pere gaji mojõ peru pêrêbejarinurĩ ĩgũsã merã ããrĩbú. ĩgũsã Ōãgũ deyomarĩgũ masĩrĩ sĩsũnerã ããrĩsĩã, Pablöre: “Jerusalêgue waabirikõãka murê wějêrĩ!” ãrĩ werema.

5 ĩgũsã irasũ ãrĩkeremakũ, su mojõma pere gaji mojõ peru pêrêbejarinurĩ puru, waakõãbu. Gũa waamakũ, ããrĩpererã Jesúre buremurã, ĩgũsã marãposã nome, ĩgũsã pũrã iri makã turogue guare ĩãtuyarã ejama. Irasirirã gũa ããrĩpererã ĩgũsã merã perague buãa, iroma ĩmparogue ñadukupuri merã ejamejãja, Marĩpure sêrêbu.

6 Puru ĩgũsãrê pãbũa seretu odo, doódiru merã waakõãbu. ĩgũsã gapu ĩgũsãya wiirigue majãkõãma.

7 Irasirirã gũa Tirore ããrãnerã waa, Tolemaida wãĩkuri makãgue ejabu. Irogue eja, Jesúre buremurârê õãdore, sunu ĩgũsã merã ããrĩbú.

8 Gajinu gapu Pablo gũa merã maague waami, Cesarea wãĩkuri makãgue waagú. Irogue eja, Felipe wãĩkugu Jesúya kerere weregorenagũya wiigüe waa, ĩgũ merã ããrĩbú. Felipe Jesúre buremurã su mojõma pere gaji mojõ peru pêrêbejarã baari guerenerã watope ããrĩdi ããrĩmĩ.

9 Felipe pũrã wapikurã nóome, marãpu marĩrã nome ããrĩmã. ĩgũsã Marĩpu weredorederosũta ĩgũya kerere wereturiarã nome ããrĩmã.

10 Gũa irore yoaweyaripoe ããrãdero puru, Agabo wãĩkugu Marĩpũya kerere weredupiyugu Judeague ããrãdi guare ĩãgũ ejami.

11 ĩgũ gũa puro eja, Pabloya yujuwẽñarĩdare ãĩ, ĩgũ basi ĩgũya guburire, ĩgũya mojõrĩrê suami. Sua

odo, gware āĩmi:

—Āsũ āĩmi Ōāgũ deyomarĩgũ yure: “Idare opagũ Jerusalēgue ejamakũ, mũ basi ida merã sũaderosũta judío masaka sũarākuma ĩgũrẽ. Sũa odo, judío masaka āāĩmerārẽ ĩgũrẽ wiarākuma”, āĩmi yure, āĩ weremi Agabo gware.

¹² ĩgũ irasũ āĩmakũ pérã, gwa Cesarea marã merã Pablore: “Jerusalēguere waabirikõāka!” āĩ werebũ.

¹³ Pablo gapũ gware āĩmi:

—¿Nasirimurã iropa ore, yure buro bujaweremakũ yári? Jerusalēgue ĩgũsã yure sũa, peresu irimakũ õārokoa. Marĩ Opũ Jesúya kerere weredeã waja yũ boamakũ õārokoa. Ñerõ yure āāĩkeremakũ waagura, āĩmi.

¹⁴ Irasirirã gwa ĩgũrẽ: “Waabirikõāka!” ārãnerã pirikõābũ pama. Āsũ āĩbũ:

—Marĩ Opũ ĩgũ gāāmerõsũta iriburo, āĩkõābũ.

¹⁵ Pũrũ gwayare āmu, Jerusalēgue waakõābũ.

¹⁶ Irogue waamakũ, gajirã Cesarea marã Jesúre bũremurã gwa merã waama. ĩgũsã merãmũ Mnasón wāĩkũgũ Chipremũ āāĩĩdi, yoaripoe Jesúre bũremugũ āāĩĩmĩ. Irasirirã Jerusalēgue eja, ĩgũya wiigũ ĩgũ merã āāĩĩbũ.

Pablo Santiagore ĩāgũ ejadeã

¹⁷ Gwa Jerusalēgue ejamakũ, iro marã Jesúre bũremurã mũyari merã bokatĩĩma.

¹⁸ Gajinũ Pablo gwa merã Santiagore ĩāgũ waami. ĩgũ pũroguere āāĩĩpererã Jesúre bũremurã oparã, nerẽnerã āāĩĩmã.

19 Pablo ïgūsārē òãdore odo, judío masaka ããrĩmerārē ããrĩpereri Marĩp̄ ïgũ merã irideare weremi.

20 ïgũ weremakũ pérã, Marĩp̄re: “Õãtaria m̄”, ãrĩ, usuyari sĩma. P̄r̄ ãsũ ãrĩma Pablöre:

—Ḡayaḡ, ire òãrõ masĩa m̄. Wárã judío masaka Jesúre b̄remukererã, ããrĩpererã: “Moisés doredeare iriro gããmea dapa”, ãrĩma.

21 Gajirã masaka ãsũ ãrĩ werew̄ama m̄rē: “Ïgũ judío masaka ããrĩmerã ããrĩõgue ããrĩgũ, judío masaka irogue ããrĩrãrē Moisés doredeare iridorebemi. ïgūsã p̄r̄rē ïgūsãya d̄p̄ma gasirogãrē wiiridorebemi. Marĩ judío masaka iririk̄aire iridorebemi”, ãrĩ werew̄ama.

22 ïgūsã m̄ òõrē ejayup̄, ãrĩrĩ kerere pérã, nerē, m̄rē turirākuma. Iro tamerārē, ¿nasirigakuri m̄?

23 ãsũ irika! Òõrē wapik̄rã ãma ããrĩma. “Marĩp̄re b̄remurã, ãsũ irirãra!” ãrĩnerã ããrĩma.

24 ïgūsã merã Marĩp̄ya wiigüe waaka! M̄de ïgūsã irirosũta irika! Moisés doredeare irirã waamurã yãma. Irasiriḡ Marĩp̄ ïũrõrē ïgūsã iriri wajare wajaribosaka! M̄ irasiriadero p̄r̄, ïgūsãya poaire w̄adorerākuma. M̄ irasirimakũ ïãrã, ããrĩpererã masaka m̄rē werew̄adeare: “Ãrĩkatorã iriñuma”, ãrĩrākuma. “Ïgũde Moisés doredeare òãrõ iriḡ ããrĩmi”, ãrĩrākuma.

25 Judío masaka ããrĩmerārē Jesúre b̄remurārē ḡa gojadea p̄rē iriusiab̄. ãsũ ãrĩ gojab̄: “Keori weadea p̄ro baari pídeare, waimurã w̄nugũ biu w̄j̄anerãya dík̄ri díre baabirikõãka! Díre iirĩbirikõãka! Nome merã ñerõ iribirikõãka! Nomedé ãma merã ñerõ iribirikõãka!” ãrĩ gojab̄

gua, ãrĩma Pablöre.

Marĩpuya wiigue judío masaka Pablöre ñeãdea

²⁶ Irasirigũ Pablo gajinũ gapũ wapikurã ãma merã Marĩpũ iũrõ Moisés doredeare irigũ waayupũ. Pũrũ Marĩpuya wiigue ñajãa, Pablo paĩre ãrĩyupũ: “Su semana duyãa, gũa Moisés doredeare iri odoburo. Gũa odorinũ ããrĩmakũ, gũakũ waimurã ejorãrẽ ãĩrĩrãkoa. Marĩpũ iũrõ ãgũsãrẽ wẽjẽ soepeoka! ãrĩrã!” ãrĩyupũ.

²⁷ ãgũsã Moisés doredeare iri odoburipoe Asia marã judío masaka Pablöre Marĩpuya wiigue ããrĩgũrẽ iãñurã. Irasirirã gajirãrẽ iri wii ããrĩrãrẽ ãgũ merã guamakũ iri, Pablöre ñeã, ãsũ ãrĩ gaguinĩñurã:

²⁸ –Gũayarã Israel bumarã, gũare iritamuka! Ñĩta ããrĩmi, ããrĩpereroguere marĩrẽ ñerõ ãrĩ werenĩgorenagũ. “Judío masaka ñegorama. Moisés doredea wajamáa. I wiide ñegorãa”, ãrĩ buegorenami masakare. Gajire griego masakare i wiigue ãñajãgũ ñerõ irigũ yãmi i wiire, ãrĩñurã.

²⁹ Pablo iro dupiyuro Trófimo merã makãgue ããrĩmakũ iãnerã ããrĩsĩã, Pablo ãgũrẽ Marĩpuya wiigue ãñajãgũ irikumi, ãrĩ gũñãñurã. Trófimo Efesomũ judío masakũ ããrĩbi ããrĩyupũ. Irasiriro ãgũnorẽ iri wiiguere ñajãmasĩña marĩyuro.

³⁰ Pablöre weresã gaguinĩmakũ pẽrã, iri makã marã ããrĩpererã bũro guañurã. Irasirirã ãmañajãa, Pablöre ñeã tũãwiria, iri wii makãpũrorire mata biakõãñurã.

³¹ ãgũsã Pablöre wẽjẽmurã iriripoe gajirã surara opũguere wererã waañurã. ãgũ pũrogue eja:

“Āārīpererā Jerusalén marā nerē, buro guari merā gaguinírā iriama”, ārī wereñurā.

³² Īgūsā irasū ārīmakū pégu, surara opu Īgūyarā surarare, Īgūsārē dorerādere siiu need, Īgūsā merā Pablore wējēduarā purogue ūmawāgāyupu. Īgūsā ejamakū iārā, Pablore pánerā piriñurā.

³³ Surara opu Pablo purogue eja, Īgūyarā surarare Īgūrē ñeādore, pe kōmeda merā sūadoreyupu. Īgūsā sūa odomakū iāgū, surara opu masakare sērēñayupu:

—¿Níino āārīrī īī? ¿Nasiriari, Īgū masā irasiri-makū? ārī sērēñayupu.

³⁴ Īgū irasū ārīmakū, masaka gapu: “Āsū iriami”, ārī, gajirā gajirosū, gajirā gajirosū gaguinimirēkōāñurā. Īgūsā irasū gaguinimakū, surara opu neō diaye pébiryupu. Irasirigu Īgūyarā surara āārīrī wiigue Pablore āīadoreyupu.

³⁵⁻³⁶ Īgūsā irogue Īgūrē āīāmakū iārā, wārā masaka: “Wējēkōāka Īgūrē!” ārī gaguiní, tuyañurā. Irasirirā surara Īgūsāya wii makāpuro mūrīaro ejarā, Pablore āīkōā mūrīāñurā, masaka Īgūrē wējērī, ārīrā.

Pablo masakare: “Neō ñerō iribea yu”, ārī were-dea

³⁷ Iri wiigue eja, Īgūrē peresu irimurā iriripoe surara opure:

—Yu, mu merā wereníduakoa, ārīyupu.

Pablo griego ya merā werenímakū pégu, surara opu gapu ārīyupu:

—¿Mu griego yare masīrī?

38 ¿Sõõ ããrãdi, Egiptomu meta ããrĩrĩ mu? Īgũ romano marã oparã merã gãmekẽãduagmu, wãrã cu-atro mil wějẽrĩmasãrẽ siiu needõ, masaka marĩrõgue ãĩayumu. ¿Īgũ meta ããrĩrĩ mu?

39 Īgũ irasũ ãrĩmakũ pégmu, Pablo yujayumu:

—Ymu, ĩgũ meta ããrã. Judío masakmu ããrã. Tarso, Cilicia nikũ ããrĩrĩ makã deyoabmu. Ubu ããrĩrĩ makãmu ããrĩbea. Irasirigmu murẽ sērẽa. Īsã masaka merã werenídoreka yure! ãrĩyumu.

40 Īgũ irasũ ãrĩmakũ pégmu, surara opu: “Jáu, wereníka!” ãrĩyumu. Irasirigmu Pablo murĩrogue murĩngã, ĩgũya mojõ merã masakare toeburo, ãrĩgũ, irikeoyumu. Īgũ irasirimakũ ĩãrã, toekõãñurã. Īgũsã toemakũ, Pablo hebreo ya merã wereyumu ĩgũsãrẽ:

22

1 —Yaarã, ymu irideare musãrẽ weremakũ, õãrõ péka! ãrĩyumu Pablo.

2 Īgũ hebreo ya merã werenímakũ pérã, masaka toepereakõãñurã. Irasirigmu Pablo ĩgũsãrẽ ãsũ ãrĩ wereyumu:

3 —Ymu judío masakuta ããrã. Cilicia nikũ Tarso wãikuri makãgue deyoabmu. Iro deyoadi ããrĩkeregu, õõ Jerusalén masãbu. Gamaliel wãikugmu buemi yure. Irasirigmu marĩ ñekũsãmarãrẽ Moisés doreri pídeare õãrõ masĩa. Irasirigmu musã irirosũta yude Marĩp doredeare õãrõ yãa.

4 Iripoeguere Jesúre buremurãrẽ ñerõ iriunabmu. Surãyerire wějẽdorebmu. Ũmarẽ, nomedere ñeã, peresu iriunabmu.

5 Paía opɥ, ããrĩpererã judío masaka oparã yɥ ãrĩrĩrē: “Irasũta iriunami”, ãrĩ weremasĩma mɥsãrē. Īgũsãta yɥre su pũ gojabosama marĩyarã Damasco marãrē Jesúre bɥremurãrē ñeãdorerã. Irasirigɥ iri pũ merã Jesúre bɥremurãrē ñeãgũ waadibɥ, õõ Jerusalēgue Īgũsãrē ãĩja peresu iribu.

Pablo Īgũ Jesúre bɥremunɥgãdeare werede

6 'Goeripoe ããrĩmakũ, yɥ Damascogue ejabu iriripoe gũñaña marĩrõ ãmɥgasi bɥro kũmijũrõ yɥ pɥrore goesiribɥ.

7 Irasũ waamakũ, yebague meémejã, pɥrɥ ãsũ ãrĩ werenĩmakũ pébɥ. “Saulo, ¿nasirigɥ yɥre ñerõ yári mɥ?”

8 Īgũ irasũ ãrĩmakũ pégɥ: “¿Noã ããrĩrĩ mɥ?” ãrĩ sērēñabɥ. Īgũ gapɥ: “Yɥ, Jesús Nazaretmɥ mɥ ñerõ iriguta ããrã”, ãrĩmi yɥre.

9 Yɥ merã ããrĩnerã iri goesiririre ĩãgɥkakõãma. Irire ĩãkererã, Jesús yɥre werenĩmakũ pébirima.

10 Pɥrɥ: “Yɥ Opɥ, ¿nasirigɥkuri yɥ?” ãrĩ sērēñabɥ ĩgũrē. Īgũ yɥre yɥjɥmĩ: “Wãgãnɥgã, Damascogue waaka! Irogue sugɥ ããrĩpereri yɥ mɥrē iridoreburire mɥrē weregɥkumi”, ãrĩmi.

11 Bɥro kũmijũrõ waadea yaa koyere neõ deyomarĩmakũ irikubɥ. Irasirirã yɥ merãmarã yaa mojõgue ñeã, Damascogue ãĩãma.

12 'Yɥ iro ejadero pɥrɥ, Ananías wãĩkɥgɥ, Marĩpɥre bɥremugũ, Moisés doredeare õãrõ irigɥ yɥre ĩãgũ ejami. Īgũ iro marã judío masaka ããrĩpererã bɥremugũ ããrĩmĩ.

13 Īgũ yɥ pɥro ejanɥgãja: “Yaagɥ Saulo, mɥ dupaturi koye ĩãgɥkoa doja”, ãrĩmi. Īgũ irasũ ãrĩmakũta,

dupaturi iãbũ doja. Irasirigũ Ananías yũ pũro nímakũ õãrõ iãbũ.

14 Yũ iãmasãdero pũrũ, yũre ãrĩmi doja: “Iripoegue Marĩrũ marĩ ñekũsãmarã bũremudi mũrẽ beyesiadi ããrĩmĩ, ãgũ dorerire õãrõ iribure, ãgũ magãrẽ ñerĩ opabire iãbure, ãgũ werenĩrĩrẽ pẽbure.

15 Irasirigũ ããrĩpererã masakare mũ iãdeare, mũ pẽdeare weregorenagũkoa.

16 Dapagorare yoaripoe yúbirikõãka! Wãgãnũgã, deko merã wãiyedoreka, mũ marĩ Opũ Jesũre bũremurĩrẽ ãmugũ! Marĩrũre: ‘Jesũre bũremua, irasirigũ yũ ñerõ irideare kãtika!’ ãrĩ sãrẽka, mũ ñerõ irideare kãtiburo, ãrĩgũ!” ãrĩmi Ananías yũre.

Pablo judío masaka ããrĩmerãrẽ Marĩrũ ãgũrẽ bue-doredeare werede

17 Pũrũ Damascogue ããrãdi i makã Jerusalẽgue dujajagũ, Marĩrũya wiigũ ãgũrẽ sãrẽgũ waabũ. Irogue kãrõ irirosũ waarĩre iãbũ.

18 Irogue Jesús yũre deyoa, weremi: “Jerusalén marã yaare mũ weremakũ pẽdũabema. Irasirigũ murĩgora gajirogue waaka!” ãrĩmi.

19 ãgũ irasũ ãrĩmakũ pẽgũ, ãgũrẽ ãrĩbũ: “Yũ Opũ, Jerusalén marã yũ irideare õãrõ masĩma. Yũ judío masaka nerẽrĩ wiirigũ ããrĩrãrẽ mũrẽ bũremurãrẽ ñeã pá, peresu iribũ.

20 Mũya kerere weredi Estebãrẽ ãgũsã wẽjẽmakũ, ãgũrẽ wẽjẽrãya surĩ wekamarẽ korebosabũ. ‘Õãrõ irirã, wẽjẽma’, ãrĩ gũñabũ”, ãrĩ werebũ yũ Opũre.

21 Yũ irasũ ãrĩmakũ pẽgũ, yũ Opũ weremi: “Yoarogue waaka! Judío masaka ããrĩmerãrẽ

buedoregꝰ iriugꝰara mꝰrē”, ārīmi, ārī wereyupꝰ Pablo ĩgꝰsārē.

Surara opꝰ Pablo merā werenīdea

²² Pablo: “Yꝰ Opꝰ Jesús judío masaka āārīmerārē buedoregꝰ iriugꝰara”, ārīrīrē pérā, bꝰro guari merā gaguinīñurā:

—Dapagorare ĩ āārīnemobirikōāburo. Dapagorata boaburo, ārī gaguinīñurā.

²³ Irasū ārī gaguinīrā, ĩgꝰsāya surī wekamarē wējāsiri, nikūwera merā meésiriñurā.

²⁴ Irasirimakū ĩāgꝰ, surara opꝰ ĩgꝰyarārē Pablora ĩgꝰsāya wiigue āññajāadoreyupꝰ. Pablora: “¿Nasirirā masaka mꝰrē guari merā gaguinīrī?” ārī masīdꝰagꝰ ĩgꝰrē tārāadoreyupꝰ.

²⁵ Irasirirā ĩgꝰrē sꝰa, tārāmurā iriripoe Pablo gapꝰ ĩgꝰ pꝰro nīgꝰrē surarare doregꝰre ārīyupꝰ:

—Yꝰ romano marāya nikūmꝰ āārā. Irasirirā weresārīrē beyerimasū yꝰre: “Āsū iriami ñerō irigꝰ”, ārī weresābirikeremakū, ubugorata tārāmasībea mꝰsā yꝰre, ārīyupꝰ.

²⁶ ĩgꝰ irasū ārīmakū pégꝰ, surarare doregꝰ ĩgꝰ opꝰre weregꝰ waayupꝰ:

—Ōārō pémasīka! “Romano marāya nikūmꝰ āārā yꝰ”, ārāmi. Irasirigꝰ ñerō iribirikōāka ĩgꝰrē! ārīyupꝰ.

²⁷ ĩgꝰ irasū ārīmakū, surara opꝰ Pablora sērēñagꝰ waayupꝰ:

—¿Diayeta romano marāya nikūmꝰ āārīrī mꝰ? Wereka yꝰre!

Pablo gapꝰ ĩgꝰrē:

—ĩgꝰta āārā, ārī yꝰjꝰyupꝰ.

²⁸ Surara opꝰ ĩgꝰrē ārīyupꝰ:

—Y_u romanom_u ããrĩd_uag_u wáro niyeru wajarib_u.

Pablo ĩg_urē ãrĩyup_u doja:

—Y_u tamerã romanoma makãgue deyoab_u. Irasirig_u deyoag_ugueta romanom_u ããrĩdi ããrã y_u.

²⁹ ĩg_u iras_u ãrĩmak_u pérã, ĩg_urē tãrãboanerã g_ui wiriakõãñurã. Surara op_ude Pablo romanom_u ããrĩrĩrē pég_u, kōmedari merã ĩg_urē sua tãrãdoreadeare g_uñag_u, g_uiyup_u.

Pablo judío masaka oparã p_uro ããrĩdea

³⁰ Irasirig_u gajin_u gap_u judío masaka Pablöre weresãdeare masĩd_uag_u, paía oparãrē, gajirã ããrĩpererã judío masaka oparãrē siiu neeoyup_u. ĩg_usã nerēmak_u ĩãg_u, Pablöre ĩg_usã sua dea kōmedarire kura, ãĩ, ĩg_usã ĩūrō doboyup_u.

23

¹ Pablo judío masaka oparãrē ĩãbokatĩũnugãja, ãsũ ãrĩyup_u:

—Yaarã, y_u okaro bokatĩūrō Marĩp_u ĩūrō õãrõ ããrĩrik_ua, ãrĩ péñáa. Irasirig_u g_uñarik_uro marĩrõ ããrĩkõãa.

² ĩg_u iras_u ãrĩmak_u pég_u, paía op_u Ananías Pablo werenĩrĩrē péduabi ĩg_u p_uro ããrĩrãrē ĩg_uya disire pádoreyup_u.

³ Irasirig_u Pablo Ananíare ãsũ ãrĩyup_u:

—Marĩp_u m_urē wajamoãg_ukumi gajirãrē m_u y_ure pádoreri waja. M_u irikatorik_ug_u ããrã. Y_ure: “Moisés doredeare tarinugãa”, ãrĩ ĩãkereg_u, m_u gap_u iri dorerire tarinugãa, gajirãrē y_ure pádoreg_u, ãrĩyup_u.

4 Irasũ āĩmakũ pérã, iro āārĩrã ãsũ āĩñũrã Pablöre:

—Ñerõ āĩ werenĩbirikõãka paía opũre Marĩpũ beyedire!

⁵ Īgũsã irasũ āĩmakũ pégu, Pablo āĩyũpũ doja:

—Yaarã, yũ masĩbirakubũ ĩgũ paía opũ āārĩrĩrẽ. Masĩgũ irasũ āĩbiriboakuyo. Marĩpũya werenĩrĩ gojadea pũguere: “Mũsãya makã marã opũre ñerõ āĩ werenĩbirikõãka!” āĩ gojasũdero āārĩbũ.

⁶ Irogue āārĩrã: Saduceo bumarã, gajirã fariseo bumarã āārĩñũrã. Irasirigũ ĩgũsãrẽ ĩãgũ, Pablo bũsũro werenĩyũpũ:

—Yaarã, yũde fariseota āārã. Fariseo bumũ magũta āārã. Irasirirã masaka boanerã masãrĩrẽ yũ bũremurĩ waja yũre wajamoãduakoa, āĩyũpũ.

⁷ Īgũ boanerã masãrĩrẽ weremakũ pérã, fariseo, saduceo bumarã merã gãme guaseonũgãñũrã. Irasirirã iri wiigüe suro merã āārãnerã āārĩkererã, gãme dukawariakõãñũrã.

⁸ Saduceo bumarã: “Masaka boanerã masãbirikuma. Marĩpũre wereboerã marĩkuma. Masaka boanerã yũjũpũrãrĩde marĩkoa”, āĩ wererã āārĩñũrã. Fariseo bumarã gapũ āārĩpereri irimarẽ bũremurã āārĩñũrã.

⁹ Irasirirã irimarẽ gãme guaseo, bũro gaguinĩnũgãñũrã. Irasirirã surãyeri fariseo bumarã Moisés doredeare buerimasã wãgãnũgã, wereñũrã:

—Masakũ boadi, o Marĩpũre wereboegũ diayeta ñĩ merã werenĩakumi. Irasirirã ĩgũrẽ ñerõ iriami, neõ āĩmasĩbea. Īgũrẽ wajamoãrã, Marĩpũre ñerõ irirã iribukõãa marĩ, āārĩñũrã.

10 Īgūsā buro gaguinímakū ĩāgū, surara opu gapu Pablöre güisāyupu. “Īgūrē ñeā, tūāwējāsiribéokōābukuma”, āriḡū, ĩḡuyarā surarare: “Pablöre āīaka, dupaturi marī āārīrī wiigue!” ārī iriuyupu.

11 Iri ñamita marī Opu Jesús Pablöre deyoa, wereyupu:

—Gūñaturaka! Gūibirikōāka! I makā Jerusalén marārē yaa kerere wereaderosūta Roma marādere wereḡu waaka! āriyupu.

Judío masaka Pablöre wējēd̄uadea

12 Gajinu gapu surāyeri judío masaka Pablöre wējēd̄uarā nerē, āsū āriñurā:

—Dapagā merā neō baabiri, iiribirikōārā! Īgūrē wējēmerā uamerāta boarā! Īgūrē wējēbirimakū, Marīpu marīrē wajamoāburo, āriñurā.

13 Irasū ārī werenirā cuarenta nemorō āārīñurā.

14 Pupu paia oparā, gajirā judío masaka oparā puoguo wererā waañurā:

—“Dapagā merā neō baabirikōārā! Īgūrē wējēmerā uamerāta boarā! Īgūrē wējēbirimakū, Marīpu marīrē wajamoāburo”, ārābu, āriñurā.

15 Irasirirā musā, musā merāmarā oparāde ārīkatori merā kere iriuka surara opuguerē! “Ñamigā Pablöre dupaturi ĩḡū irideare weremakū péduakoa”, ārīka ĩḡūrē! Surara opu iri kerere péḡu, Pablöre oōḡue āīwāḡāridoreḡukumi. Irasirirā maague yūrā, ĩḡū oōrē ejaburo dupiyuro ĩḡūrē wējēmurā, āriñurā.

16 Pablo tīḡō magū gapu ĩḡūsā irasū ārī werenímakū péyupu. Irasirigpu Pablöre surara āārīrī wiigue āārīḡūrē wereḡu waayupu.

17 Pablo irire pégu, sugu surarare siu wereyuru:

—Ĩi maamu mu opure gajino wereduyuru. Irasirigu ĩgu purogue aĩaka! aĩyuru.

18 ĩgu irasũ aĩmakũ pégu, surara Pablo tĩgõ magũrẽ ĩgu opu purogue aĩja, aĩyuru:

—Pablo peresugue aãĩgũ yure ĩi maamurẽ mu puro iriuami. ĩgu murẽ gajino weregu aarigũ iriami, aĩyuru.

19 ĩgu irasũ aĩmakũ pégu, surara opu maamurẽ ĩgũya mojõrẽ ñeã tũãwãgã, masaka péberogue sêrẽñayuru:

—¿Naásũ aĩĩbu iriari mu yure?

20 Maamu gapu ĩgũrẽ aĩyuru:

—Judío masaka oparã murẽ ĩgũsã purogue Pablõre aĩdorerãkuma. Murẽ asũ aĩi wereniama: “Ñamigãrẽ dupaturi Pablõre sêrẽñadũakoa ĩgũ irideare õãrõ masĩmurã”, aĩkatorãkuma.

21 Irasirigu ĩgũsarẽ yujubirikõãka! Őma cuarenta nemorõ maague Pablõre wẽjẽmurã duriri merã yúsiama. “Dapagã merã neõ baabirikõãrã! ĩgũrẽ wẽjẽmerã uamerãta boarã! ĩgũrẽ wẽjẽbirimakũ, Marĩpu marĩrẽ wajamoãburo”, aĩama, aĩi wereyuru maamu surara opure.

22 ĩgu irasũ aĩmakũ pégu, surara opu gapu:

—Waaka doja! Irire gajirãrẽ neõ werebirikõãka! aĩyuru ĩgũrẽ.

Surara opu Pablõre Félix purogue iriudea

23 Maamu waadero puru, opu pẽrã ĩgũyarã surarare dorerãrẽ siu wereyuru:

—Yaarã surarare doscientos gubu merã waamurãrẽ, setenta caballu weka peyamurãrẽ, doscientos sareri yuku oparãdere Cesareague waamurãrẽ İğüsãyare âmudorerã waaka! İğüsã âmu odomakã, dapagã ñami nueve ããrĩmakã, İğüsãrẽ siiuaka!

²⁴ Pablo peyamurã caballuadere âmubosaka! Irasirigũ õãrõ waagũkumi. Õãrõ pírã waaka, İğürẽ opũ Félix pũro Cesareague! ãrĩyupũ surara opũ İğũ dokamarãrẽ.

²⁵ Irasũ ãrĩ odo, Félire su papera pũ ãsũ ãrĩ gojayupũ:

²⁶ Yũ, Claudio Lisias, mũrẽ opũ Félire yũ bũremugũrẽ õãdorea.

²⁷ Judío masaka ñi Pablo wãĩkũgũre ñeã, wějẽadima. İğũ romano marã nikũmu ããrĩrĩrẽ masĩgũ, yũ gapũ İğürẽ İğüsã wějẽboadire yaarã surara merã wijatagũ ejabũ.

²⁸ Irasirigũ İğürẽ İğüsã weresãdeare masĩduagũ judío masaka oparã pũro ãĩjabũ.

²⁹ Judío masakaya doreri ditare İğũ tarinũgãdea waja İğüsã weresãmakũ pégũ, İğürẽ peresu iribiribũ. Ñeéno waja wějẽmasĩña marĩbũ İğürẽ.

³⁰ Irasirigũ judío masaka İğürẽ wějẽkõãrã, ãrĩrĩ kerere pégũ, mu pũroguetã iriua. İğürẽ weresãnerã mu pũrogueta waa, mũrẽ weresãrã waaburo, ãrĩbũ İğüsãrẽ. Iropata ããrã, ãrĩ gojayupũ surara opũ Félire.

³¹ Irasirirã surara İğüsã opũ doreaderosũta iri ñami merã Pablõ Antípatris wãĩkũri makãgue ãĩãñurã.

³² Gajin_u gap_u surara gubu merã waanerã iro merãta ïgũsã ããrĩrĩ wiigue gãme dujáakõãñurã. Caballua weka waanerã dita Pablöre Cesareague ãñ tariañurã.

³³ P_u Cesareague Pablöre ãñja, surara op_u ïgũ iriuadea pũrẽ Félire wiañurã. Irasirirã Pablöre Félix p_urogueta pikõãñurã.

³⁴ Félix iri pũrẽ bueña odo, ãsũ ãrĩ sērẽñayup_u:

—¿Dií nikũ_u ããrĩrĩ ññ?

—Cilicia nikũ_u ããrĩmi, ãrĩ y_uññurã.

³⁵ Félix Pablöre ãrĩyup_u:

—M_urẽ weresãnerã õõrẽ ejamakũ, m_u wererire pégura, ãrĩyup_u.

Irasũ ãrĩ odo, op_u Herodes dag_uya wiigue Pablöre pí, ïgũyarã surarare koredoreyup_u.

24

Pablöre Félix ññrõ weresãdea

¹ Su mojõma n_urĩ tariadero p_ur_u, paía op_u Ananías Cesareague waayup_u. ïgũ merã gajirã judío masaka oparã, gajig_u masakare wereníbosarimasũ Tértulo wãikug_ude op_u Félire Pablöre weresãrã waañurã.

² Pablöre ïgũsã nerẽrõgue ãñjamakũ, Tértulo ïgũrẽ Félire ãsũ ãrĩ weresãñgãyup_u:

—G_ua op_u, wári masĩrĩ merã guare i nikũ marãrẽ doreg_u ããrã m_u. M_u doreri merãta i nikũ õãrĩ gorawayuro yáa. Gãmekẽãrõ marĩrõ õãrõ ããrĩkõãa.

³ Irasirirã g_ua ããrĩperero marãgue m_u merã õãrõ usuyáa.

⁴ Yoaripoe m_u merã wereníbirikoa. Irasirig_u y_u m_u merã mérõgã werenímakũ péka dapa!

5 Gwa ire wereduakoa murē. Ìi Pablo wāikugū guare garibotarimi. Āārīpereri nikūgue judío masakare guari merā gaguiní, ĩgūsā basi gāme dukawarimakū irigorenami. “Nazarenos” wāikuri bumarā opu āārīmi.

6 Marīpuya wiire ĩgū ñerō iridhamakū ĩārā, ĩgūrē peresu irimurā ñeābu, gwa judío masakaya dorerire ĩgū tarinugārī waja ĩgūrē wajamoāduarā.

7 Gwa irasiridhamakū ĩāgū, surara opu Lisias wāikugū gapu gwa puro eja, ĩgūrē turaro merā ēmakōāmi.

8 Puru Lisias, gwa ĩgūrē weresānerārē mu purogue iriuami. ĩgū irasū ārīmakū pérā, oōgue aarabu. Mu basita ĩgūrē sērēñagū, āārīpereri gwa ĩgūrē weresārīrē diayeta ārīma, ārīgukoa, ārīyupu Tértulo Félire.

9 Gajirā judío masaka iro āārīrāde: “Tértulo diayeta wereními”, ārīñurā.

10 ĩgūsā irasū ārīmakū pégu, opu Félix Pablöre mojō merā irikeo, weredoreyupu. Pablo ārīyupu ĩgūrē:

—Wári bojori i nikū marārē mu dorerire oārō masīa yu. Irasirigu yaamarē usuyari merā murē weregura.

11 Pe mojōma pere su gubu peru pērēbejarinurīta taria, yu Jerusalēgue Marīpüre buremugū ejadero puru. Irire diaye masīduagu, gajirārē sērēñaka!

12 Yu iri makāgue āārīmakū, yure weresānerā yu gajirā merā guaseomakū neō ĩābirama. Marīpuya wiire, judío masaka nerērī wiiriguedere, noó gajiro iri makā marārē gua gaguinímakū iribirabu.

13 Irasirirā yure weresānerā: “Āsū iriami, irasirigu waja opami”, ārīmasībema.

14 Murē gaji gapure weregura. Gua ñekūsāmarā Marīpura, Moisés doreri pídeare, Marīpuya kerere weredupiyunerā gojadeare b̄remuderosūta yu b̄remua. Irire b̄remukereḡu, Jesús buedeadeare b̄remua. Yure weresānerā: “Jesús bueadea ārīkatori āārā”, ārī wereníma.

15 Īgūsā: “Marīpu āārīpererā masaka boanerārē ōārārē, ñerādere masūgukumi”, ārī gūñarōsūta yude gūñāa.

16 Irasirigu yu Marīpu iūrō, masaka iūrōdere yu turaro bokatīūrō ōārō irid̄akoa.

17 Yaa makā Jerusalērē yu wiriadero pur̄u, wári bojori gajirogue naagorena, pur̄u irogueta dujáabu. Irogue eja, yaarā boporārē niyeru sīgū ejabu. Irogue āārīgū, Marīpu iūrō waibure soepeod̄adibu ĩgūrē b̄remugū.

18 Marīpuya wiigue waa, ĩgū iūrō Moisés doredeare yu iriripoe judío masaka Asia marā yure bokajama. Yu merā gajirā masaka mérāgā āārīmā. Neō ĩgūsārē gua gaguinimakū iribiribu.

19 Judío masaka Asia marā yu Marīpuya wiigue irideare iānerā, yure: “Ñerō iriami”, ārī weresād̄uarā, ōōgue m̄u iūrōgue weresārā aariburo.

20 Īgūsā aaribirimakū, judío masaka oparā ōōgue āārīrā yu ĩgūsā oparārē wereadeare péanerā: “Āsū āārā”, ārī weresād̄uarā, weresāburo.

21 I tamerārē yure weresāmasīma. Yu ĩgūsā merā āārīgū, b̄uro turaro merā: “‘Boanerā masārākuma’, ārīdea waja yure wajamoād̄akoa”, ārību ĩgūsārē, ārī wereyupu Pablo Félire.

22 Īgū irasū ārīmakū pégu, Félix gapu Jesúre

buremurã iririkurire õãrõ masĩsã, ãsũ ãrĩyupũ Pablöre:

—Iropata pégura. Surara opũ Lisias ejadero purũ, murẽ yũ iriburire weregũkoa, ãrĩyupũ.

²³ Irasũ ãrĩ odo, Pablöre koregũre: “Pere-sugue õãrõ koreka ãgũrẽ! Iri wiigueta naáa ããrĩkõãburo. ãgũ merãmarã ãgũrẽ iritamudũamakũ kãmutabirikõãka!” ãrĩyupũ.

²⁴ Yoaweyaripoe tariadero purũ, Félix ãgũ marãpo judío masako Drusila wãikũgo merã eja, Pablöre ãiridoreyupũ, Jesucristore ãgũ buremurĩrẽ weremakũ péduarã.

²⁵ Pablo ãgũsãrẽ ãsũ ãrĩyupũ: “Marĩpũ masakare diayemarẽ irimakũ, ãgũsã basi ñerõ iridũarire iribirimakũ gããmemi. I ãmũ peremakũ, Marĩpũ ããrĩpererã ñerãrẽ wajamoãgũkumi”, ãrĩ weremakũ, Félix gapũ pégũka, gũi, “Waaka!” ãrĩyupũ ãgũrẽ:

—Gajipoe yũre gajino moãrĩ marĩmakũ siiugũra doja murẽ, ãrĩyupũ.

²⁶ Félix irasũ ãrĩkeregũ: “Pablo yũre niyeru sĩburo”, ãrĩgũ, ãgũ merã werenígũ wári ãgũrẽ si-iunayupũ. “Gajipoe irigũ niyeru sĩmakũ ãgũrẽ wiubukoa”, ãrĩ gũñadiyupũ.

²⁷ Pe bojori purũ, Porcio Festo wãikũgũ Félire gor-awayugũ, opũ ñajãyupũ. Irasirigũ Félix gapũ ãgũ opũ ããrĩrĩrẽ wirigũ, judío masaka merã õãrõ ããrĩduagũ, Pablöre peresugũeta ããrĩdorekõãyupũ dapa.

25

Pablo, Festo merã werenídea

¹ Urenu ĩgũ opu ããrĩrĩ ñajãdero puru, Festo Cesareague ããrãdi, Jerusalẽgue waayupu.

² ĩgũ iroque ejadero puru, paía oparã, gajirã judío masaka oparã Pablöre ĩgũsã weresãdeare Festoguere wererã waañurã.

³ ĩgũ puro eja, turaro merã: “Guare iritamuka! Pablöre õõ Jerusalẽgue ãĩridoreka!” ãrĩ sërẽñañurã. ĩgũsã ĩgũrẽ maague aarigũre: “Wẽjẽkõãrã!” ãrĩ ãmuyusiadiñurã.

⁴ Festo gapu ĩgũsãrẽ yujuyupu:

—Pablo Cesareague peresu ããrĩmi dapa. Mérõgã puru iroque goedujáagukoa doja.

⁵ Pablo ñerõ iririkugũ ããrĩmakũ ĩãrã, mũsã oparã Cesareague yu merãta waa, ĩgũrẽ weresãrã waaburo, ãrĩyupu.

⁶ Irasirigũ Festo su semana pere, gaji semana urenu waaró merã Jerusalẽgue ããrãdi Cesareague goedujáakõãyupu. ĩgũ dujajadero puru, gajinu gapu weresãrĩrẽ beyeri wiigue waayupu. Iro eja, opu doarogue doa, Pablöre ãĩridoreyupu.

⁷ Pablo iroque ejamakũ ĩãrã, judío masaka Jerusalén merã aaranerã ĩgũ puro waa ejanugã, ĩgũrẽ wári ñerĩ weresãdiñurã. Irasũ ãrĩ weresãkererã: “Ãsũ irimakũ ĩãbu”, neõ ãrĩmasĩbiriñurã.

⁸ Puru Pablo ĩgũ irideare wereyupu:

—Judío masaka dorerire, Marĩpuya wiima dorerire, romano marã opu doreridere neõ tarinugãbiribu yu, ãrĩyupu.

⁹ Festo gapu judío masaka merã õãrõ ããrĩduagu, Pablöre sërẽñayupu:

—¿Jerusalégue waadɯakuri? Irogue mɯ irideare yɯre weremakũ, ĩgũsã mɯrẽ weresãdeare weremakũ pédɯakoa, ãrĩyɯɯɯ.

10 ĩgũ irasũ ãrĩmakũ, Pablo yɯjɯyɯɯɯ:

—Yɯ òõ romano marãrẽ weresãrĩrẽ beyerogue ããrĩsiáa. Irasirigɯ Jerusaléguere waadɯabirikoa. Òõta yɯre irire beyero gããmea. Judío masakare neõ ñerõ iribiribɯ. Mɯ irire òãrõ masĩkoa.

11 Yɯ ñerõ iridi tamerã: “Yɯre wějēbirikõãka!” ãrĩbiriboakuyo. ĩgũsã yɯre ãrĩkatori merã weresãdea ããrĩmakũ, neõ sugɯ opɯguere wiamasĩña máa. Yɯ irideare romano marã opɯre beyemakũ gããmekoa, ãrĩyɯɯɯ Pablo Festore.

12 ĩgũ irasũ ãrĩmakũ pégu, Festo ĩgũ merãmarã merã wereníodo, Pablöre ãrĩyɯɯɯ doja:

—Mɯ irideare romano marã opɯre weredɯamakũ, ĩgũ pɯrogue iriugɯra mɯrẽ, ãrĩyɯɯɯ.

Pablo, opɯ Agripare weredea

13 Yoaweyaripoe pɯɯɯ Festo opɯ ñajãdero pɯɯɯ, Judea marã opɯ Agripa wãikɯgɯ, ĩgũ tĩgõ Berenice merã Cesareague Festore òãdorerã waañurã.

14 Agripa irore yoaripoe ããrĩmakũ, Festo Pablöre ĩgũsã irideare wereyɯɯɯ ĩgũrẽ:

—Òõrẽ sugɯ ããrĩmi Félix peresu iridi.

15 Yɯ Jerusalégue ããrĩmakũ, paía oparã, gajirã judío masaka oparã ĩgũrẽ yɯre weresãrã ejama. “Ĩgũ ñerõ iridea waja wějēdoreka!” ãrĩ sērēma yɯre.

16 Yɯ gapɯ: “Gɯa romano marã ubugorata gajirãrẽ neõ wějēdorebea. Irasirirã sugɯ masakɯre weresãnerã ĩgũsã weresãdi merã weresãrĩrẽ beyerimasũ ĩũrõ gãme wereníbirikererã: ‘Wějēkõãka!’ ãrĩmasĩbema”, ãrĩ yɯjɯɯɯ.

17 Irasirigũ ĩgũrẽ weresãnerã yũ merã õõgue ĩgũsã ejadero pũrũ, yooboro marĩrõ gajinũ gapũ weresãrĩrẽ beyeri wiigue waabũ. Iro eja, opũ doarogue doa, ĩgũsã weresãdire ãĩridorebu.

18 ĩgũ yũ pũro ejamakũ ĩãrã, ĩgũrẽ weresãnerã wãgãnũgãma. ĩgũsã wãgãnũgãmakũ ĩãgũ: “Ĩgũ ñerĩ irideare wári weremurã yãma”, ãrĩ gũñadibũ. ĩgũsã gapũ: “Ĩgũ ñerĩ irimakũ ĩãbũ”, ãrĩ neõ weremasĩbirima.

19 Judio masaka bũremurĩ ditare weresãma. “Jesús wãĩkũgũ boa, pũrũ masãdi ããrĩmĩ”, ĩgũ ãrĩdea waja weresãma ĩgũrẽ.

20 Nasirimasĩbirisĩã, ĩgũrẽ sẽrẽñabu: “¿Jerusalẽgue mũde yũ merã waadũakuri? Iroque yũ merã waasĩã, mũ irideare wereaso yũre”, ãrĩbu ĩgũrẽ.

21 Yũ irasũ ãrĩmakũ pégũ: “Iroguere waadũabirikoa, Romano marã opũ gapũre yũ irideare weregũ waadũakoa”, ãrĩmi. Irasirigũ yũ gapũ ĩgũrẽ õõta pĩkõãbũ dapa. “Yũ mũrẽ iriumakũ, romano marã opũ Augusto pũro waagũkoa mũ”, ãrĩbu ĩgũrẽ, ãrĩ wereyupũ Festo Agripare.

22 Agripa Festore ãrĩyupũ:

—Yũde ĩgũ weremakũ pẽdũakoa.

—Jãu, ñamigãta ĩgũrẽ pégũkoa mũ, ãrĩyupũ.

23 Gajinũ gapũ Agripa, ĩgũ tĩgõ Berenice merã iri makã marã nerẽrĩ taribugue waañurã. Iroque ñajãrã, oparã sãñarĩ surĩ merã ñajãñurã. Gajirã surara oparã, iri makã marã oparãde ĩgũsã merã ñajãñurã. ĩgũsã nerẽadero pũrũ, Festo Pablora ãĩridoreyupũ.

24 Pablo ĩgŭsã pŭroque ñajãjamakŭ, Festo iro ããrĩrãrẽ ãrĩyupŭ:

—Opŭ Agripa, ããrĩpererã i taribugue nerẽanerã õãrõ péka yŭre! Wárã judío masaka Jerusalén marã, i makã marãde ĩrẽ weresãma yŭre. “Wějẽkõãka ĩgŭrẽ!” ãrĩ gaguiníma.

25 ĩgŭsã irasŭ ãrĩkeremakŭ, yŭ gapŭ ĩgŭsã ĩgŭrẽ wějẽrõ gããmea, ãrĩrĩ wajare bokabiribŭ. Irasirigŭ opŭ Augustore ĩgŭ irideare weregŭ waadŭakoa, ãrĩmakŭ: “ĩgŭ pŭroque iriugŭra”, ãrĩ gũñabŭ.

26 Yŭ gapŭ ĩgŭrẽ ĩgŭsã weresãdeare õãrõ masĩbirisĩã, opŭ Augustore irimarẽ gojabiribŭ dapa. Irasirigŭ ĩgŭrẽ ãĩridoreabŭ, ĩgŭ irideare mŭsã péuro weredoregŭ. Opŭ Agripa, ĩgŭ irideare weremakŭ mŭ péadero pŭrŭ, ĩgŭrẽ sërẽña, pŭrŭ yŭ õãrõ gojagŭkoa pama marĩ opŭ Augustore.

27 Sugŭ masakŭre ĩgŭ ñerõ irideare masĩbirikererã, marĩ opŭ Augusto pŭroque iriumasĩña máa. ĩgŭrẽ weresãdeare õãrõ masĩbirikererã ĩgŭrẽ iriurã, ubugorata iriubukoa, ãrĩyupŭ Festo Agripare.

26

Pablo Agripare weredea

1 Irasirigŭ Agripa Pablöre:

—Wereka yŭre mŭ irideare! ĩgŭsã mŭrẽ weresãdeare mŭ yŭjŭmakŭ pédŭakoa, ãrĩyupŭ.

ĩgŭ irasŭ ãrĩmakŭ pégŭ, Pablo ĩgŭya mojórẽ soemu, ĩgŭ irideare werenŭgãyupŭ:

2 —Opŭ Agripa, dapagorare mŭ yŭre were-doremakŭ, bŭro ɯsŭyãa. Irasirigŭ yŭ irideare,

judío masaka yure weresãdeare ããrĩpererire murẽ weregura.

³ Gũa judío masaka iririkurire gũa gãme werenĩrdere õãrõ masĩkoa. Irasirigũa bopoñarĩ merã yũa weremakũ, õãrõ péka!

Pablo Jesúre bũremuburi dupiyuro ãgũ ããrĩrikũdeare werede

⁴ 'Ããrĩpererã judío masaka yaa nikũ marã, Jerusalén marãde yũa majĩgũgueta ãgũsã merã ããrĩdeare masĩma.

⁵ Yũa maamũgueta fariseo bumũa ããrĩdi ããrĩbũ. Murẽ irire weredũarã, weremasĩma. ããrĩpererã gũa judío masaka watopeguere fariseo bumarã gũa bũremurĩrẽ gajirã nemorõ õãrõ yãma.

⁶ Marĩpũa gũa ñekũsãmarãrẽ masaka boanerãrẽ masũgũra, ãrĩdeare yũa bũremurĩ waja yure weresãrã õõgue iriũa wajamoãburo, ãrĩrã.

⁷ Gũa judío masaka, Israel bumarã pe mojõma pere su gubu peru pẽrẽbejari buri marãgora, Marĩpũa marĩ boadero pũa masũburire usũyari merã yúa. Irasirirã ãmurĩ, ñamirĩ Marĩpũre bũremunĩkõãa. Opũa Agrĩpa, gũa irire yũkeremakũ, surãyeri judío masaka weresãma yũa irire bũremurĩ waja.

⁸ Mũsã gapũa, ¿nasirirã Marĩpũa boanerãrẽ masũburire bũremuberi?

Pablo Jesúre bũremurãrẽ ãgũ ñerõ iriunadeare werede

⁹ 'Iripoegue Jesús Nazaretmurẽ bũremurãrẽ yũa bokatĩũrõ ñerõ iridũadibũa.

10 Jerusaléguere paía oparã dorero merã wárã Jesúre b̄remurãrẽ peresu irib̄. Irasiriḡu oparã ãḡsãrẽ wẽjẽdoremakũ, ȳnde neõ kãmutabirib̄.

11 Aãrĩpereri ãḡsã nerẽrĩ wiirigue ñajãa, Jesúre b̄remurãrẽ ñerõ iriunab̄, ãḡrẽ b̄remurĩrẽ piriburo, ãrĩgũ. ãḡsã merã b̄uro guab̄. Gaji makãrĩguedere irasũta ñerõ irigorenab̄.

Pablo Jesúre b̄remun̄gãdeare werede

12 'Irasiriḡu Damascogue Jesúre b̄remurãrẽ ñerõ iriḡu waadib̄, paía oparã ȳre: “Ḡua dorero merã waaka!” ãrĩmakũ péḡ.

13 Op̄u Agripa, ȳ maague waamakũ, ãsũ waab̄. Goeripoe ããrĩmakũ, ãm̄ugasigue abe ãm̄m̄m̄ gosero nemorõ goesirib̄ ȳ p̄ro, ȳ merã waanerã p̄rodere.

14 Ḡua ããrĩpererã yebague meémejãb̄. Suḡu ȳre hebreo ya merã werenímakũ péb̄. “Saulo, ¿nasiriḡu ȳre ñerõ yári m̄? M̄ ȳre ñerõ iriḡu, m̄ basita ñerõ yáa”, ãrĩmi ȳre.

15 ãḡu irasũ ãrĩmakũ péḡ, ȳ gap̄: “¿Noã ããrĩrĩ m̄?” ãrĩ s̄rẽñab̄. Marĩ Op̄u gap̄ ãsũ ãrĩmi: “Ȳ, Jesús, m̄ ñerõ iriḡta ããrã.

16 Wãgãn̄gãka! Ȳ m̄rẽ deyoa, ȳre moãboeḡu ããrĩburo, ãrĩgũ. Irasiriḡu m̄ ȳre ããdeare, p̄rugue ȳ m̄rẽ ãmuburidere gajirãrẽ wereḡkoa.

17 Ȳ m̄rẽ judío masaka ããrĩmerãrẽ buebure iriuḡra. Judío masaka, judío masaka ããrĩmerãde m̄rẽ ñerõ irimakũ wijataḡra.

18 Ȳ m̄rẽ judío masaka ããrĩmerãrẽ buedoreḡu iriuḡkoa, yaa kerere masĩburo, ãrĩgũ. Irasirirã ñerĩrẽ pirirãkuma. Koye ããpãmerã, naĩĩãrõgue ããrĩrã irirosũ ããrĩbirikuma. Boyorogue ããrĩrã

irirosũ ããrĩrākuma. Wātĩ ĩgũsã opũ ããrĩbirikumi pama. Marĩpũ gapũ ĩgũsã Opũ ããrĩgũkumi. Irasirigũ, ĩgũsã yũre bũremumakũ ĩãgũ, Marĩpũ ĩgũsã ñerĩ irideare kãtigũkumi. ĩgũsãrẽ ĩgũyarã ããrĩmakũ irigũkumi”, ãrĩmi Jesús yũre.

Pablo, Jesús dorerire yũjũdea

19 'Opũ Agripa, ãmũgasigue Jesús yũre werenĩdeare tarinũgãbiribũ.

20 Irasirigũ Damasco marãrẽ ĩgũya kerere werepũroribũ. Pũrũ Jerusalén marãrẽ, ããrĩpererogue Judea marãrẽ werebũ. Judío masaka ããrĩmerãdere werebũ. “Mũsã ñerõ irideare bũjawere, mũsã gũñarĩrẽ gorawayuka! Marĩpũ gããmerĩ gapũre irika! Irasirirã mũsã gũñarĩ gorawayuadeare ĩmurãkoa”, ãrĩ buebũ ĩgũsãrẽ.

21 Yũ irire buedea waja judío masaka Marĩpũya wiigũ yũ ããrĩgũrẽ ñeã wẽjẽdũarã irima.

22 ĩgũsã irasirikeremakũ, Marĩpũ gapũ yũre iritamuníkõãmi. Irasirigũ ããrĩpererã oparãrẽ, ubu ããrĩrãdere yũ ĩgũya kerere wererire neõ piribea. Iripoegue Moisés, gajirã Marĩpũya kerere weredupiyunerã, pũrũgue ãsũ waarokoa, ãrĩdeare werea. ãsũ ãrĩ gojanerã ããrĩmã:

23 “Cristo, Marĩpũ iriudi bũro ñerõ tarigũkumi. ĩgũ boadero pũrũ, ĩgũta masãpũrori, neõ dupaturi boabirikumi. Irasirigũ ĩgũ masakare taugũ ããrĩrĩrẽ judío masakare judío masaka ããrĩmerãdere masĩmakũ irigũkumi”, ãrĩ gojanerã ããrĩmã, ãrĩ wereyupũ Pablo Agripare.

Pablo Agripare: “Jesúre bũremuka!” ãrĩ weredea

24 ĩgũ irasũ ãrĩripoeta Festo gaguinĩyupũ:

—Pablo, mirēgũ yáa. Wári buetarisĩã, mirērĩmasũ waáa, ãrĩyupũ.

²⁵ Pablo gapũ Festore ãrĩyupũ:

—Yũ opũ, mirēbea. Yũ wereri diayeta ããrã. Irasirigũ ire goepeyaro merã werea.

²⁶ Opũ Agripa gapũ, yũ wereri ããrĩpererire õãrõ masĩkumi. Irire masĩa yũ. Irasirigũ ìgũrẽ güiro marĩrõ werea. Yũ Jesúyare weregũ, yayerogue werebea, ãrĩyupũ Pablo Festore. Irasũ ãrĩ odo, ãsũ ãrĩyupũ Agripare:

²⁷ —Opũ Agripa, Marĩpũya kerere weredupiyunerã gojadeare bũremua mũ. Mũ irire bũremurĩrẽ masĩa yũ, ãrĩyupũ.

²⁸ Agripa ìgũrẽ yũjũyupũ:

—Iropagã werekeregũ, ¿yũre Jesúre bũremumakũ iridũari? ãrĩyupũ.

²⁹ Ìgũ irasũ ãrĩmakũ pégũ, Pablo yũjũyupũ ìgũrẽ:

—Jesúyare wári, o mérõgã weregũ, mũsã ããrĩpererãrẽ yũ irirosũ ìgũrẽ bũremumakũ gããmea. Marĩpũguere irire sērēbosáa. Yũ peresugue ããrĩgũ irirosũ mũsã ããrĩmakũ tamerãrẽ gããmebea, ãrĩyupũ.

³⁰⁻³¹ Ìgũ irasũ ãrĩmakũ pérã, Agripa, Festo, Berenice gajirã ìgũsã merã doanerãde wãgãnũgã, gaji taribugue waa, ìgũsã basi ãsũ ãrĩ gãme werenĩñurã:

—Ìgũrẽ i waja wējērõ gããmea, ãrĩrĩ máa. I waja peresu iriro gããmea, ãrĩrĩde máa, ãrĩ gãme werenĩñurã.

³² Irasirigũ Agripa ãsũ ãrĩyupũ Festore:

—Pablo romano marã opũre yũ irideare weredũakoa, ìgũ ãrĩbirimakũ, marĩ ìgũrẽ peresugue ããrĩgũrẽ wiukõãboakuyo, ãrĩyupũ.

27

Pablore Romague iriudea

¹ Irasirirã Pablore, gajirã peresu ããrĩrãdere doódiru merã Italia nikũma makã Romague gũa merã iriuma. Julio wãikũgũ surara opũdere iriuma ãgũsãrẽ koredorerã. ãgũsã romano marã opũ Augusto wãikũgũyarã surara ããrĩmã.

² Gũa Adramitio wãikũri makã marãya doódiru Asia nikũma perague waadiru merã waabũ. Gajigũ Aristarco wãikũgũ Macedonia nikũma makã Tesalónica wãikũri makãmũde gũa merã waami.

³ Gajinũ gapũ Sidón wãikũri makãma perague ejabũ. Irogue ejadero pũrũ, Julio Pablore bopoñarĩ merã ãã, ãgũrẽ ãgũ merãmarã pũro naadoregũ iri-umi, ãgũsã ãgũ gããmerĩrẽ sĩburo, ãrĩgũ.

⁴ Gũa iri makãgue ããrãnerã doódiru merã waamakũ, bũro mirũ gũare gajipãrẽgue wẽjãputaribujubũ. Irasirirã Chipre wãikũri nũgũrõ kũgapũ dujamakũ taribũ. Iro gapũ mirũ wẽjãpubiriweyabũ.

⁵ Ciliciare, Panfliadere taribũ. Pũrũ Licia nikũma makã Mira wãikũri makãgue ejabũ.

⁶ Gũa irogue ejamakũ, surara opũ gajiru doódiru bokajami. Iriuru Alejandriague aaradiru, Italiague waaburidiru ããrĩbũ. Irasirigũ gũare irirugue ñajãdoremi.

⁷ Iriuru merã waarã, mirũ gũare bũro wẽjãpu kãmutamakũ, yoaripoe yoobobũ. Bũro ñerõ tariri merã waa, Gnido wãikũri makã bokatĩũrõ ejabũ. Irore gũa tarimakũ, mirũ dupaturi bũro wẽjãpubũ. Gũa waaderoguere ejamasĩbiribũ.

Irasirirā Creta wāikuri nūgūrōgue waa, Salmón wāikuri ñorōrē tariadero p̄ru, mirū guare neō wējāputaribujubiribu pama.

⁸ Iri nūgūrō t̄ro taria, gariboretarianerāgue “Ōārī pera” wāikurogue ejabu. Iri pera Lasea wāikuri makā p̄roque āārībú.

⁹ Gūa yoaripoe yooboadea waja puibu waaburo mérōgā d̄yabu. Irasirigu Pablo doódiru moārārē weremi:

¹⁰ —Péka! Marī dapagora waamakū, iru doódiru, doebiride dederibukoa. Marīdere mirīboama goe-goráa, ārādimi.

¹¹ Īgū irasū ārīkeremakū, surara opu Pablo wererire pébirimi. Doódiru opu, iriru wejatugu wereri gapure b̄remami.

¹² Īgūsā ejadea pera gapu puibu tamumakū, ñegorayuro. Irasirirā: “Fenice wāikuri makāgue waakōādorea. Gajipoe irirā iroque puibu tamubukoa”, ārīma. Fenice, Creta nūgūrōma makā abe ñajārō gapu āārīrī makā āārīyuro. Iri makāma pera gapure mirū wējāpubiriweyayuro.

Wádiyague b̄ro mirū waadea

¹³ Irasirirā sur gapu mirū wējāpuweyamakū ĩārā, doódiru moārā: “Ōārīnu āārīrokoa”, ārī gūñadima. Gūa irirure ñajāa, Creta nūgūrō t̄ro waabu Fenicegue waaduarā.

¹⁴ Mérōgā p̄ru b̄ro mirū nordeste wāikuri aaribú.

¹⁵ Irasiro guaya doódirure mirū wējāpubéokōābu. Mirū iro wējāpumakū gāme goroamasībiri, mirū wējāpuro gaputa waabu.

16 Gua Cauda wāikuri nugūrōgā turogue ejamakū, mirū wējāpubiriweyabu. Irasirirā gua buro moātarianerāgue doódirumarū médiru kūmagārē ōārō tūāmu suapeobu. Iriro wádiru mirīmakū, ĩgūsā ñajāburidirugā āārībá.

17 Irirugārē suapeo odo, wádirure pūgubudari merā sanemoma mirū merā waaríri, ārírā. Puru güi, Sirte wāikuri ĩmiparo miēgue marirē mirū āārī, ārírā, ĩgūsā mirū ñeārī gasiri suatúdea gasirire kuradijukōāma. ĩgūsā kuradijuadero puru, mirū wējāpuro gaputa waabu.

18 Gajinu gapu marārōta buro mirū wējāpumakū ĩārā, iriruma doebirire diague béobu.

19 Gajinu gapudere iriruma āārīrērē diague béobu.

20 Yoaripoe ñípirinurī āārīmakū, abe ũmum, neñukāde neō deyomarīma. Buro mirū wējāpubu dapa. Irasirirā: “Iro diaye waakōāa”, ārī masīña marībū guare. “Mirī boakōārākoa”, ārī güñabu.

21 Irasirigu yoaripoe gua baabirimakū ĩāgū, Pablo gua watopegue āārādi wāgānugā, āārīpererārē ārīmi:

—Mūsā yu Cretague weredeare pémakū ōāgorabukuyo. Marī iro wirimerā, irure poyanorē, doebiridere dedeubiriboakuyo.

22 Irasirirā dapagorare yu weremakū péka! Güñaturaka! Güibirikōāka! Neō sugu boabiriko. Iru doódiru dita dederirokoa.

23 Yu Marīpuyagu āārā. ĩgūrē buremua. Dapagā ñami ĩgūrē wereboegu yu deyoami.

24 Āsū ārāmi: “Pablo, neō güibirikōāka! Mu romano marā opure mu irideare wereguko. Marīpu

marē maĩrĩ merã ããgũ, mu sērēaderosũta marē, mu merãmarã irugue ããrĩrãdere taugukumi”, ãrãmi.

25 Irasirirã gũñaturaka! Marĩpu ãgũrē were-boegu yure ãrãaderosũta waamakũ irigukumi, ãrĩ buremua.

26 Irasiriro marĩrē nugũrõgue mirũ wējãpumeétúrokoa, ãrĩ weremi Pablo.

27 Su ñami, pe semana gũa Cretare wiriadero puru, wádiya Adria wãĩkũdiya mirũ buru wējãpuro gapũta waabu dapa. Ñami deko ããrĩmakũ, doódiru moãrã: “Marĩ nikũgue ejarã irisuyua”, ãrĩma.

28 Irasirirã pũgubudague kõmerũrē suatúdiyu keoñama. Ñgũsã keoñamakũ, treinta y seis metrogora ukũãbu. Mérõta waa, dupaturi keoñamakũ, veintisiete metrogora ukũãbu.

29 Irasirirã ñami ããrĩyomakũ, ùtãyerigue meétuabukoa, ãrĩ gũirã, ãsũ irima. Wapikuri majĩ kõme majĩrĩpare iriyaburigue pũgubudari merã suatúadeare wejaturo gapu meéyoma irirure tũãñeãpauburo, ãrĩrã. Irasiri odo: “Murĩgora boyoro gããmeadãa”, ãrĩ gũñarikuma.

30 Iri ñamita irirure moãrã gapu duriduarã irima. Irasiri gajĩ kõme majĩrĩrē wejadupiyuro gapu meéyomurã yãa, ãrĩkato, doódirumarũ médirugãrē ãĩdiyu, iriru merã duriduarã irima.

31 Ñgũsã duriduumakũ ããgũ, Pablo surara opure ãgũyarã suraradere weremi:

—Ñisã iru moãrã médirugã merã waamakũ, musã ããrĩpererã taribirikoa, ãrĩmi.

32 Ñgũ irasũ ãrĩmakũ pérã, surara gapu médirugã ãgũsã suadeadarire dititã, diague béokõãma.

³³ Boyoburi dupiyuro Pablo ĩgūsārē baadoregũ, ãsũ ãrĩmi:

—Pe semanagora waáa, mũsã baamerãta buro gũñarikuro.

³⁴ Irasirigũ tariduarã baaka! ãrĩ, buro sērēa. Neõ sugũ mũsã dederibirikoa. Mũsãya poadaride neõ dederibirikoa, ãrĩmi.

³⁵ Irasũ ãrĩ odo, Pablo pãrē ãĩ, ããrĩpererã ĩũrõ Marĩpũre: “Mũ merã usuyáa”, ãrĩ, irire dukawa baami.

³⁶ ĩgũ baamakũ ĩãrã, ĩgũsãde ããrĩpererã gũñatura baama.

³⁷ Gũa irirugue ããrĩã ããrĩpererã doscientos setenta y seis gora ããrĩbũ.

³⁸ Irasirirã ĩgũsã ããrĩpererã baayapi, pũrũ irirugue ããrĩrĩ, wãri trigore diague béoma, kãrãwũridiru dujaburo, ãrĩrã.

Doódiru ĩmparogue soemũrĩbeja mirĩdea

³⁹ Boyoripoe doódiru moãrã nugũrõrē ĩãboka: “Ãsũ wãĩkũri nugũrõ ããrã”, ãrĩ ĩãmasĩbirima. Dupatũgũguere ĩmparo ããrĩmakũ ĩãrã: “Sõõ bũanumuarã! Gajipoe irirã iro majãbukoa”, ãrĩma.

⁴⁰ Irasirirã kõme majĩrĩrē ĩgũsã suadeadarire ditimeédijubéokõãma. Iri odo, wejadupabu wejaturi ĩgũsã suadeadarire kurama. Pũrũ iriru wejadupiyuro gapũ ããrĩrĩ surĩ gasirore ãiwãgũnúma mirũ ãĩaburo, ãrĩrã. Irasiriro ĩmparo pũro gapũ numuabũ.

⁴¹ Numua, wejadupiyuro gapũ ĩmparo ãkũãberogue soemũrĩbejabũ. Neõ soebumasĩña marĩbũ. Iriro wejaturu gapũ makũrĩ pagari meétuamakũ waariakõãbũ.

⁴² Irasũ waamakũ ĩãrã, surara gapũ ãrĩma:

—Iru mirĩmakũ, marĩ peresu irianerã bñnumuã, duriakõãbukuma. Irasirirã ãgũsãrẽ wẽjẽpeokõãrã! ãrĩ werenĩma ãgũsã basi.

⁴³ ãgũsã opu gapu Pablöre tauduagu: “Neõ sugure wẽjẽbirikõãka! ããrĩpererã bámasĩrã mata nuãgũrõ turogue bñnumuaka!” ãrĩmi.

⁴⁴ “Gajirã taboa majĩrĩ merã, gaji iriruma waari-adea majĩrĩ merã payanumuaka!” ãrĩmi. Irasirirã ããrĩpererã iri merã bñnumuã, õãrõ tariperekõãbu.

28

Pablo, Malta wãikuri nuãgũrõgue ejadea

¹ ããrĩpererã turogue majñnuããdero puru iri nuãgũrõrẽ ããmasĩbu. Malta wãikuri nuãgũrõ ããrĩdero ããrĩbũ.

² Iri nuãgũrõ marã masaka guare õãrõ irima. Deko merẽmakũ, guare buro yusakubu. Irasirirã guare peame diubosa, sũmadorema.

³ Pablode pea bojoñajãri seagu waa, seatĩãmi. ãgũ seatĩãripoe ãña ãgũ seadeague ããrãdi peame asiri güiwirigu, Pablöre ãgũya mojõgue kũrĩmeésiami.

⁴ ãgũrẽ kũrĩmeésiamakũ ããrã, iri nuãgũrõ marã ãgũsã basi ãsũ ãrĩ gãme werenĩma:

—Ĩĩ masakare wẽjẽdi ããrĩkumi. ãgũ dia wãdiyare tariadi ããrĩkeremakũ, marĩ buremugõ masakare wajamoãdorego ãgũrẽ okadorebirikumo, ããrãdima.

⁵ Pablo gapu ãñarẽ peamegue wẽjãsiri meépeokõãmi. Neõ pũrĩsũbirimi.

⁶ Irasirimakũ ããrã, iro marã gapu: “Bijiakõãrokoa”, ãrĩma. ãgũrẽ bijibirimakũ ããrã: “Gũñaña marĩrõ kõmoakõãgũkumi”, ãrĩma

doja. Yoaripoe ĩgũ pũrĩsũbirimakũ ĩārā: “Ĩi sugũ ãmũgasigue marā opũ ãārĩkumi”, ārĩma.

⁷ Gũa majãdero pũro iri nũgũrõ marā opũ Publio wãĩkũya nikũ ãārĩbũ. Gũare ĩgũya wiigũe siiuami. Irasirirã gũa urenũ ĩgũ merã ãārĩmakũ, gũare õārõ irimi.

⁸ Publio pagũ nimakũri yojo merã sĩrĩgũ ĩgũ kãrĩrõgũe peyami. Irasirigũ Pablo ĩgũrẽ ĩãgũ waa, ĩgũya taribugũe ñajãa, Marĩpũre sērẽ odo, ĩgũya mojørĩ merã ĩgũ weka ñapeo, taumi.

⁹ ĩgũrẽ taumakũ ĩārã, ãārĩpererã gajirã iri nũgũrõ marã pũrĩrikũrã Pablo pũro ejama. ĩgũsã ejamakũ ĩãgũ, Pablo ĩgũsãdere taumi.

¹⁰ ĩgũ irasirimakũ ĩārã, wãri gajino sĩma, gũare ĩgũsã bũremurĩrẽ ĩmurã. Pũru gũa waaburi dupiyurogã ãārĩpereri gũa gããmerĩ, gũa baaburidere doódirugũe durisãbosama.

Pablo Romague ejadea

¹¹ Gũa iri nũgũrõgũe urerã abe ãārãdero pũru, doódiru Alejandrĩague aaradiru merã waabũ doja. Iriru iri nũgũrõgũe puibũ tamudero ãārĩbũ. Iriru wejadupiyurore pẽrã masaka bũremurã Cãstor, Pólux wãĩkũrã keori weadea ãārĩbũ.

¹² Gũa iriru merã waa, Siracusa wãĩkũri makãma perague ejabũ. Irore urenũ ãārĩbũ.

¹³ Iri makãrẽ wiriwãgã, iri nũgũrõ tũro taria, Regio wãĩkũri makãgũe ejabũ. Gajinũ gapũ gũa waaripoe gũa pũru gapũ mirũ wẽjãpuwãgãribũ. Irasirirã gajinũ gapũta Puteoli wãĩkũri makãgũe ejabũ.

¹⁴ Irogũe gajirã Jesũre bũremurãrẽ bokajabũ. ĩgũsã gũare: “Su semana gũa merã dujaka!”

ãrĩmakũ pérã, su semanagora ãgũsã merã dujabũ. Pũũ Romague waarã, maa merã waabũ.

15 Gajirã Roma marã Jesúre bũremurã gũa waarĩ kerere pérã, Apio wãikũri makãgue gũare bokatĩrĩrã ejama. Iri makã doebiri duari makã ããrĩbũ. Pũũ maague yoaweyaro waaripoe naarã kãrĩrĩ wiiri, urre wii ããrĩõgora gajirã gũare bokatĩrĩrã ejama. ãgũsã bokatĩrĩrã ejamakũ ããgũ, Pablo usuyari merã Marĩpũre: “Mũrẽ usuyari sĩa”, ãrĩ, siñajã gũñaturakõãmi.

16 Romague gũa ejadero pũũ, surara opũ peresu ããrĩrãrẽ Pablo merã ããnerãrẽ iro marã peresu ããrĩrãrẽ korera opũre wiami. Pablo gapũre: “Sugũta ããrĩduamakũ õãrokoa”, ãrĩ, sugũ surara ãgũrẽ korebure pími.

Pablo Roma marãrẽ buedea

17 Ƴrenũ pũũ Pablo judío masaka oparãrẽ iro ããrĩrãrẽ siiu neeõmi. ãgũsã nerẽperemakũ ããgũ, ãsũ ãrĩmi:

—Yaarã, yũ marĩyarãrẽ, marĩ ñekũsãmarã iriunadeadere tarinũgãbirikeremakũ, Jerusalén marã yũre ñeã, romano marã oparãguere wia, yũre peresu irima.

18 Romano marã oparã gapũ yũre sãrẽña wiudũadima wẽjẽrõ gããmea, ãrĩrĩ bokabirisĩa.

19 Marĩyarã judío masaka gapũ neõ yũre wiudũabirima. ãgũsã irasirimakũ ããgũ: “Romano marã opũre yũ irideare weredorerã iriuka!” ãrĩ sãrẽbũ. Irire sãrẽgũ, yũ gapũ marĩyarãrẽ: “Ñerõ irima”, ãrĩ weresãbiribũ.

²⁰ Irasirigũ musārē ire werebu siiuabũ. Marĩ judío masaka yoaripoe yúdi, marĩrē taugũ, Jesucristo ãārĩmi. Yũ ĩgũrē bũremurĩ waja peresugue i kōmeda merã suasũdi ãārã, ãrĩ weremi Pablo judío masaka oparãrē.

²¹ ĩgũsã ĩgũrē ãrĩma:

—Neõ su papera pũ, marĩyarã Judea marã, m̃yamarē gojadea pũrē ñeãbea. ĩgũsã õõgue naarã ejanerãde murē neõ ñerõ ãrĩ weresãbirima. Gajirãde: “Ñerõ irimi”, ãrĩ werebirima gũare.

²² I ditare masĩa. ãārĩpererogue marã masaka mũ merãmarãrē: “ĩgũsã bueri ñegorãa”, ãrĩ werenĩma. Irasirirã mũ buerire pẽduakoa, ãrĩma.

²³ Irasirirã sunũ irire werenĩburinũrē beye odo, waakõãma. Pũrũ irinũ ejamakũ ĩãrã, wãrã masaka Pablo ãārĩrĩ wiigue ejama. Irasirigũ boyoripoe ãārĩmakũ, ĩgũsãrē buenũgãdi, bueneãkõãmi. Marĩrũ ĩgũyarãrē doreri kerere buemi. Moisés gojadeare, Marĩrũya kerere weredupiyunerã gojadedere buemi, Jesúre bũremuburo, ãrĩgũ.

²⁴ Surãyeri ĩgũ buerire bũremuma. Gajirã gapũ neõ pẽduabirima.

²⁵ Irasirirã surosũ gũñabiri, wirianokõãma. ĩgũsã wiriaripoe Pablo ãrĩmi:

—Õãgũ deyomarĩgũ Marĩrũya kerere weredupiyugũ Isaías merã marĩ ñekũsãmarãrē diayeta weredi ãārĩmĩ. ãsũ ãrĩ weredi ãārĩmĩ:

²⁶ Masakare ãsũ ãrĩ weregũ waaka: “Ëmurikũ musã yaare pẽkererã: ‘Irasũ ãrĩduaro irikoa’, ãrĩ neõ pẽmasĩbea. Ëmurikũ yũ õãrõ iririre ĩãkererã: ‘Irasũ ãrĩduaro irikoa’, ãrĩ neõ ĩãmasĩbea”, ãrĩ wereka ĩgũsãrē!

27 Yaa werenírĩrẽ pémerã diayeta pémasĩbema. Irasirirã gãmipũrĩ pémerã, koye ãpãmerã irirosũ ããrĩma. Irasũ ããrĩmerã ãmasĩ, òãrõ pémasĩbukuma. Irasirirã yũ pémasĩrĩ sĩrĩrẽ oparã yũre bũremubukuma. Irasirigũ ãgũsãrẽ tauboakuyo, ãrĩdi ããrĩmĩ.✠

28 Irasirirã musã yũre péduabiri waja dapagora merã Marĩpũ masakare tauri kerere judío masaka ããrĩmerã gapũre wererã waarãkoa. ãgũsã gapũ pérãkuma, ãrĩmi Pablo judío masaka ãgũ pũro nerẽanerãrẽ.

29 ãgũ irasũ ãrĩmakũ pérã, ãgũsã basi bũro gãme turi wiriama.

30 Pe bojorigora Pablo iro marã ãgũrẽ wayudea wiigũe ããrĩmĩ. ãgũ iri wiigũe ããrĩrĩ waja ãgũsãrẽ niyeru merã wajarinami. Iri wiigũe ããrĩgũ, ãgũrẽ ããrã ejanarãrẽ usũyari merã bokatĩrĩñeãnami.

31 Gũiro marĩrõ Marĩpũ ãgũyarãrẽ doreri kerere, Jesucristoya keredere buenami. Neõ sugũ ãgũrẽ: “Buebirikõãka!” ãrĩbirima.
Iropata ããrã.
Lucas

Marĩpuya Kerere Wereri Turi New Testament in Siriano

copyright © 2009 Wycliffe Bible Translators, Inc.

Language: Siriano

Translation by: Wycliffe Bible Translators, Inc.

Copyright Information

© 2009, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Siriano

© 2009, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

cxi

PDF generated using Haiola and XeLaTeX on 18 Apr 2025 from source files
dated 29 Jan 2022
1a0774e8-d152-5929-891b-95e0d2238786